


تساويح الروح

ديوان روحانيات : قصيده واحده بالعاميه المصريه



شعر : إبراهيم رضوان



حقوق الطبع والنشر محفوظة
لدار الأديب للطبع والنشر والتوزيع

لا يجوز طبع أو نشر هذا الكتاب دون الحصول على إذن خطي من الناشر لاستخدام أي مادة من مواد هذا الكتاب أو نسخها أو إعادة نشرها أو نقلها كلياً أو جزئياً بأي شكل وأي وسيلة سوف يقع تحت طائلة المسائلة القانونية.

دار الأديب للطبع والنشر والتوزيع

تسابيح الروح.. (الطبعة الأولى)

ابراهيم رضوان

2021/15795 بدار الكتب المصرية

978-977-6909-01-4

تصميم واخراج .. دار الأديب .



daraladeeb@Gmail.com

Tel: 002- 01014449164

اسم الدار

اسم الديوان

اسم الشاعر

رقم الإيداع

الترقيم الدولي

الإخراج الفني..والغلاف



الجزء الأول سبحان الله

شايئك .. فى كل مكان
يارب .. ليل ونهار
مع آيه م القرآن
عمرى فى يوم ما احتار
**

شايئك .. شفا للروح
وأمان .. ونور .. ونجاه
إرحم دموع مجروح
جوه الحياه .. يا إله
**

شايئك .. يارب الكون
بالقلب .. والوجدان
على كل عبد .. حنون
يا خالق الإنسان
**

قلبى .. رسمته نجوم
على سكتك .. يا غفور
لما يكون .. مهموم
تبعثلى .. طاقة نور
**

شايئك .. ومين غيرك
يارب .. يهدينا
مالى الوجود .. خيرك
وانت اللى حامينا

خلينى .. شمس إيمان
قايده .. فى ليل إخلاص
سهران .. مع القرآن
مخلص .. لكل الناس
**

واهب إليك عمرى
يا خالق السموات
سلمت لك أمرى
وبكيت .. مع الصلوات
**

إزاللى ها دارى نجوم
عن قلب ضاع فى الليل
"العلم" .. نوره يدوم
لو كان عشاننا دليل
**

هاقسم .. كنوز النور
بينى وبين عبدك
الشوك .. هايبقى زهور
بصلاتنا .. فوق أرضك
**

إحمى القلوب .. من نار
بتنادى .. ع الظالمين
يا عالم الأسرار
علمك .. لقلبى معين

طه .. علمنى اكون
مش ناكـر للجميل
لجميع الناس .. أصون
وأكون إنسان أصيل
**

عمرک ما نسيت يا غالى ..
جميل .. و لو بسيط
صاحبك .. مقامه عالى
قلبك عشانه بيت
**

يا طه .. وانت صاحب
للصاحب والغريب
للكل تقول مراحب
ما انت النبى الحبيب
**

أهديت إلينا نورك
ونرد ازاللى جميلك
جينا علشان نزورك
ونشبع من جمالك
**

يا أحمد .. روحنا طاهره
بالآيه .. والحديث
مبعوث .. من رب قدره
للروح .. دايمـا جليس

الله عليك .. إنسان
أمى .. رقيق .. و حنون
قلبك .. نجوم إحسان
قايده فى ليل الكون
**

لما اصطفاك الله
إنت قاسيت .. يا حبيب
وصبحت للى تاه
بلسم .. وخير .. وطبيب
**

الله عليك .. نايم
على شوك .. وجمر .. ونار
ويا الآيات .. هايم
يا حبيبى .. يا مختار
**

علمتنا .. يا رسول
إن الحياه .. لحظات
خليت قلوبنا .. تنول ..
الجنه .. بالسجـدات
**

يارب .. خلى ضياه
فى قلوبنا .. مهما نضيع
الله عليه .. الله
أعلى .. وأحلى شفيع

إنسان .. ناداك ربك
يا هادى .. جوه "الغار"
جبريل .. دخل قلبك
صبح الإيمان أنهار
**

لا اخترت يوم الذهب
ولا كنت غير إنسان
فى عز عز التعب
ماشى معاك قرآن
**

تشبع فى يوم وتجوع
زى اللى كانوا معاك
فى الجوع دعيت فى خشوع
وشكرت لما اعطاك
**

إخترت .. تصبح ضوء
يهدى قلوب الناس
بقلوبنا .. طالع فوق
مع "سورة الإخلاص"
**

مين فى الوجود زيك
يا أغلى خلق الله
لسه نجوم ضيِّك
بتنادى ع اللى تاه

فى وقفتى للصلا
بانت نجوم نورك
بالحب .. قلبى اتملى
يارب .. من خيرك
**

أسجد .. يبان دمعى
يا خالق السموات
الآيه .. فى سمعى
الله على الآيات
**

أتوضى .. واوصل ليك
وأدق فوق بابك
كل الأمور فى إيديك
يارعوف بأحبابك
**

أرتاح .. مع القرآن
يارب .. يا غفار
بضياك .. أكون إنسان
يا عالم الأسرار
**

واقف .. وكلى خشوع
والتقوى .. جوه الروح
لو فيه يارب رجوع
إقبل فى روح مجروح

فى سكتك .. قلبى
زى النسيم .. يارب
طه .. سجد جنبى
ساعة سجود القلب
**

الجنه .. باب مفتوح
للهادى .. يا الله
إنت حبيب الروح
بتنادى ع اللى تاه
**

أنا قلبى .. طير مطلق
فى سحابة السموات
غازل .. فى توب الضوء
يارب .. م الايات
**

علمتنى .. أرتاح
بحديث .. مع القرآن
سلمتنى مفتاح ..
الجنه يا رحمن
**

يارب .. جيت لحماك
أسجد على الأعتاب
لما ندهنى ضياك
دقيت على الأبواب

علمنى .. حب الخير
يا خالق السموات
للكل .. إنت مجير
إهدينى بالصلوات
**

فى العلم .. أعلى نجوم
أعلى قمر إخلاص
كلمة إيمان بتدوم
جوه قلوب الناس
**

يارب .. كُونلى معين
لو اكون معين للجار
إن شفت قلب حزين
أصبح عشانه منار
**

علمنى .. أتوضى
من نهر .. موجه آيات
با اللى انكتب .. أرضى
واندم على اللى فات
**

خلينى .. صفحة نور
يقراها كل حزين
واما يجينى " الدور"
خلينى ويا .. أمين

يارب .. قلبي سلام
شايف .. دموع غيرى
طه .. مع الإسلام
وَصَّى على جارى

إزاللى هادوس عبدك
وانا نفسى عبد ذليل
الأرض .. دى أرضك
ويا النهار و الليل

إزاللى هاشيل سيفى
علشان يموت مُسلم
يارب .. يا شافى
لازم فى يوم أندم

إحمينى م الأحقاد
من كل قلب بخيل
خلى آياتك زاد
والهادى .. يبقى دليل

علمتنا الإخلاص
برسوك المختار
كان فى حياتنا أساس
وعمار .. ونور .. ومنار

فى خروجى .. "بسم الله"
فى دخولى .. "بسم الله"
يا طه .. جيت ومعاك
قرآن .. سحرنا ضياه

أيوه تُكالى .. عليك
ودعايا .. وسجودى
ودموى .. بين أياديك
زادى .. وزوادى

هرب الشيطان منى
ساعة ما جيت لحماك
فى سكتك صُوننى
يا اللى منايا لقماك

يارب .. كون عُونى
واهدينى ع الطرقات
من زمزم .. اسقينى
واروينى بالصلوات

يا هدايه .. و رعايه
طال الطريق بى
أنا روحى بالأيه
يارب .. محميه

آمنت بـيـك .. يارب
يا خالق الأكوان
الهادى .. جـوه القلب
مع سورة الرحمن

آمنت بـيـك .. ونسيت
كل الوجود .. يا حكيم
لك جـوه روحى بيت
لك فى الفؤاد تكريم

فوق الصراط .. خلّيت
روحى جنـاين شوق
لما سجدت .. لقيت
القلب طالع فوق

الله عليك .. يا رسول
يا حديث فى قلب الكون
خيرك .. يا طه سيول
والهنا.. "كُن " .. ف " يكون"

فوق الصراط .. قلبى
ساجد .. مع الساجدين
لك يارسول حـبـى
لك كل شوق وحنين

يارب .. مش عايز
أظلم .. ولا أنظلم
دا اللى معاك .. فايز
عمره ماحس بـندم

لا ضلال .. هايرضىنى
ولا ليل هايرضى الروح
يارب .. إشفينى
بالآيه .. لو مجروح

جوه الكتاب .. قلبى
بيدق ع الأبـوب
لو ابص يوم جنبى
ألمح ضياء الأصحاب

يارب .. قدرنى
آجى إليك تايـب
ع "القبله" .. سهرنى
طمنى ع الغائب

مين فى الوجود غيرك
بالنور .. يوضينى
مالى الحياه خيرك
بالجنـه هـنـينى

سلمنا لك أمرنا
ورجعنا بالحسنات
نتوضى من نهرنا
وندوب مع الصلوات

الرزق .. دق الباب
ودخل قلوب الناس
ماشيين مع الأصحاب
مع سورة الإخلاص

يا اللى رزقت الطير
إرزقنا باللى كان
أيوه وصلنا الخير
يارب .. بالقرآن

فى كتابك المحفوظ
شوفنا الضيا آيات
دا اللى معاك..بيفوز
يارب .. بالجنيات

ولا لينا غير بابك
نقدر ندق عليه
دا اللى فى يوم سابك
دخل التراب فى عنيه

التقوى .. جوه الروح
يارب .. كون عونى
جيتلك وانا مجروح
م السكه .. نجينى

صليت .. وصمت عشان
قلبى معاك على طول
أنا راحتى فى القرآن
وصديقى .. أغلى رسول

أنا "طاعه" .. لىك دايم
أنا سكتى .. أحاديث
لما الأدان .. يدن
طه بيبقى جليس

الجنه .. قدامى
يارب .. ييا موجود
فى صحوى .. أو نومى
ويايا .. يا معبود

يارب .. قلبى ناداك
مع كل دقاته
لما سحرنى سنأك
لحماك .. وصل صوته

أَمْشَى عَلَى السَّكَّةِ
جَوْهَ الْفَوَادِ إِيْمَانِ
أَحْضَنَ "شِعَابَ مَكَّةَ"
يَارِبُ .. بِالْقُرْآنِ

إِسْلَامِي يَمْنَعُنِي
أَدْخَلَ حِمَا غَيْرِي
يَارِبُ .. رَجَعُنِي
وَاطْفَى لَهَيْبَ نَارِي

سَلِمْتَ لَكَ قَلْبِي
يَا عَالَمَ الْأَسْرَارِ
لَكَ يَا رَعُوفَ حَبِي
إِحْمِنِي شَرَّ النَّارِ

أَنَا لِيَّ مَيِّنَ بَعْدَكَ
يَارِبُ .. يَرْزُقْنِي
إِزَالِي هَاطِيقَ بَعْدَكَ
وَأَنْتَ إِلَهِي خَالِقُنِي

خَلِّينِي لِيكَ .. عَلَى طَوْلِ
سَهْرَانِ .. وَسَاجِدَ لِيكَ
وَيَايَا أَعْلَى رَسُولِ
نَادَى بِحُبِّ عَلَيْكَ

يَارِبُ .. وَأَنْتَ الْأَحَدُ
إَوْهَنْبِي بَعْدَ الصَّبْرِ
"صَدَقَهُ" وَ "عَلِمَ" وَ "وُلِدَ"
يَدْعِيْلِي .. طَوْلَ الْعَمْرِ

"صَدَقَهُ" .. تَكُونُ السَّنَدُ
لِيَّ فِي لَيْلِ الْخَوْفِ
يَارِبُ .. وَأَنْتَ الصَّمَدُ
وَالرُّوحَ مَعَاكَ يَا رَعُوفَ

"الْعَلِمَ" .. لِيَّ طَرِيقَ
لِلْجَنَّةِ .. يَا سَتَّارَ
خَلِيهِ عَشَانِي صَدِيقَ
يَحْمِنِي شَرَّ النَّارِ

"وُلِدَ" .. بِيَدْعِيْلِي
تَغْفِرْ لِي .. بَعْدَ لُقَاكَ
أَنَا كَانُ حَزِينِ حَالِي
وَفَرَحْتُ تَحْتَ سَمَاكَ

قَدَرْنِي عِ الْمَكْتُوبِ
وَاحْمِنِي مِنْ نَفْسِي
فِي ضِيَاكَ .. يَارِبُ أَدُوبِ
لَوْ يَوْمَ تَغِيْبِ شَمْسِي

يارب .. نور الهدى
فى القلب ليل ونهار
الروح .. بتهمس رضا
لو حتى جوه النار
**

التقوى .. جوه الروح
تسندنى ع الطرقات
تسقينى .. لو مجروح
تهدينى بالآيات
**

توب العفاف .. موجود
فى كل ندهه عليك
يا أصل كل الجود
كل اتجاهنا إليك
**

أنا بيبك "غنى" .. يا كريم
والرزق منك فاض
بى يارب عليم
واهب لروحي الزاد
**

يارب .. جيت .. ولقيت
الروح مع الصلوات
إفتحلى باب البيت
وارضينى بالحسنات

علمت قلبى يصون
ويصاحب الحسنات
إزاللى يا طه أخون
وانا قلبى كله آيات
**

ما اقدرش اكون كداب
وانت لروحي إمام
فاتح عشاتى الباب
وهادينى بالإسلام
**

عمرى ما هاغدر يوم
وهاصون عهد الله
يا نسمة للمحروم
يا بدر .. لينا ضياه
**

لو يوم خاصمنى الناس
نورك يصالحنى
أصبح وتر حساس
لو حد يجرحنى
**

يارب .. مش محتاج
غير إنى اكون فى حماك
طه .. حبيبنا .. تاج
خدنا معاه لضياك

ماشى على السكه
والحب جوايا
ألمح شعاع مكه
فى حديث .. معاه آيه
**

مهما الطريق يبطول
توعدنى بالحسنات
يشفعلى أغلى رسول
أبكى على اللى فات
**

"الحمد لك" .. يا رءوف
على نعمة القرآن
آجى إليك ملهوف
تهدينى بالغفران
**

الخطوه .. لو مشاوير
أمشيها .. واوصل لك
توهبنا كل الخير
لو يوم نادينا عليك
**

طه .. إمام الكون
جانا بأغلى كتاب
للقلب .. أصبح عون
وفتح عشاتنا الباب

سلمنا قلوبنا ليك
غفور .. رحمن .. أحد
لا لك فى الكون شريك
أبدا .. ولا لك ولد
**

دخلت بقلبى بيتك
لما سمعت الأذان
ماشى طريق آياتك
جوايا نور إيمان
**

المال .. يارب ليك
والعمر .. والحياه
الرزق .. بين إيديك
الله على "الزكاه"
**

بنصوم .. ونقوم فى نورك
نصلى الركعتين
نقطر من نهر خيرك
ونصلى ع الأمين
**

ماشى فى أغلى سكه
والنور واخذني فوق
لو أقدر آجى مكه
آجى وكلى شوق

أجلك كل يوم أرتاح
على بابك .. واكون جنبك
مفیش فی الروح .. یارب جراح
مادام فی القلب نور حبك
**

یارب الكل .. نجینى
ودفینى .. مع القرآن
تنادى عليك .. دموع عینى
یا ساكن .. جوه كل كیان
**

أروح مهما أروح .. ألقاك
نجوم .. بتنور الطرقات
أنا سايب .. فؤادى معاك
عشان یشبع .. من الآيات
**

یجینى نورك الهادى
یریح نفسى بنجومه
أنا بضیاك .. سعید راضى
وقلبى داس .. على همومه
**

أجلك لاجل بیک أرتاح
وأسعد روحى بالجنة
أنا فى البعد .. كلی جراح
ونفسى لیلہ أتھنى

وكل شئ یا هادى
رسمته بالأصول
بضیاك .. القلب راضى
یا حبینا .. یا رسول
**

میلادك .. كان میلادنا
یا سید الجمیع
خذنا الكتاب .. بإیدنا
صبح الإنسان .. مطیع
**

مبعوث .. من رب عالم
یا طه .. وجیت هدیّه
الكون .. صبح مسالم
بالدعوه الربانیّه
**

إنت .. أول حقیقه
یا طه .. فى الحیاة
روحك .. كانت مضيئه
فى صعودها للاله
**

صلاة الله .. یا طه
وسلام .. یا حبیبى دایم
یا خطوة حب .. فیها
ملیون ساجد .. وصایم

صابر أنا .. كل الأوقات
يارب .. صبرنى تَمَلَّى
لو يوم تزيد فى الأزمات
الروح مع القلب تصلى
* *

أصْبِرْ .. ومين غيرك يقدر
يارب .. يسند فى خطايا
الخير .. مع صبرى بيكثر
وباشوف فى كل مكان آيه
* *

إغفرلى .. مهما يزيد ذنبى
وصلنى .. للقرآن دايمًا
من ميتك .. إغسل قلبى
خليه فى كل صلاه .. يـدَن
* *

يارب .. يا مالك أمرى
أرجوك .. تسامح أخطائى
لما يطول .. دايمًا صبرى
أهمس إليك .. إنت الباقي
* *

إحمينى .. م الهم الزايد
واشفينى .. من جرحي الدائم
خيرك .. فى كل مكان فايز
صحى الفؤاد .. لو كان نايم

يا رحمه .. يا مهداه
م الواحد .. الرحمن
يا الى الإله .. أهداه
يا طه .. للإنسان
* *

كنت الرعوف دايمًا
شائل كتاب الله
صبح الوجود أحسن
لما وصلنا ضياه
* *

آه يا رسول الخير
يا إمام .. لكل إمام
السكه .. بالمشاوير
بتاخذنا للإسلام
* *

يارب .. وانت العون
للعبد .. لو هايغوز
دا القلب .. لو هايصون
لازم فى يوم هايغوز
* *

خلينى .. بالصلوات
نجمه .. ضياها .. ضياك
إحمينى .. م الزلات
قدرنى .. اكون وياك

صوتى .. مع القرآن
واصل إليك .. يارب
يا فرحة الإنسان
ساعة صفاء القلب
* *

يا هدايه .. فى الآيه
إهدينى .. لاجل أفوز
لو "نعمه" .. ويايا
إديها للى يعوز
* *

ويا الكتاب .. أهدى
واتهنى .. بالمكتوب
الشوك .. يكون ورده
يارب .. لما أتوب
* *

أقرى الآيات .. أرتاح
أوصل .. إلى السموات
لو فيه فى روحى جراح
تشفيها .. بالآيات
* *

يارب .. يا معبود
جوه الكتاب .. أسرار
يا أصل أصل الجود
إشغلى بالمختار

فى الدنيا : "عبد شكور"
فى الآخرة : "أعلى شفيح"
جايب معاك النور
لله يا طه مطيع
* *

خوفك .. من الرحمن
كان ع الطريق وياك
ساجد .. فى كل مكان
محروس .. بألف ملاك
* *

عارف أصول دينك
إنسان .. فى قلبه خشوع
رب العباد .. صائك
صوتك .. صبح مسموع
* *

يا طه .. ليل ونهار
عايش .. مع الآيات
دايس .. على الأخطار
دايب .. مع الصلوات
* *

طه .. يا عبد الله
يا إمام .. لكل الناس
الفجر .. لسه ضياه
فوق سكة الإخلاص

نهر التواضع .. فاض
فى سكتك .. يا رسول
الآيه .. كانت زاد
وإيمان .. ونور .. وأصول
**

قلبك رءوف .. وعنيك
كانت كنوز .. وكنوز
لان الحجر .. فى إيديك
يا "جنه" .. للى يعوز
**

علمتنا .. يا حبيب
إن الغرور .. مكروه
لقلوبنا .. كنت طبيب
والبدر .. للى يتوه
**

الله عليك .. إنسان
فاهم .. أصول الدين
بتطهر الوجـدان
بحديث شريف .. يا أمين
**

"الكبرياء" .. جواك
قدام عـدو الله
بس الفقير يلقـاك
البدر .. دافى ضياه

قرآن .. فى وجداني
فى كل يوم اقـراه
بآياته .. خلانى
بالروح .. أقول الله
**

آيه .. ورا آيه
نور الجلاله .. يبان
الهادى .. جوايا
بيردد القـرآن
**

جوه الحروف .. أنوار
جوه الآيات .. أسرار
يا خالق الإنسان
إشـفعلى .. بالمختار
**

محفوظ .. يا أغلى كتاب
من خالق السموات
لو قلب تاه .. أو غاب
بـيعود .. مع الآيات
**

فى كل "سوره" .. أدوب
الله يا نور الـروح
جوه الكيان .. مكتوب
بتداوى .. فى المجروح

"اقرأ" .. دخل جبريل
علي حضرتك .. يا رسول
أصبحت لنا .. دليل
وبحور "قيم" .. وأصول
* *

العلم .. جوه الروح
هو السند .. والعون
ويانا .. فين مانروح
قايد .. فى كل الكون
* *

وصيت .. قلوب الناس
تتعلم القرآن
فوق سكة الإخلاص
تزرع نخيل إيمان
* *

علمتنا .. نختار
نصبح معاك .. أصحاب
والجنه .. يا مختار
فتحت عشاننا الباب
* *

يا معلم الأجيال
يا "وحى" .. م الرحمن
لو مال بروحنا الحال
تشفيانا .. بالقرآن

إوعدني .. بالراحه
يارب .. يا موجود
أنا روحي .. مجروحه
إشفيني .. يا معبود
* *

يا ضي .. لاجل العين
يا بلسم .. المجروح
شایل هواك .. يا أمين
فى قلب قلب الروح
* *

دخل الدفا بيتي
ويا اتجاهي إليك
فى الدنيا .. بان صوتي
لما ندهت عليك
* *

إسعدني .. بالصلوات
خليني .. ليك تاييب
شبعني .. بالحسنات
رجعني .. لو غاييب
* *

آه يا حبيب قلبي
يا طه .. يا مختار
لما تكون جنبى
تسندني .. فى المشوار

علمتنا .. الرحمة
والعطف .. ع المحروم
يا طه .. يا نسمه
يا ناصر المظلوم

العطف .. فيك باين
والرافه .. يا مختار
ماتحبش الخاين
ولا تقبل الغدار

علمتنا .. لو عاز ..
إنسان ضعيف .. تعطيه
الله علي الأستاذ
لو روحنا .. كانت فيه

طهرتنا .. بالنور
يا طه .. والقرآن
حتي اللي كان مغرور
أصبح معاك .. إنسان

علمتنا .. الإخلاص
نصبح .. نجوم في الليل
علشان نكون للناس
بالآيه .. نور .. ودليل

الحكمة .. في سكتك
هي الهدايه .. لنا
يا طه .. نور حكمتك
جوه قلوب مؤمنه

علمتنا .. إننا
نصبح نسيم .. ليتيم
الجنه .. آه ممكنه
لو نرضي رب كريم

إنت حديث الصفا
وانت "المدد" .. لجريح
وطريقنا .. يا مصطفى
وياك .. أصيل ومريح

الرحمه .. جوه خطاك
نجمة حنين .. وحنان
القلب صافي معاك
مليان أمان .. وإيمان

يا طه .. لو هايطول ..
الليل .. يجينا ضياك
حتي الشيطان .. يا رسول
أصبح في لحظه ملاك

يا مصطفى .. يا "وفا"
مالي الوجود بضياه
م البدء .. يا مصطفى
وانت رسول الله
**

توبك .. فردته بشوق
لحليمه .. فوق الأرض
خليت .. حياتنا تروق
ساعة .. أداء الفرض
**

بالحب .. علمتنا
نبقي نسييم ع الجار
كلمتنا .. كلنا
يا سيد الأبرار
**

ولا كنت .. إلا نسييم
علي كل قلب فقير
قمر الرسالة .. عظيم
وياه .. نجوم الخير
**

يا مصطفى .. يا "صفا"
جوه قلوب الكل
الضعف بيك اختفى
والكفر .. ويا الذل

يارب .. سبحانه
يا اللي مالكشي شريك
دا القلب .. لو صانك
بالروح .. ببوصل ليك
**

أسجد .. فى كل مكان
واسهر مع القرآن
ألقي .. الحياه أنوار
يارب .. يا رحمن
**

أنا هاعطي .. من خيرك
يارب .. للمحتاج
بان فى "الزكاه" .. نورك
والسجده .. صبحت تاج
**

أنا .. يا إله الناس
علي سكتك .. إنسان
مع سورة الإخلاص
أمشي .. فى كل مكان
**

للجنة .. نفسي أنول
الله .. علي الأنوار
قلبي .. شفيعه رسول
هادي .. حبيب .. مختار

كانت دموعك .. شفا
للقلب .. لو مخنوق
والله .. يا مصطفى
بيك الحياه .. هاتروق

بايديك .. غزلت الشال
ليتيمه .. نادت ليـك
حتي الجبل .. لو مال
ينده يا طه .. عليـك

دوقت المراره .. كتير
فى رحلتك .. يا حبيب
ضحيت .. عشان الغير
خليت .. جراحنا تطيب

معجزتك .. القرآن
يا صاحب "المعراج"
بتساعد الإنسان
لو كان فى يوم محتاج

يا فاطمه .. دمـكـ كان
نجمه .. علي الطرقات
فى الضلمه .. نورك بان
بيردد .. الآيات

الفضل .. للرحمن
عمره ما كان لينا
يا خالق الإنسان
إنت اللى هاديننا

أنا إيه أكون .. فى الكون
من غير هُـداك لـيـ
بالتقوي .. قلبي حنون
والهادي .. فى عنـيـه

فوق سكة الإخلاص
زارع نجوم فى الليل
واهب لكل الناس
قلبي .. يارب دليـل

نور الرسول .. موجود
باين .. فى كل طريق
خلي قلوبنا تعـود
تصبح لظه .. صديق

"التقوي" .. باب مفتوح
للجنه .. نـفـسـي أنـول
تشفىـني .. لو مجروح
يشفعلي .. أغلي رسول

علمت قلبي يـكـون
دائما .. فى عون الجار
يصبح عشانه .. حنون
ويسانده .. فى المشوار

الله عليك .. أستاذ
عارف .. أصول الأدب
تعطي الصديق .. لو عاز
ويهون عشانه التعب

الله عليك .. يا رسول
شائل هموم الناس
لو أي حرف تقول
بتقوله بالإخلاص

يا هادي .. وانت إمام
وانت الختام .. والخير
أهديت لنا .. الإسلام
مبدأ .. ونور .. وضمير

الكل .. كان وياك
يا طه .. جار .. وصديق
عاش الجميع .. فى ضياك
يا طريق إلهي مضى

ألقاك نخيل .. مالي القلوب
وبيوت .. ببيانها لؤلؤه
فى حب كل الناس تدوب
يا عيون إيمان .. متشوقه

شرفتنا .. من غير حدود
يا طه .. يا نهـر الأدب
الراحه .. دائما فى السجود
يا بحر خير .. وشطوط ذهب

رامي حملتـك .. ع الإله
الله عليك .. يا جبال عمار
"قرآن" .. عشان كل اللى تاه
للمحرومين .. قلبك ديار

فدان إيمان .. قارب نجا
ومحيط من الحب الشريف
فى الروح .. زرعت بنفسجه
ورسمت .. للمحتاج رغيف

مدنه .. عليها بلال .. عنيك
وإيديك .. بتنده للى عاز
سكة أدب .. الله عليك
كل اللى قال .. "يارب" .. فاز

حددت مشوار الحياه
بالآيه .. ومعها الحديث
الله .. وهب نفسك ضياه
يا مصطفى .. وانت الجليس
**

مریت بقلبك .. يا رسول
شوفنا الأصول .. فى نظرتك
النور فى ضيِّ عينك سيول
و "التقوي" .. ماليه سكتك
**

جيت للحياه .. يا مصطفى
جايب .. لكل الناس هدموم
شارب .. بحور المعرفه
حامي .. قلوبنا م الهموم
**

أنده .. تكون قبل النداء
بتدق أبواب الجميع
مهما قاسيت .. بتقول رضا
تشفع لروحنا يا شفيح
**

لفيت .. بلاد الله كثير
ورجعت .. بالأنوار لنا
إنسان كريم .. جواه ضمير
روحه .. كريمه .. مؤمنه

بيتك .. بيضوي بالآيات
يا دقه .. فوق باب الإيمان
ماشي .. علي جسر الثبات
قرآن .. فى قلبك .. والكيان
**

يا أشرف الأشراف .. يا "ضوء"
مالي الحياه .. دايمًا عطور
تنزل دموعك .. فى الوضوء ..
ع الأرض .. تتحول زهور
**

وردك .. زرعته للبشر
والشوك .. داريته م الجميع
تفتح عينك .. تصبح قمر
تفرد إيديك .. يظهر ربيع
**

منديل .. علي رمل الضيّا
قنديل .. فى ليل العطشانين
إنت .. ختام الأنبيّا
يا مصطفى الهادي الأمين
**

يا طه .. جيت علشان تكون
البدر .. لو خان الطريق
وان يوم غرقنا .. فى الظنون
تصبح لنا .. مليون صديق

أوقـات كـتير نـنسى
ونـصاحب الأخطـاء
وان عـودنـا للمرسـا
بنـحس بالأشـواق

نشـتاق إلـيك يا أصـيل
يا أحـلى خـلق الله
بتشـد لـينا الحـيل
وتسـاعد الـلى تـاه

نشـتاق إلـيك لـما
نقـرى فـى ألف حـديث
ع السـكـه فـيه "لـمه"
مـلـانـه بالأحـاسـيس

نشـتاق .. ياخذنا الشوق
لـجـزيرة الإسـلام
آيتـك .. تاخذنا فوق
ونـحـقق الأحـلام

نشـتاق .. نصلى معاك
جـوه مـدينـة خـير
يـحيـينا شـهـد لـقـاك
ويـاك نفـوسـنا تطـير

أستأذنك فـى دخـول
مـن باب عـزیز جـدا
تـنزل دمـوعـى سـيول
تـبقى الحـياه أحـسن

بابـك يا طـه نجـوم
بتـنادى ع التـايهين
يا بحر .. مـوجـه علـوم
يا حـديث جـليس مـلايين

بابـك .. حـصنـته بشـوق
بصـيت عـليك بـحنين
قـلـبي طـلع عـلى فـوق
ويـاك يا أغـلى أـمين

بابـك .. دمـوعـى عـليه
وأنـينى .. جـوه حـماه
الحـسن بـاين فـيه
الله عـلـيه الله

بابـك .. مـازال مـفتوح
يـا طـه .. للعـشـاق
إنـت حـبيب الـروح
والله فـه والأشـواق

جايالك .. ودقة قلبى آه
والرحله .. سجادة صلا
بيك ابتدت كل الحياه
ومعاك .. طلعتنا للعلا
**

قدام مقامك .. رجفتى
همسة يمامه بالسلام
الله عليها وقففتى
الله على أغلى مقام
**

من قلة الحب الشريف
إحنا شربنا معرفه
ع الكون قسمنا فى الرغيف
وندهنا ليك يا مصطفى
**

ياضى شافى للعباد
يا آيه طاهره للوجود
الكون .. بدأ بيك الميلاد
والنور .. بدأ بيك السجود
**

لما دخلت عليك يا نور
حسيت بأن الحزن زال
الشوك صبح فى لقاك زهور
والخير صبح وياك جبال

الصمت كان فى حضرتك
شلال من الفكر الشريف
ماشيين ياطه سكتك
فى الفجر .. نقسم فى الرغيف
**

بنداوى فى المجروح هنا
بنساوى بين كل الجموع
الناس بتصبح مؤمنه
لو بان على خدودها دموع
**

لما ابتدينا معاك نفوق
صحينا فى قلوب العدم
يا طه .. خدت القلب فوق
وندهنا ليك .. رديت نعم
**

صبرت قلبى اللى انجرح
بحديث وآيه مخلصه
شجر المحبه .. معاك طرح
يا حبيبى فاكهه مقدسه
**

لما نادينا عليك .. ناديت
صوتك صبح .. "إنقاذ" لنا
دخلت نجومك كل بيت
الدنيا صبحت مؤمنه

من همستك أشرب ولا ..
أشبع يا سيدي المصطفى
جوه الصلا .. كان العُلا
كان الصفا .. ويا الوفا
**

مهما ياطه ف ليل نضيع
لازم هانرجع للصراط
يصبح خريف الكون ربيع
نكبر ونعلى بالآيات
**

لما القمر .. تاه مننا
نادينا ليك يا بحور دفا
صبحت قلوبنا حنينه
جايبه لجار الجار شفا
**

يا شط لبهور الوصول
للجنة .. إغسل قلبنا
إحمينا دايمًا يا رسول
من روحنا .. وافضل جنبنا
**

يا طه .. والعمر الطويل
بيضيع في لحظه بالخطأ
خلى الكتاب لنا دليل
يهمس لنا .. لو ثوهُنا : لأ

في كلمتك .. سير الدخول
في حكمتك .. شط الأمان
يا طه .. يا أعظم رسول
يا شمس بثدفي المكان
**

صليت عليك .. صبح الوجود
واحده .. وراحه للفؤاد
حسيت بنبضك .. في السجود
يا هادي .. يا بدء الميلا
**

في سكتك .. رسم القدر
لينا الخطاوى الطيبه
أصبحنا جوه الليل قمر
في نهر حبك مركبه
**

في الفجر .. أو جوه المسا
لسه حديث قلبك ضيّا
جوه القلوب المخلصه
خالد .. يا نور للأنبيا
**

ونزلت بالقرآن .. رءوف
على كل ناسك يا رسول
عرفتنا .. إزاللي نشووف ..
نورك عشان يصيح سيول

من أول المشوار وأنا ..
يا طه دمعى بيندهك
لو عشنا ميت مليون سنه
ماحد تاتى يشبهك
**

يا حبيبى .. يا سكة نجاه
الله عليك فى (غار حراء)
أبو بكر ومعاه الإله
وياك .. يا جبل الكبرياء
**

من أول الصمت اللى طال
لبداية القول الكريم
جبريل .. فى أول لحظه قال
ليك يا رسول .. إنك عظيم
**

من أول المشوار نويت
تهدى العباد .. صبح ومسا
لما بنيت .. علشاننا بيت
ظهرت روحنا المخلصه
**

من أول الندهه الحلال
سلمنا قلبك سرنا
الليل صبحى .. على صوت بلال
والنور .. تولى أمرنا

يا جلىسى .. لو ضاع الجليس
يا حبيبى .. فى زمن الجفاف
إنت عشان الروح ونيس
يا طه .. يا اشرف ضفاف
**

عرفتنى .. إن الأصول
لازم تسود بين البشر
خليت جميع الناس تنول
الجنه .. وتطول القمر
**

يا جلىسى لو ضاع الرفاق
والدنيا .. داست ع الجموع
إنت الحنين .. والإشتياق
وانت الضياء .. مليان خشوع
**

سهرت قلبى معاك سنين
ومازلت جوه الروح شرع
كبرت قلبى يا أمين
وياك نسيت كل اللى ضاع
**

الصمت .. أبلغ م الكلام
عرفتنا .. معنى الهدوء
لما دخل فينا الضلام
هليت علينا بالشروق

من حضرتك .. خدنا الحِكم
خدنا المعانى الطيبه
بننادى ليك .. تهمس : نعم
وتكون عشاننا مركبه

أحمد .. يا عارف سرنا
إزاللى نفوتك فى الزحام
الأيسه .. ملكت أمرنا
يا اللى عليك .. مليون سلام

فى حضرتك .. نطق الحجر
من حكمتك .. كانت دروب
إسمك .. نطق بيه الشجر
صوتك .. صبح دقات قلوب

من حضرتك .. قلبى ارتوى
بس الهوى .. أوقات يزيد
إحنا بنلقى معاك دوا
وف كل يوم نلقى جديد

من حضرتك .. خدنا الكثير
وأخذنا رب الكون معاه
الجنه .. محتاجه ضمير
والعبد .. محتاج الإله

يا طه .. آه .. ما أجملك
يا صاحب الوجه الحسن
ما أحسنك .. ما أكملك
يا اللى عنيك .. جنة عدن

صليت .. عليك فى كل حين
يا اللى اصطفاك الله أمين
يا "سر" .. فى كتاب الوجود
يا إمام جميع المرسلين

وَصَلَّتْ رسالتك للبشر
طلعوا لفوق جدا معاك
مابقاش لظلم الليل أثر
ومشيت وكل الناس وراك

يا طه .. كنت الضوء على ..
كل الدروب المؤمنه
نزلت دموعك فى الصلا
صبحت دموعك سوسنه

يا طه .. آه .. ما أكرمك
يا رساله .. فوق أرض الخلود
الله يا غالى .. سَلِمَك
الأيه .. تهدى فى الوجود

إختارك القلب الهائم
طريق يا طه .. بيهدينى
صليت عليك صاحى ونائم
وسقيت نحيالك بعيونى

أحمد .. وقديلك خدنى
جـوه الساحات الإلهيه
يسقينى آيه .. ويسعدنى
يزرع حروف الخير فى

ظهرت قلبى من القسوه
وجيت إليك .. يا عبير النور
حسيت معاك .. طعم القوه
والشوك صبح فى القلب زهور

لما نويت .. أحضن بابك
ندهت لك م الفجـريه
شفتك قمر .. بين أصحابك
وناس كثير .. رايحه وجايه

يا طه .. لما ناديت لى
إتهز باب الكون بنـداك
شفتك ضيا .. جوه عنيّه
الله وهبنا .. هواك وضياك

صليت عليك .. لما ابتدى
الفجر يغزل فى الندى
واشتقت ليك .. يا مصطفى
ساعه ما لبيت النـدا

وبكيت فى حضنك يا إمام
لمست دموعى فى المقام
سجدت عيونى يا رسول
وارتحت جدا بالسـلام

شاورت لينا من بعيد
الشمس باست كفتك
خلينا فى اليوم الجديد
نمشى جماعه سكتك

لما بكيا صبح بصوت
فتشت فى أعظم كتاب
جوه الآيات .. شفت البيوت
البيت يا طه بألف باب

عودت قلبى ع السكون
ساعه سماعى لحضرتك
لا "شك" زاد .. ولا فىه ظنون
تبعدنى يوم عن سكتك

صافى .. ودافى يا رسول
شافى .. قلوبنا م الجراح
نور الآيات أصبح سيول
وارتحنا .. من عصف الرياح
**

أحمد .. وضى عنيك شطوط
بتنادى دايمًا .. ع اللى تاه
الشوك صبح .. يا حبيبى توت
الله على فضل الإله
**

صافى و دافى .. بدون حدود
قنديك الطاهر كتاب
كان الطريق .. مليون سدود
لكن فتحت عشاننا باب
**

طهرتنى .. قبل الدخول
كبرتنى .. بعد الخروج
كنت العزيمه .. يا رسول
هزيت بصوتك فى البروج
**

صافى و دافى يا إمام
وسلام عليك .. طول الحياه
من قلبنا لىك السلام
يا فضل زايد م الإله

جاهى .. رسول الله
ولا لى غيّر الله
قربنى لىك يا إله
لوليله قلبى تاه
**

يا مصطفى .. بنادىك
فى زحمة الأحداث
الروح بتجرى عليك
يصبح سكونها .. حماس
**

جاهى .. نبى مبعوث
من عند رب مجيد
يهدى بفضلہ نفوس
وياه شמוש بتقيد
**

يا مصطفى .. وارتاح
فى حزن آل البيت
لوحتى فى جراح
تشفى نى لوح بيت
**

من صغرنا عارفى من
إنك رسول إنسان
إنك يا طه أمين
وانك آيات قرآن

وتأخذنى مركب إلهيه
على طه .. أشرب من نوره
روحى عليه .. رايحه وجايه
والدمع حاضن فى زهوره
**

يا طه .. والمركب لسه
تايهه .. ومش لاقيه المرسا
وصلنا يارب العزه
خلينا بالقرآن شمسه
**

لما ناديتنى .. تركت الناس
و وصلت ليك .. أغلى مدينه
أصبح سلامى .. وتر حساس
يا دعوه للحب أمينه
**

أكتب على كل سحابه
طه حبيب الكون كله
أرواحنا تطرح لبلايه
ونجومنا ع المدينه يهلوا
**

الليل ياخذنى ساعات منك
يا طه .. وارجع بذنوبى
لما بعدت ف يوم عنك
حرق غيلان النار توبى

إرحمنى .. من ليل الجفا
كلمنى .. لوضاع الأمل
سلمنى .. نور المصطفى
خلى جراحي تندمل
**

يارب .. واقبل دمعتى
ساعة بكاي فى السجود
للكل أوهب شمعتى
فى ليل طويل .. مالهوش حدود
**

لما دخلت حماك فى يوم
صبح الفؤاد .. شلال حنين
ريحت روحى م الهموم
فى حضرة الهادى الأمين
**

مجروح يا أيام الفراق
إشتقت لجبال المنى
فى مكه .. زاد الإشتياق
جوه المدينه .. سوسنه
**

صبرت قلبى فى الرحيل
و وعدته تانى باللقا
طه لقيته ف كل ليل
قنديل بيطفى فى الشقا

فى حضرتك .. قلبى
يرتاح من المخاليق
ساجد بشوق جنبى
يا هلال لكل غريق
**

يا طه .. إسقىنى
من كوثرِكَ .. إعجاز
بالتقوى .. إرضىنى
شبعنى بالإعزاز
**

لما ابتدت روى
تعرف طريقى فى
صبح الفؤاد صاحى
فى حضرتك يا أمين
**

أنا من زمان مفتون
بآيات .. ورا آيات
نفسى أكون فى الكون
العون .. مع الحسنات
**

أصحى فى عز الليل
علشان أصلى عليك
نورك يشد الحيل
ساعة اتجاهى إليك

طه .. وكل الدنيا بك
متزوقه .. متشرفه
لما ابتديت .. تفتح عنك
ع الدنيا .. قولنا مصطفى
**

إشفع لنا .. خلى القلوب
تقدر تدق على البيبان
ساعدنا نقدر يوم نتوب
خلينا بالقرآن .. نبان
**

يا طه .. والقرآن ثداك
خلاك .. مابين الناس إمام
غلاك .. وصحى الكون معاك
ولولاك .. ما بان قمر السلام
**

يا طه .. ننسى كل شئ
يقسى علينا الليل .. نتوب
نصبح رجالك ع الطريق
بعد الذنوب .. فى ضياك ندوب
**

يا طه .. قنديلك فى
يضوى على طول الأمد
زهر الحياه .. لو يوم دبل
زهرك بيفضل للأبد

طالع .. وكل الجبل
شأيله على اكتافى
يارب .. عندى أمل
قلبى يكون صافى
**

وأصاحب العارفين
وأصالح الأحلام
طه .. يا أغلى أمين
يا هدية الأيام
**

طالع .. وليك ملهوف
يا اللى خلقت الكون
وياك .. نسيت الخوف
وهربت م اللى يخون
**

تندهنى .. أجرى بشوق
أسجد على الأعتاب
فى رقبتي .. كان الطوق
لكن فوادي تاب
**

الله .. أقول وأقول
يصبح كلامى سجود
كان الرسول مسنول
عن كل شئ موجود

وفتحت قرآنك على ..
سورة (يس) وبكيت بشوق
القلب أصبح زلزله
والروح معاك .. طلعت لفوق
**

يا هادى فى كل البشر
إهدينا فى دنيا العدم
لسه الطريق .. مزروع خطر
لسه الجبال .. فوق القدم
**

وفتحت قلبى لكل شئ
يقدر ياخذنى بنور معاك
نورك صبح للروح صديق
قلبى صبح وياك ملاك
**

لما نادانى الحب جيت
علشان أزور المصطفى
جوه مقام الخير لقيت
البيت صبح أنهار دفا
**

دويتنى .. بين الأنام
غربتنى .. لما نسيت
قلبى "قرير العين" .. ينام
لما صبح لكل بيت

فى الحضرة .. نذكر أفضالك
نلقى الرسول موجود بيننا
نبكى .. ونتغلى بشالك
نلمس بأرواحنا الجنة

ونردد الآيه الطاهره
ترتاح قلوبنا العطشانه
إرحمنا يارب القدره
من ليل بىرمج جوانا

فى الحضرة .. طيفك ينادينا
وياخذنا دائما لمدينه
ونزور مقامك يا مختار
نلقى الديار .. أنهار زينه

فى الحضرة .. تتهنى قلوبنا
ودروبنا .. تصبح نور على نور
فى حضرتك .. يا حبيب دوبنا
وهربنا من قلب المغرور

فى الحضرة .. بتزيد الخُضره
يا مصطفى .. نسمع صوتك
ساجد فى نور أرواح حُره
يا كارمنا يا طه ف بيتك

عمرى ما كنت فقير وياك
يا غاتينى دائما بحلالك
ع الأرض .. بس الروح فى سماك
والقلب لما اشتاق جالك

يارب .. وارسمنى يمامه
فوق الغصون .. بتقول آيه
خلى الآيات .. لينا سلامه
خلى الرسول .. لينا بدايه

عمرى ما هاقدر أنسى آيات
أخذتنى للجنة الطاهره
الذكريات .. مليانه آهات
هاوصل حبيب الروح بكره

أجى إليك .. والقلب يقول
فى حب طه .. ينادى بشوق
لما يتوب م الذنب .. ينول
يطلع معاك يا حبيبى لفوق

وأدق باب النور .. إنسان
جوه المدينه .. فى نور مكه
واما يطول .. ليل الأحزان
ألقى الآيات .. للروح سكه

غلينى عند الناس
علينى بالأعمال
أصبح وتر حساس
وأدان فى قلب بلال

يا باعنا الأرواح
إبعثنا نور على نور
قلوبى يكون مصباح
روحى تكون عصفور

يارب .. والإحساس
إنت وهبته للناس
شالت هموم الغير
صبحت وتر حساس

خلينى أصبح قوت
ليتيم على الطرقات
توته .. فى شجرة توت
وحديث فى حزن آيات

توبى .. وهبته لجار
محتاج قوى للتوب
فى حماك بنيت الدار
صليت على المحبوب

علشان نكون .. هليت
بالآيه والأحاديث
طهرت بيت البيت
م الكفر .. والتدنيس

الله عليك إنسان
بتردد القرآن
وبتزرع الصلوات
يا طه .. فى الوجدان

علشان نكون يا رسول
كانت رسالتك خير
أكبر كتيرم القول
يا إيمان .. ونور .. وضمير

ياما يا طه قاسيت
وداريت عن الأصحاب
إنت بنيت البيت
أخضر .. بمليون باب

نشأتق إليك .. نناديك
شبابيك ضياك .. قرآن
روحنا يا طه فى
والآيه فى الوجدان

سلمتني .. آيه شريفه
كلمتني .. ساعة الضيقه
شرفتني .. بالتشريفه
عرفتني .. ألف حقيقه

يارب .. لما بقرب ليك
ألقاك قريب .. أكثر وأكثر
أسجد .. ودمع الروح يناديك
الصخره .. تتحول مرمز

سلمتني القرآن شامل
عرفتني كل طريقى
المصطفى المختار .. كامل
خليه على السكه صديقى

لما يطول الشوق بى
أصلى ع الهادى بقلبى
ألقى النجوم .. دخلت فى
والقى الرسول .. ساجد جنبى

صبرنى .. أكثر فى الشده
قوينى .. لو هاتجبنى الريح
خلى جبال الشوك ورده
وآيه شافيه .. لكل جريح

لك فى الفؤاد .. دقات
يا رحمه .. يا مُهداه
إنّت رسمت صراط
عاشان عباد الله

إحنا الهوى خدنا
والضوء .. لعب بينا
غيرك ما يسعدنا
يا ضى لعيننا

بعد الوصول .. صليت
يا مدينه الغفران
زارنى الرسول .. سميت
وهديت مع القرآن

يا مُرشد الأبرار
يادافى للأرواح
فى سكة الأسرار
كان الكتاب مفتاح

بَعَثَكَ إله الناس
بتحارب الشَّيْطَان
صوتك ملان إحساس
وعنيك بحور وجدان

يا سَيِّدَ العابدين .. لقيت
راحتى .. فى آيه مقدسه
قدام شعاع البيت .. ناديت
قمرى .. يا أعظم مدرسه
**

يا هادى .. نادى ع اللى تاه
خلى الحياه .. تصبح حياه
خلى طريق العارفين
محروس بقنديل الإله
**

أحمد .. ولا غيرك يكون
جوه السكون .. آيه خلاص
الآيه .. رايه فى العيون
وهدايه يا أعظم أساس
**

يا طه .. والقنديل شحيح
يا ضى قنديل الوجود
بلسم لكل حزين جريح
يا رجفه طاهره .. فى السجود
**

يا حبيبى .. لما الليل يطول
أقرب حديثك لاجل انام
علمتنى أصل الأصول
عرفتنى نظام النظام

ساعة ظهور .. نورك على ..
أرض المدينه المؤمنه
إرتحنا جدا بالصله
فى لحظه .. تسوى ميت سنه
**

يا طه .. والقنديل حديث
ترتاح قلوبنا بنسمته
الآيه .. للمحتار ونيس
والحب .. باتت شمسته
**

مختار من المولى الرءوف
يا حبيبى .. عارف وجهك
فى الدعوه .. ما جربت خوف
ولا لحظه تاهت خطوتك
**

فطرنى .. باللقمه الحلال
عشيني .. من نهر الضيا
كبرنى .. بنجوم ابتهاج
يا سيد لكل الأنبياء
**

الله عليك .. إنسان جليل
بعثك عشاننا ربنا
اللى نسى يصلى بخيل
يا اللى صلاتنا عليك .. غنا

ينزل مطر ع التوب
يغسل قلوب وقلوب
يا فرحة المحبوب
لو يرضى بالمكتوب

إعلننا نسمة شوق
على قلب كل يتيم
فى عينا شمس شروق
وطريقنا يبقى سليم

ينزل مطر .. أرتاح
فى سكتك يار عوف
لو أنسى لحظه .. سماح
يا نسمة ع الملهوف

إرحمنى من أصحاب
عايزه تتوهنى
افتح لقلبي الباب
بالهداى وجهنى

يارب .. والأخطاء
بتأخذنا للأخطاء
لا المنصب المعروف
ينفع .. ولا الأسماء

أحداث .. ورا أحداث
يا منقذى م الخوف
قلبي وتر حساس
بينادى ليك يار عوف

مهما القلق هازيد
مهما الهموم هاتطول
هاجيننا فجر جديد
مع ضى أحلى رسول

يارب .. والأيام
أوقات علينا تدوس
تبدل مع الأحلام
وتموت فى لحظه نفوس

وَضَحَت لينا الكون
وأمرتنا نختر
خليت رسولك عون
الله على المختار

يارب .. خدنا الليل
لطريق بدون إحساس
إتهد فينا الحيل
و "ظلمنا" كل الناس

صابر .. ومش صابر
أوقات يَبَّان يَأْسَى
أنا فى الحياه عابر
وانت شعاع شمسى

يارب .. كون العون
فى العالم المجنون
خلى الحقيقه تبان
والنور .. يزور الكون

لو أنسى .. فكرنى
لو أقسى .. نجينى
مع طه .. سهرنى
طهرنى .. من تانى

علمتنى .. أهـواك
فى زحمة المشاوير
يشبعنى ضىّ ضياك
ما اطلبشى شئ م الغير

ساجد يارب الناس
على سكة العاشقين
قلبى .. شطوط إحساس
وعنيّه .. فيها أنين

لما اتجهنا إليك
كان اتجاهنا صواب
يا اللى مالکش شريك
لك ع الطريق أحباب

يارب .. مالنا سواك
مالنا .. عيالنا .. ليك
مالناش حبيب إلاك
يا بخت مين يرضيك

أهدتنا أغلى رسول
يهديننا من جـوه
أصبح طريقنا سهول
خلى الضعيف قـوه

صفت قلوبنا بنور ..
طه .. حبيب الكون
فى العالم المسحور
الأيّه صبحت عون

لما اتجهنا معاك
كان المقام مفتوح
روحنا وخذنا .. ضياك
طهرنا بيه الروح

يا سكة الحياره
أدى القرآن دليـل
جبل الخطأ .. مراره
نهر الحلال .. جميل
**

ياعالم بالقلوب
خلى النفوس تفوق
خلى اللى خان يتوب
خلى الأيـام تـروق
**

طه علمنا نفضل
فوق الطريق آيات
علمنا لاجل نـقبل
ونمشى ع الصراط
**

يا هادى .. نادى دايمـا
ع الروح .. لو يوم نتوه
لما الأدان بيـدن
بيبان جـوه الوجوه
**

أبيت الفرض لما
إشتاق قلبى الحزين
إدانى طه "ضمه"
خلى الحجر يلين

بحق جـاه مصطفـى
تفرد علينا التوب
نرجع مدينة صفا
ويا حبيبنا .. ندوب
**

لو نرضى بالمكتوب
هنا صالح الأيـام
أنا قلبى يا محبوب
جـوه السحابه يمام
**

يسهر معاك .. يسهر
تصبح دموعنا آيات
على ليل طويل نقدر
بالصبر .. والصلوات
**

أوقات يكون صمتى
فى حضرتك أنـات
مفروده بيك قامتى
يا خالق السموات
**

أنا وجهتى .. مـكه
على جبهتى .. قرآن
ساجد على السكه
سجادتى دمع إيـمان

ففى سكتك أرتاح
طه لقلبى قريب
سلمتنى مفتاح
خليت جراحى تطيب
**

روحى معاك يا إله
عن كل شئ صامت
لو لحظه قلبى تاه
تبكى بكاء صامت
**

متعلقه روحى
بمقامك المشهود
الأيه مفتاحى
يا إمام فى كل سجود
**

يارب و الأيــــــــام
داسـت على الطرقات
وبترجع الأحلام
صافيه مع الآيات
**

عودتنى أناجيك
لو طال على الليل
روحى وقلبى فيك
ودموع عنيه دليل

شجر الطريق رافع
فى فروعه للمولى
قمر الإيمان ساطع
ساجد على القبلة
**

يارب .. نجينا
من كل ليل مسدود
الأيه .. تشجينا
والفجر بينا يعود
**

طه ياخذنا معاه
يسقينام الأتــــــــوار
الله عليه الله
قلبه كنوز أسرار
**

الهادى يهدى القوم
يسقى القلوب بسناه
نصحى فى عز النوم
على (ضى) بان فى نداءه
**

لما الأذان بيــــــــان
نلقى الطريق محروس
نهدى مع القرآن
على اللى عاصى ندوس

عَنقود دهب يظهر
لَمَّا بَقُولِ اللَّهِ
وَيَا الرَّسُولَ نَسْهَرُ
سُبْحَانَهُ مِنْ سَمَاهُ
**

يَا خَطْوَةَ الْمُخْتَارِ
يَا مُحِيطَ مَلَانِ أَمْوَاجِ
لَمَّا الرَّسُولُ اخْتَارَ
إِخْتَارَ يَكُونُ مُحْتَاجَ
**

صَفِينِي .. زِي الْمَطَرِ
طَهْرَنِي .. زِي النُّورِ
خَلِينِي .. جَوْهَ السَّفَرِ
بَسْمَةَ قَمَرِ بِيدُورِ
**

يَا مُصْطَفَى .. شَدِيدِ
نَفْسِي مِنَ التَّرْحَالِ
لِحِظَةِ زِيَارَةِ الْبَيْتِ
صَبَحْتَ دُمُوعِي جِبَالِ
**

أَسْبِقْ خَطَايَا عَشَانِ
أَجِي إِلَيْكَ مَشْتَاكِ
ضَى الْهَلَالِ لَوْبَانِ
بِيْفَرِحِ الْعِشْقُ

سَلِمْتَ لَكَ قَلْبِي الدَّايِبِ
وَيَا رَسُولَ الْبَشَرِيهِ
عَمْرِي مَا كُنْتُ فِي يَوْمِ غَايِبِ
يَا رَبِّ .. يَا سَاكِنَ فَيِّ
**

إِسْقِينِي مِنْ "زَمْزَمِ" تَانِي
نُورَ الْمَدِينَةِ .. بَيْنَ دَهْنِي
عَمْرِكُ فِي لِحْظِهِ مَا تَنْسَانِي
إِحْمِينِي .. مِنْ لَيْلِ تَوَهْنِي
**

الْهَادِي .. خَلِيهِ يَنْادِينِي
لِمَدِينِهِ .. تَشْبِهَ لَجْنِيهِ
الْلَيْلِ .. فِي بُعْدِكَ يَضْنِينِي
وَالضَّلْمَةِ .. دَاسَتْ أَسَامِينَا
**

يَا رَبِّ .. مَشْ مُمْكِنِ نَنْسِي
طَه .. طَرِيقَنَا وَأَنْوَارِهِ
مَكَّة .. بَقْتُ لِلرُّوحِ مَرْسَا
نُجْجِي لِأَحْمَدِ .. وَنَزُورِهِ
**

فِي مَدِينَةِ الْمُخْتَارِ أُرْتَاكِ
قَمْرِكُ يَا طَه يَرِيحُنِي
الْأَيَّهِ جَوْهَ اللَّيْلِ مُصْبَاكِ
يَا أَلِّي فِرَاقُكَ يَجْرَحُنِي

ماشئى أردد فى الآيات
جوه الطريق الأحمدي
يا أصل كل المعجزات
القلب تاب .. يا سَيِّدى
**

وَصَلْنِي .. للزاد الحلال
كَسَلْنِي .. عن فِعْل الحرام
خلى سكوت الروح جلال
خلى بيوت النور كلام
**

أوقات كتير .. بنضيع هناك
أوقات كتير .. بنضيع هنا
آدى نفوس .. جوه الشَّبَاك
ونفوس حبيبته مؤمنه
**

ونصلى ونسلم على
أحمد .. حبيب رب العباد
جوه الخلا .. طال الصلا
م الليل خرج فجر الميلاد
**

يارب .. كان فى البدء نور
ليه نطفى بالظلمه نجوم
قدرنا نزرع أرض بور
نرويه من نهر العلوم

طه .. وكل الكون نَدَاك
يا اللى نَدَاك .. فوق وردنا
لما إله الكون نَادَاك
شوفنا ضياك .. فوق أرضنا
**

يا رحمه .. لاجل العالمين
يا بسمه .. جوه الشقيانين
يا نسمة .. للطفل اليتيم
يا مصطفى الهادى الأمين
**

تَبَّت يدا اللى يجرحك
يا طه .. يا خَيْر الرُّسُل
باستأذْنِكَ .. واستسْمَحِكَ
تصبح عشان الروح مثل
**

مين يا حبيب القلب مين
يقدر يَنُول من حضرتك
يا إمام لكل المرسلين
بارك بنورك صُحبتك
**

يا بَلَسْمَى .. لو جرح طال
يا ندايا .. لوفىه احتياج
اللى بيعشق طه .. نال
طال السحاب .. ولبس فى تاج

أنده بشوق .. "الله" .. أكون
بين العباد .. قارب نجاه
أسمع آياتك فى السكون
يارب .. ياروح الحياه
**

علمنى اكون .. نسمة علاج
للطفل .. لو محتاج دفا
سلمنى .. ويا الآيه تاج
أهديه لسيدى المصطفى
**

أنا شكوتى .. دمعته على ..
خدى اللى حاضن كفتى
القلب بالذنب اتملى
والموج بيرعش دفتى
**

يارب .. والقرآن سند
يارب .. والهادى شفىع
ظه .. رسولنا للأبد
والقلب ليك .. دايمما مطيع
**

صفىنى .. م الذنب الرهيب
كفىنى .. بالرزق الحلال
خلى الحبيب .. لى حبيب
خلى فى سمعى .. أدان بلال

أرجوك .. يا كل رجايا .. كون
لى الونيس .. يوم السفر
إبعدنى .. عن نار الظنون
واجعلنى .. لنجومك قمر
**

محتاج إليك .. ياذا الجلال
ياباقى من بعد الوجود
خلينى أصحى .. بصوت بلال
أتهنى دايمما بالسجود
**

ياذا الجلال .. ياذا النعم
دوبنى .. ويا المغرمين
لو يوم تنادى .. أقول نعم
واهرب بروحى للأمين
**

نادى على .. فى الزحام
لو ثوّهت .. إبعثلى دليل
ياضى .. أكبرم الكلام
يا بلسم القلب العليل
**

أرجوك تخلصى الباب يقوم
يفتحلى فى ساعة الدخول
أشرب وأشبع م العلوم
فى حضرة الهادى الرسول

أنا فى حماك .. دايب
يا خالق الأكوان
إزاللى هاكون .. غايب
وانا سكتى .. قرآن
**

إهدينى .. مهما أكون
واسقيني .. نهر النور
إزاللى لجاهك اخون
وانا بالآيات مبهور
**

يا مُنصف المظلوم
إنصفتنى م الأيـام
فى القلب لسه هموم
وعذاب .. ونار .. وآلام
**

أنا فوق طريق الخير
ويايا أغلى رسول
على كتفى نام الطير
ساعة ماكنت هاقول
**

يا اللى خلقت النور
وخلقت جنبه النار
خآلى الطريق مستور
م الجهل .. والتـيـار

قبل الفجر بلحظه
روحى تروح وياك
نفسى بحبك أحظى
واتمت مع بلقـاك
**

يا فتاح .. يا عليم
يا رزاق .. يا كريم
إرزق قلبى بحبك
إوهبى التكريـم
**

قبل الفجر .. أشوفك
مالى على الكون
آجى وأصبح ضيفك
يا رحمن .. يا حنون
**

لى عشم فى حنانك
مهما ياخذنى الليل
أسهر مع قرآنك
طه يـكـونلى دليل
**

حبيتك .. من قلبى
وناديتك .. بدموع
نورك .. ساجد جنبى
صوت النور .. مسموع

خُرج الحديث منك
بِئْ نُورِ الطرقات
قَالَ الجميع إنك
الهدى بالآيات
**

آه يا نجوم الشوق
يا طه .. يا إعجاز
خدنا الحديث .. على فوق
بالحب والإعزاز
**

النهر .. وضانا
وسجدنا .. جوه شعاع
والرب .. وصانا
نصبح فى بحره شرع
**

فى حديثك المكتوب
ع القلب من جوه
بنقابل المحبوب
نصبح جبال قوه
**

ياماتعبت عشان
نرتاح بدين الله
ونزلت بالقرآن
تهدى حياتنا حياه

إسقينى من نهر الحلال
شبعنى بالرزق القليل
خلينى ع المدنه بلال
واجعلنى جوه الصحرا نيل
**

إهدينى بالقرآن .. أكون
جوه السكون .. صوت الآيات
إزاللى لظه .. يوم أخون
يا أصل أصل المعجزات
**

صبرتنى .. على كل شئ
عرفتنى .. فىن الطريق
سهرتنى .. ويا الكتاب
شرفتنى بطه الصديق
**

يارب .. قنديك ظهر
وياه حديث .. مليان عبر
بالحب .. يخلو السهر
يا بخت كل اللى صبر
**

صليناع الهدى الإمام
ظه .. شفيع المسلمين
ع المدنه .. كان ساجد حمام
ريش الجناح .. مليان حنين

كنت ابتداء الضُّوء
فى العالم المَخْنُوق
خليت جميع الناس
دايبه معاك فى "وضوء"

بعثك إله الكون
علشان تكون العون
يا مصطفى .. يا حبيب
إزاللى لـحبك اخون

فى حضرتك أرتاح
وجراح حياتى تزول
سلمتنى مفتاح
خليتنى اقول .. يا رسول

يا أغلى شئ لعيون
بصه عليك بإيمان
اللى يخون .. بيهون
ويكون بدون قرآن

صليت عليك والشُّوق
خدنى مدينة نور
قلب الجميع بيفوق
ع السور .. يكون عصفور

يا معجزه .. خالده
تتحدى فى الأزمان
الشُّوك يـكون ورده
لو تلمس الأغصان

يا طه .. ونجى لك
شايلىن حمولة نار
نزرع شطوط نيلك
بالجنه .. والأشجار

نيجى إليك تايبين
والقلب كله إيمان
يا طه .. روحنا حنين
للكعبه .. والقرآن

صليت بقلبى عليك
إتفتحت أزهار
وأما وصلنا إليك
أصبح مقامك دار

الوحيّ لمانداك
إتهز كل الكون
جبريل فضل ويّاك
والرب كان فى العون

فوق البراق .. يا حبيب
مريت على السموات
للدنيا .. كنت طبيب
يا علاج شريف للذات
**

يا هادى .. يا معصوم
يا يتيم .. يا ضوء الضوء
يا خُضن للمحروم
يا شروق .. فى قلب شروق
**

إختارك المعبود
علشان تكون إنسان
جوده السما محمود
وطريقك القرآن
**

علمتنا نرتاح
بالآيه .. والأحاديث
خليت حياتنا براح
وصبحت لنا ونيس
**

سلمتنا الأنوار
علمتنا بحماس
أصبحنا لينا ديار
بآيات .. ونور .. وأساس

علمتنا يا رسول
إن الأصلول مبدأ
مهما الخطاوى تطول
لازم فى يوم نسبق
**

يا طه .. كنا معاك
الرايه فوق الناس
قرآن شريف وياك
ورنين حديث حساس
**

الحق كان مرسوم
فوق الجبين آيات
يا طه .. والمظالموم
ويا حديثك بات
**

مبدأ فى قلب الروح
يا طه وانت الضوء
يا حبيبى فىن ما نروح
نلقاك عبير الشوق
**

جينا المدينه جموع
ننده عليك بسلام
باسيت عيوننا دموع
واتحققت أحلام

من نبعك الدافى
أشـرب .. ولا أشـبع
عصفور على كتافى
يعاتبنى لو أرجع
**

يارب .. والمشاویر
محروسه بالقرآن
فى سماك يارب أطیر
ویاک أکون إنسان
**

من کل شئ ویاک
أنا خدت شئ منهُ
حرفک رسمتْهُ ملاک
ما اقدرش اغیب عَنهُ
**

يارب .. خُدنِ إلیک
إنسان ضعيف .. محتاج
بتضمنى بإیدیک
تصبح آیاتک تاج
**

يارب .. کنت صبور
ع العبد .. لما عصاک
أدبتنا .. بالنبور
قربتنا .. لسماک

أحمد حبيبى واحه
وراحه للفؤاد
الله على السباحه
فى لحظة الميلاد
**

دفينى يارب أكثر
خلى الحياه تروق
الشوك ها يبقى عنبر
لو يوم طلعتنا فوق
**

لو يوم طلعتنا .. نلقى
ويا الحبيب علوم
لو يوم نزلنا .. نشقى
ونضيع ويا الهموم
**

أحمد أخذنى جنبه
فى مکه والمدینة
ساجد مازلت جنبه
والقلب فيه سکینه
**

صبرنى ع الشدايد
کبرنى بالإيمان
خلى القرآن فوايد
فى ميت مليون مکان

لايف عليك مهما
أبعد فى يوم عنك
يا طه .. يا نعمه
ما قدرش اضيع منك
**

أنا جوه دمي حديث
وجلّيس فؤادى .. كتاب
خليك لروحي ونيس
وافتح لقلبي الباب
**

إشفى نى لومليت
من سكة الحسنات
إملى على البيت
يا حبيبى بالآيات
**

طه .. ومين ينسى
مهما يكون عاصى
يا اللى ضياك مرسا
فى بحر ليل قاسى
**

يا مركبى يا إيمان
إحمينى م العاصفه
خلي نى بالقرآن
بين الجليد .. أدفى

أوصل محطتى
أنزل .. لاجل الحساب
يا سامع شكوتى
فى سكة الضباب
**

إهدينى للصواب
واسقينى سلسبيل
إفتح عشائى باب
واسعدنى بالقليل
**

يا خالق كل حاجه
من رعدة التراب
يتسبح كل موجه
ويتسبح السحاب
**

أوصل محطه دافيه
بالآيه .. والحديث
الدنيا تبقى صافيه
طه يصبح ونيس
**

صابر يارب .. نورك
صبرنى ع الأهات
كبرنى نهر خيرك
ظهرنى بالآيات

وندوب جماعه معاك
يا مصطفى المختار
محتاج شجرنا .. نذاك
يا منجم الأسرار
**

جوه المدينه يمام
مكتوب على جناحه
الحب .. والإسلام
والبيت .. ومفتاحه
**

يا مصطفى .. هليت
بعد الضلام والخوف
حبينا أهل البيت
للنور قدرنا نشوف
**

يا طه .. لما الليل
داس القلوب والروح
نورك صبح قناديل
يا هدايه للمجروح
**

إننت رسول الله
أصل المدد والعون
جوه القلوب ذكراه
مالي ضياه الكون

من باب لباب .. شفتك أصول
وسيول محبه .. ع الجميع
حاضن حديثك يا رسول
ما اقدرش يوم أبدا أضيع
**

قمرك فى ميت مليون سما
شمسك بتتحدى المغيب
القلب ويا ضياك سما
وارتاح فى ضلك يا حبيب
**

ضى الكتاب .. جوه العيون
جوه العيون .. ضى الكتاب
روحى لا يمكن يوم تخون
طول ما انت فاتح لى باب
**

فى الليل أنادى ع النجوم
تدينى آيه مقدسه
بتضيع من الروح الهموم
فى حماك .. يا أعظم مدرسه
**

يا مصطفى .. والليل شحيح
والفجر محتاج الأذان
إعطف على القلب الجريح
بالنظره .. يا ضوء المكان

دقينافوق بابك يانور
يارساله باقيه فى الوجود
عصفور وقف ع السور .. جسور
يهدى ويدى بدون حدود

يانبيننا .. فينا الفجر قام
بينادى .. حى على النضال
فوق الكتاف .. وقف اليمام
واتحققت بيبك الآمال

طه .. وألف متاهه .. آه
من ريح بتعوي بالضلال
أيوه ابتدبت بيبك الحياه
أيوه ابتددى بيبك الحلال

ياسيدى .. نورك على ..
كل الأراضى الطيبه
نبدأ معاك أول صلا
الركعه تصبح مركبه

إنت الشفيع .. يوم الزحام
وانت الربيع .. لو شوك ظهر
إنصحننا يا أغلى الكلام
خلى المبادئ تنتشر

أنوار هُداك .. جابت لنا
الجنه .. يا أصل الحياه
الشوك فى إيدك سوسنه
يا اللى انت من نور الإله

علمتننا .. إزاي نكون
أنوار على جسر الصفا
مهما جميع الناس تخون
إحنا نصون يا مصطفى

زارع قلوبنا بالريحان
يا إيمان لكل العالمين
أعظم وأكبرم الزمان
وأساس حياتنا يا أمين

ولا غير نداك .. ها يهزنا
يا اللى ضياك .. لنا مدد
إسلامنا .. هو عزنا
وصلاتنا .. نورنا للأبد

القلب بينادى عليك
يارسول .. يا أشرف أمنيّه
لان الحجر .. ما بين إيديك
يابدر كل الأنبيّا

كان الحبيب المصطفى
هو الدوا .. للمتعبين
وما زال فى قلب الروح شفا
وما زال إمام للمؤمنين

الله عليك .. بدر التمام
الله علينا فى اللقا
جوه (المدينة) .. طار حمام
ريحنا من بعد الشقا

قلوبى إذا شافك يدوب
يا طه .. يا هلال الأصول
جوه الشروق .. جوه الغروب
أدخل (عبايتك) يا رسول

بوابة الحب الأصيل
هى حديثك يا حبيب
الوجه كان صافى .. جميل
والآيه .. ميت مليون طبيب

يا سيّدى .. ولا لك شريك
ولا لك مثيل .. بين البشر
من مكه جيت .. يا حبيبى ليك
ودخلت من باب القمر

يا رعدة الضوء الشريف
فوق المياه الطاهره
أخذ اليتيم .. قلبى رغي
وبقيت عشانه غيطان دره

طه .. وعلمت الجموع
تعطف على كل البشر
أقري الآيات .. بعيون دموع
يبقى الحديث .. فى الليل قمر

يا ندهة الحق الشجاع
يا نفضة الفجر الحلال
صبح الدراع .. مليون دراع
و "السنبله" .. صبحت جبال

آه يا حنان كل البشر
يا لحن من بدء الوجود
قبل القمر .. إنت القمر
جوه الحدود .. بره الحدود

كنت اليتيم اللى ابتدى
يغزل عشان الناس ضيّا
لما ابتدى .. بيك الفدا
أصبحت سيد الأتبيا

صَلَّتْ عَلَيْكَ كُلُّ النُّجُومِ
تَحْتَ السَّحَابِ .. جُوهَ السَّمَاءِ
يَا طَافِي فِي قُلُوبِنَا الِهْمُومِ
الرَّحْمَةُ مِنْ حَامِي الْحَمَامِ

مَنْ كَلَمْتُكَ .. خَرَجَ الْفَنَارُ
يَهْدِي الْبَشَرَ .. يَا مُصْطَفَى
الَّيْلُ صَبَحَ مَلِيونَ نَهَارِ
وَالْتَلَجَّ أَصْبَحَ بَابَ دِفْءِ

صَلَّتْ عَلَيْكَ الرُّوحُ هُنَا
صَلَّتْ عَلَيْكَ الرُّوحُ هُنَاكَ
أَدَى الْحِجَارِ .. سَوْسَنِهِ
وَادَى الشَّيْطَانِ .. أَصْبَحَ مَلَاكَ

مَنْ قُلْتُكَ .. شَرِبَ الْوَلِيدُ
يَا طَهَ بِحَرِّ الْمَعْرِفَةِ
فِي كُلِّ يَوْمٍ .. فَكَّرَكَ جَدِيدُ
يَا نُورَ حَيَاتِنَا يَا مُصْطَفَى

إِنْتَ هَادِينَا .. عِ الطَّرِيقَ
وَإِنْتَ السَّفِينَةَ .. فِي الْمَحِيطِ
نُورَ الْكِتَابِ .. هُوَ الصَّدِيقُ
نُورَ الْحَدِيثِ .. فِي كُلِّ بَيْتِ

جَبَلَ الْأُصُولِ .. هُوَ الرُّسُولُ
يَا رَبَّ خَدْنِي إِلَيْهِ فِي يَوْمِ
النُّورِ .. طَرِيقِي لِلْوُصُولِ
وَصَدِيقِي .. فِي بَحْرِ الْغَيُومِ

فَجَرَكِ .. نَادَانِي مَعَ الشَّفِيعِ
خَلَانِي نَسَمَهُ مَعْطَرَهُ
مِنْ اللَّيْلِ وَيَا هَوَاكَ يَبِيعُ
مِنْ اللَّيْلِ يَوْمَ يَرْجِعُ وَرَا

خَدْنِي رَحَابِكَ يَا هَلَالَ
مَالِي السَّمَاءِ .. مَالِي الْفَضَاءِ
لِمَا نَدَهُ .. لَيْلَى بَلَالِ
رَدِيتُ مَعَ طَهَ الْنَدَا

طِيرَ الْإِيمَانَ .. رَفَرَفَ هُنَا
خَلَى جَمِيعَ النَّاسِ تَشُوفِ
نَسَمَهُ .. رَقِيقَهُ حَنِينَهُ
بَسَمَهُ .. مَا بَيْنَ كُلِّ الْحُرُوفِ

دَائِمًا بِاشُوفِ .. نُورَكَ هُنَا
وَبِاشُوفِ نُجُومَكَ .. فِي الْعَيُونِ
يَا طَهَ .. يَا أَصْلَ الْمُنَى
أَيُّوهَ الْكِتَابِ .. هُوَ الْحَصُونِ

عديت بحور .. عشان تكون
إنسان حنون .. بين البشر
الناس تخون .. وانت تصون
وتجيب عشان الكون قمر

صبرك صبح ليك الشراع
فى بحر كان ملىان رياح
لما انتصرت على الضياع
من ليل طويل .. خرج الصباح

إنده على .. كل اللى عاز
إعطى اليتيم .. شجرة نبق
قلب الكريم .. بالجنة فاز
فوق سكة الرحمن .. سبق

من قلة الحب الأصيل
إشرب .. وخلقى النور يبان
عمرك ما كنت .. ف يوم بخيل
يا هلال عفى ف .. جوه المكان

ساجد ياطه .. ع الصراط
بتدق أبواب الإيمان
كاتب على الطرقات .. آيات
سامع فى كل مكان .. أذان

جايب عشان الناس بريق
سايب فى قلب الليل ضيّا
دايب يا صاحبى ع الطريق
طه .. يا سيد الأنبيا

مديت إيديك للعطشانين
" الغله " باننت ع الجسور
يا مصطفى الهادى الأمين
إنت عشان القلب نور

عبد الإله .. كون للإله
العبد .. والقلب المطيع
لوبان خريف .. جوه الحياه
كون بالعطاء .. أجمل ربيع

هى كده .. أرض الكرم
بتنادى ع الجنه الجلال
تسند فى روح اللى انحرم
تصبح ما بين الناس بلال

يا طه .. ساكن مهجتي
ولا لك شريك .. فى محبتى
أسجد لنور الله .. واقوم
ألقاك آيات .. فى سكتى

حبك فى قلب الناس نغم
يا طه .. يا أصل الأصول
لو قلب نادى .. تقول نعم
تدخل قلوبنا يا رسول
**

لو يسألونى عن العطاء
أختار عنيك الطيبه
إننت شمسوس الكبرياء
والبحر .. حاضن مركبه
**

مديت إيديك لاجل البشر
يارعشه طاهره فى الصلاه
راسم على الضلمه قمر
واصل بقلبك للإله
**

يا طه .. يا قنديل هدى
بينادى ع القلب اللى ضاع
نزلت دموع الروح ندى
على زهره فى وادى الضياع
**

علمتنى .. إن الطريق
محتاج يا طه توضيحات
عرفتنى .. ان الصديق
هو اللى يمشى ع الصراط

علمت قلب الكون يكون
ساند أخوه .. شايل أبوه
إننت فى دنيا الحب عون
نجمة أمان .. للى يتوه
**

فى كل حته ألمحك
يا طه .. بتبرد السلام
عشان كده .. باستمحك
أدخل عليك .. أعظم مقام
**

يجى زمن .. ويروح زمن
وانت النجوم جوه السما
الحب .. فى شرعك وطن
وهلال فى سكه مضلمه
**

فارد شراعتك للجميع
إنسان معاه أعظم كتاب
خليت خريف الناس ربيع
وفتحت ليهم ألف باب
**

على بابك المزروع ياقوت
الآيه .. واضحه للعيون
جايب عشان الكل توت
يا غنوه طاهره فى السكون

بلّيت فى ريقك بالعطا
يا فجر قايد بالضياء
غازل عشان الكون غطا
يا حبيب لكل الأنبياء

دايب فى حبك يا إمام
جايلك عشان أرتاح معاك
الله عليك .. قمر الونام
سهران فى عز الليل معاك

الله عليك فى ندهتك
للدنيا فى زمن الجراح
دمع الحنان فى نظرتك
يا قلب .. دقائه سماح

الله .. بتعطى كل شئ
يا فجر قايدع الدروب
أصبحت للمحتاج صديق
يا آيه فى كل القلوب

هلّيت على الدنيا نجوم
حاضنه هلال طاهر .. أصيل
يحميك إلهك م الهموم
تفضل لنا .. أعظم دليل

فى الروضه .. كان سيد العباد
راسم فى كل مكان قمر
فجأه .. وصلنا فى الميعاد
أبو بكر .. فى دراعه عمر

يا ضىّ قنديل الوفا
يا نور على كل "الجباه"
إنت صبحت يا مصطفى
كل اللى غالى فى الحياه

نورك مازال جوه العيون
والكون .. بيعشق نظرتك
ترفع إيديك لله .. تكون
الدعوه .. نور فى سكتك

لا كنت يوم أبدا شحيح
ولا كنت غير .. شجرة كرم
بتداوى فى القلب الجريح
من ليل طويل .. ملىان ندم

يا "ضل" .. هل .. على الزحام
طمّن قلوب المتعبين
جوه الغمام .. طار اليمام
اصبح سلام للمحتاجين

سابق خطاك .. فوق الطريق
ماشى على جسر الأصول
يا قمر .. ببيضوى للصديق
يا (وحى) طاهر .. يارسول
**

من حكمتك .. شرب الجميع
شرب الجميع .. من حكمتك
صبح الخريف .. أجمل ربيع
لما سافرنا لحضرتك
**

ينده عليك .. فجر الضياء
كل الحياه تسجد معاه
فى عنيك نجوم الأمنيه
يا بدر بان للكون ضياه
**

راضى ياطه بالقليل
فاتح فى قلبك للغريب
عمرك ما كنت ف يوم بخيل
ولا كنت غير إنسان حبيب
**

شايل هواك .. جوه الضلوع
أبكى إذا فكرت فيك
أقرى الكتاب .. روحى خضوع
وأصلى طول الليل عليك

دوبنا روحك .. فى الآيات
يا طه .. يا نهر الضياء
حققت لنا الأمنيات
وبقيت ختام الأنبياء
**

شرفتنا .. بين الأمم
بين الأمم .. شرفتنا
ننده عليك .. وتقول نعم
ولكل شئ .. عرفتنا
**

أسأل دموع الليل على
نورك إذا بان التعب
ألقاك صلا .. جوه الخلا
ألقاك عطوف .. ألقاك أدب
**

لفى .. وجيت .. تانى لقيت
الزحمة .. والدمع الرهيب
ساعة السفر للنوم نسيت
وارتحت جنبك .. يا حبيب
**

وأنا فى المقام .. أشتاق إليك
تنزل دموعى ع الخدود
انده وأصلى بشوق عليك
واختم زيارتى .. بالسجود

لُفِيت .. ياطه وجيت هنا
دايس على ليل العدم
الروح رقيقه .. حنينه
بتقول لكل الناس "نعم"
**

"طيب" .. بتقسم فى الرغيف
بينك وبين قلب الجميع
كان "العطاء" .. للروح وليف
صدقه .. ومش ممكن تضيع
**

فى سكتك .. راسم نجوم
طافى الهموم .. جوه الدروب
"حسنه" .. بتطفى نار هموم
تزرع ورود .. جوه القلوب
**

يا طه .. يا قنديل خشوع
جوه طريق .. مليان ضلام
هاتوضى من نهر الدموع
واسجد على جسر السلام
**

أنالى مين يا مصطفى
غير الإله .. أشكى إليه
الرب جاب .. لى الشفا
فسجدت باكى .. بين يديه

طه جيت .. وياك مبادئ
يا لى قلبك .. صدق باين
إنت عاشق .. فى الحقايق
إنت كاره .. كل خاين
**

ألمحك فى الزحمة نجمه
حاضنه فى قلوب اليتامى
للجريح .. ياطه نسمة
صافيه جدا .. وابتسامه
**

لما تصحى الصبح بدرى
نلقى جوه القلب راحه
ليك فى سكة عطف نجرى
تصبح الساحة .. مساحه
**

يا حبيب الروح .. مقامك
بالحلال .. والحب عامر
قلبنا يسمع سلامك
الكتاب .. يصبح أوامر
**

إنت روح الروح ياطه
وانت قلبى ونور عيونى
لو أضيع جوه المتاهه
فى المدينه .. هاتلتقبنى

عرض الطريق .. طول السما
نورك ياطه .. يا إمام
الصحبه .. هى الأوسمه
رغم الضجيج .. رغم الزحام

قلبي ليلاى يبص ليك
لما الوجود .. قبلك ينام
أفواج بتيجى .. يوماتى ليك
تسمع هناك .. تسبيح يمام

دريت روحك .. ع السجود
لوفىه زحام .. فى معبدك
من نيل عنيك .. نشرب .. نعود
ورجوعنا .. دايمما يسعدك

أسبق خطايا .. واوصلك
إنسان فى حاجه للمياه
فى الدعوه .. مين هاحصلك
يا اللى عذابك .. كان صلاه

يا طه .. نور الفجر بان
قمنا جماعه فى الخلا
شفنك بتفرش ع المكان
يا طه .. سجادة صلا

من يوم ميلادك وانت سيد
والشمس بصره ع السحاب
تلمس ضلام الليل .. يقيد
يهدى الحبايب .. والصحاب

الله على الزوار .. معاك
بيصلوا قدام المقام
الله وهب .. للكون سنك
خلاك على الدنيا سلام

إسمك ياطه .. ع الوريد
فوق الشفأيف .. واللسان
الله على الفجر الوليد
شايفين قدومه .. مع الأذان

دقيت .. على بابك .. وجيت
أرمى الدموع .. فى سكتك
جوه مقامك .. لى بيت
لى هلال .. فوق مدنتك

يا طه .. يا نهر الضيا
يا أصل أصل الكبرياء
إننت جمعت الأنبياء
ساعة وصولك بالبراق

يا رسول .. عمرك ما تظلم
الى قلب بكلمه صعبه
يا صديق القلب .. تسلم
يا حديث ملىان محبه
**

إبتهال .. جواك بيسبق
خطوتك .. على كل ناحيه
جوه دق القلب مبدأ
والعيون .. فى الضلمه صاحيه
**

لو يجيلك رزق .. تدى
كل رزقك .. للى عازوا
نور آيات الله بتهدى
فى قلوب كل اللى فازوا
**

صاحب البسمه الجميله
يا اللى قلبك .. واحه خضره
تبتدى الدعوه الأصيله
يا رسول .. من "بسمه" طاهره
**

طه .. لما تغيب علينا
القلوب فى البعد تتعب
جيناليك .. جوه المدينه
من بحور العطف نشرب

دايب فى حب الله
يا مصطفى .. يا حبيب
لوقلبنى .. قال الآه
تصبح عشانه طبيب
**

زى القمر .. يا رسول
حارس فى كل الكون
نورك علينا سيول
والآيه أعظم عون
**

نورك .. ظهر للناس
بالذكر .. والتسابيح
آه يا قمر إحساس
يانسمه .. جوه الريح
**

هليت .. فى قلب السما
زى السحاب .. مشتاق
إنسان .. صحيح .. إنما
معصوم من الأخطاء
**

يا مصطفى العدنان
يا حبيبنا .. يا مختار
ماشيين مع القرآن
ساجدين فى أرض عمار

بالزكاه .. حامى قلوبنا
والمبادئ .. يا حبيبنا
لونسينا .. ندى بابك
تيجي لنا .. ندى بابنا

من بدايتك .. وانت روحنا
يا رسولنا .. يا محمد
فى المدينة .. نزول جراحنا
ونناديك .. لمان بعد

الرساله .. بين عينا
يا رسول الله .. يا غالى
جينا .. نفرح فى المدينة
يا مقام .. فى الدنيا على

فى الطريق .. بتبان نجومنا
طاهره .. من أجل الرفايق
بالإيمان .. تدبيل همومنا
فوق جبال .. نورها مبادئ

دعوتك .. لكل باينه
سكتك .. مزروعه عنبر
الى خان .. على سكه خاينه
واللى صان .. على جسر مرمر

يا مصطفى .. جيتك جريح
ورجعت .. فى قلبى شفا
فى الروضه .. كل مكان مريح
علشان معانا يا مصطفى

ولامين هايوصل .. ليك فى يوم
يا طه .. يا قمر اللى تاه
يا حامى روحنا .. م الهموم
يا ضى .. من عند الإله

أقرى فى سيرتك .. يا حبيب
الله يا بحر الكبرياء
ألقاك عشان .. روحى طبيب
ويزيد إليك .. الإشتياق

أجى إليك .. بدموع ندم
يارب .. إقبل دعوتى
رغم الذنوب .. عندى عشم
برضاك .. تبارك سكتى

يا مصطفى .. إنت الأمل
وانت القوارب للنجاه
الذنب .. لوقد الجبل
لله بنحنى فى الجباه

كانت عيون الليل تنام
وعنيك يا طه .. سهرانين
كانت رسالتك .. للأنام
هى الهدايه .. يا أمين

ومليت جسور الدنيا ضوء
وكتبت فوق باب الغروب :
إن الصلا .. إن الوضوء
هما الهدايه .. للقلوب

جوه المقام .. قال الفؤاد
بأهواك على طول المدى
مع بعثتك .. كان الميلاد
يا طه .. يا بحر الهدى

وسجدت فى الروضه .. لقيت
نورك بيملى فى الوجود
لما قرئت .. آيه .. بقيت
للمولى فى حالة سجد

إرتحت من تعب الحياه
ساعة دخولى للمقام
فى الروضه .. بتكون الصلاه
لاجل القلوب .. هى السلام

الله عليك مبعوث
من عند رب رؤوف
فوق الصنم .. بتدوس
من غير قلق .. ولا خوف

يا مصطفى .. يا إيمان
يا هدايه للأرواح
موجود فى كل أدان
"الكنز" .. و "المفتاح"

جوه المقام أرتاح
وابكى فى كل صلاه
لوجوه قلبى جراح
تهدى بفضل الله

صليت عليك فى الليل
طول النهار .. بناديك
ألقى الحياه قناديل
لويوم أصلى عليك

يا طه .. جينا إليك
يا "فخر" لإتسان
ملايين كتير حواليك
بتردد القرآن

عديت بحور .. عشان تكون
إنسان حنون .. بين البشر
الناس تخون .. وانت تصون
وتجيب عشان الكون قمر
**

صبرك صبح .. ليك الشراع
فى بحر كان .. مليون رياح
لما انتصرت .. على الضياع
من ليل طويل .. خرج الصباح
**

إنده على .. كل اللي عاز
إعطى اليتيم .. شجرة نبق
قلب الكريم .. بالجنه فاز
فوق سكة الرحمن .. سبق
**

من قلعة الحب الأصيل
إشرب .. وخلي النور يبان
عمرك ما كنت .. ف يوم بخيل
يا هلال عفوف .. جوه المكان
**

ساجد ياطه .. على الصراط
بتدق أبواب الإيمان
كاتب على الطرقات .. آيات
سامع فى كل مكان .. أذان

جايب .. عشان الدنيا زاد
سايب .. فى قلب الليل ضيا
دايب .. يا صاحبي ع الطريق
طه .. يا سيد الأنبيا
**

مديت إيديك .. للعطشانين
" الغله " باتت .. ع الجسور
يا مصطفى الهادي الأمين
إنت عشان القلب نور
**

عبد الإله .. كون لاله
العبد .. والقلب المطيع
لوبيان خريف .. جوه الحياه
كون بالعطاء .. أجمل ربيع
**

هى كده .. أرض الكرم
بتنادي ع الجنه الجلال
تسند فى روح اللي انحرم
تصبح ما بين الناس بلال
**

يا طه .. ساكن مهجتي
ولا لك شريك .. فى محبتي
أسجد لنور الله .. واقوم
ألقاك آيات .. فى سكتي

حبك .. فى قلب الناس نغم
يا طه .. يا أصل الأصول
لو قلب نادى .. تقول نعم
تدخل قلوبنا يا رسول
**

لو يسألونى عن العطاء
أختار عنيك الطيبه
إنت شמוש الكبرياء
والبحر .. حاضن مركبه
**

مديت إيديك .. لاجل البشر
يا رعشه طاهره .. فى الصلاه
راسم على الضلمه .. قمر
واصل بقلبك للإله
**

يا طه .. يا قنديل هدى
بينادى ع القلب اللى ضاع
نزلت دموع الروح ندى
على زهره فى وادى الضياع
**

علمتنى .. إن الطريق
محتاج يا طه تضحيات
عرفتنى .. ان الصديق
هو اللى يمشى ع الصراط

علمت قلب الكون يكون
ساند أخوه .. شاييل أبوه
إنت فى دنيا الحب عون
نجمة أمان .. للى يتوه
**

فى كل حته ألمحك
يا طه .. بترد السلام
علشان كده .. باستسمحك
أدخل عليك .. أعظم مقام
**

ييجى زمن .. ويروح زمن
وانت النجوم جوه السما
الحب .. فى شرعك وطن
وهلال .. فى سكه مضلمه
**

فارد شراعىك .. للجميع
إنسان معاه .. أعظم كتاب
خليت خريف .. الناس ربيع
وفتحت ليهم .. ألف باب
**

على بابك المزروع ياقوت
الآيه .. واضحه للعيون
جايب عشان الكل قوت
يا غنوه طاهره فى السكون

بليت فى ريقك .. بالعطا
يا فجر قايد بالضياء
غازل عشان .. الكون غطا
يا حبيب لكل الأنبياء
**

دايب فى حبك يا إمام
جايلك عشان .. أرتاح معاك
الله على .. قمر الوئام
لما يكون .. فى الليل معاك
**

الله عليك .. فى ندهتك
للدنيا .. فى زمن الجراح
دمع الحنان .. فى نظرتك
يا قلب .. دقائه سماح
**

لله .. بتعطى كل شئ
يا فجر قايد .. ع الدروب
أصبحت للمحتاج صديق
يا آيه .. فى كل القلوب
**

هليت على الدنيا نجوم
حاضنه هلال .. طاهر .. أصيل
يحميك إلهك .. م الهموم
تفضل لنا .. أعظم دليل

فى الروضه .. كان سيد العباد
راسم فى كل مكان قمر
فجأه .. وصلنا فى الميعاد
أبو بكر .. فى دراعه .. عُمر
**

يا ضى قنديل الوفا
يا نور على كل "الجباه"
انت صبحت يا مصطفى
كل اللى غالى فى الحياه
**

نورك مازال .. جوه العيون
والكون .. بيعشق نظرتك
ترفع إيديك لله .. تكون
الدعوه .. نور فى سكتك
**

لا كنت يوم .. أبدا شحيح
ولا كنت غير .. شجرة كرم
بتداوى .. فى القلب الجريح
من ليل طويل .. مليان ندم
**

يا "ضل" .. هل .. على الزحام
طمّن قلوب المتعبين
جوه الغمام .. طار اليمام
أصبح سلام للمحتاجين

سابق خطاك .. فوق الطريق
ماشى على جسر الأصول
يا قمر .. بيضوى للصديق
يا (وحى) طاهر .. يا رسول
**

من حكمتك .. شرب الجميع
شرب الجميع .. من حكمتك
صبح الخريف .. أجمل ربيع
لما سافرنا لحضرتك
**

ينده عليك .. فجر الضياء
كل الحياه .. تسجد معاه
فى عينك .. نجوم الأمنيه
يا بدر بان .. للكون ضياه
**

راضى ياطه بالقليل
فاتح فى قلبك للغريب
عمرك ما كنت ف يوم بخيل
ولا كنت غير إنسان حبيب
**

شايل هواك .. جوه الضلوع
أبكى إذا فكرت فيك
أقرى الكتاب .. والروح خضوع
وأصلى طول الليل عليك

دَوَّبت روحك .. فى الآيات
يا طه .. يا نهر الضياء
حققت لنا الأمنيات
وبقيت ختام الأنبياء
**

شرفتنا .. بين الأمم
بين الأمم .. شرفتنا
ننده عليك .. وتقول نعم
ولكل شئ .. عرفتنا
**

أسأل دموع الليل على ..
نورك إذا بان التعب
ألقاك صلا .. جوه الخلا
ألقاك عطوف .. ألقاك أدب
**

لفيت .. وجيت .. تانى لقيت
الزحمة .. والدمع الرهيب
ساعة السفر .. أيوه قاسيت
وارتحت جنبك .. يا حبيب
**

وانا فى المقام .. أشتاق إليك
تنزل دموعى .. ع الخدود
أنده .. وأصلى بشوق عليك
وأختم زيارتى .. بالسجود

سلمت قلبك .. للإله
سلمت ع الكون البراح
لما الفؤاد .. فى الحزن تاه
الليل صبح .. فى عنيك صباح

مديت إيديك .. للعرقانين
نشفت دمعته .. ع الخدود
رحله طويله .. مع السنين
وتعب رهيب .. ما لهوش حدود

يا قلب .. مش ممكن يخون
سامحت قلب اللى غدر
الطيبه .. واضحه فى العيون
والضحكه .. ميت مليون قمر

يا طه .. كان الليل رياح
والبدر .. جوه الضلمه داب
شدت لنا .. شمس الصباح
وبقيت نجوم .. علي كل باب

ماشي علي جسر الصفا
ومفیش فى قلب النظره خوف
وياك حديث .. يا مصطفى
آيات .. من المولي الرعوف

حببت تكون .. وبقيت سند
لقلوب كتيره .. متعبه
فارد جناحك .. ع "البلد"
يا شرع رقيق .. للمركبه

مشتاق .. وشوق قلبك جناح
آه يا أذان .. فى الليل رقيق
ياما تعبت .. من الجراح
وقاسيت يا طه .. م الطريق

وردك مزال .. مرسوم هنا
وردك مزال .. مرسوم هناك
روحك .. بتشبه سوسنه
يا قلب .. حاضن صوت ملاك

دايب وجايب للرفاق
نسمايه .. تمسح فى الدموع
لما طريق الحب ضاق
شفناك سفينه .. للجموع

وبقيت يا طه النور لنا
يا إسم فى كتاب الخلود
كل القلوب المؤمنه
شايفاك يا طه .. فى السجود

مادد إيديك للكل .. بالقمح الكريم
فارد فى كف الشوق .. لعصفور الندي
تتعب كثير يا طه .. من دمع اليتيم
والنظرة فيك .. نظرة صفا .. مالهش مدي
**

داوي يا صاحبي المجروحين .. بنسيم ضيا
واسجد علي أرض الصفا .. داوي جريح
الحب جوه الدنيا .. دين الأنبيــــــــــــا
وانت فى رأي الكل .. وادي مريح فسيح
**

عابر سبيل يا طه .. أمك .. دعوتك
نازل فى نهر النيل .. فى قارب من إيمان
الدمعة نزلت .. حددت .. فى وجهتك
وهمست للشمس الجريحه .. بالأدان
**

باب الفتوح .. إتفتحت كل الدروب
والشمس نزلت .. لاجل تحضن همستك
ساكن يا بدر الحب .. فى كل القلوب
واهب أراضي الدنيا .. نسمة شمستك
**

أنده عليك يا طه .. لو زاد التعب
تنده علي .. نسمة طاهره .. حنينه
تنده علينا يا طه .. يا نهــــــــر الأدب
الدنيا تصبح طاهره .. خضره .. مؤمنه

وردك مازال .. هو الأدان .. جوه العروق
وضياك .. فى قلب الكل .. باين للجموع
م البدء .. وانت يا طه .. بستان الشروق
وبنيت فى بيت الفجر .. مدنه من دموع
**

لؤلؤ .. فى ضي عنيك .. ومركب من حرير
والنور .. بحور من فضه .. سكه من ذهب
تملك لسان شفاف .. وميت مليون ضمير
و ورثت فقر حلال .. ورثت محيط أدب
**

يا زهره طاهره .. معطره كل المكان
السكه فرحت بيك .. فى أيام السفر
إحنا اتقابلنا .. لما فجر الحب بــــــــان
يا اللى رسمت لأمتك .. مليون قمر
**

يا طه .. يا قنديل .. ببيضوى ع الدروب
بعتك إله الكون .. عشان كل العباد
أنا روعي فؤك والرب عالم بالقلوب
وباشوف آيات الله .. عشان الكون ميلاد
**

يا مصطفى .. وتفتوت سنين .. بعد السنين
وانت اللى باقى .. يا طه فوق أرض الوجود
إنت الرسول .. وانت النبي .. وانت الأمين
وانت اللى أول إسم .. فى سجل الخلود

حُب الجميع بيعطرك
يا طه .. يا سر الإله
فى الدعوه ..ربك صبرك
الله علي صبر الإله

كانت خطاك .. فوق الدروب
زي النجوم .. مالهاش عدد
قلبك .. بيتحول قلوب
نورك .. بيتحول سند

تيجي لنا .. قبل الميعاد
(المولي) .. حدد سكتك
لفيت وطهرت البلاد
والكل داب .. فى حضرتك

الحق جوه عنيك نطق
وبدا معانا بالسلام
لو شئ غلط .. بتقولها (لا)
من غير ما تنطق بالكلام

جينا إليك .. يا مصطفى
من كل ناحيه .. فى الوجود
إنت الدفا .. وانت الصفا
وانت الشفا .. وانت الخلود

علمتنا .. إزاي نكون
الآيه .. فى قلب الجميع
يا ضي واضح .. فى العيون
يا نور عيوني .. يا شفيع

بدر العزيمه .. بيحسدك
ع الصبر .. يا أعظم ر سول
بسمتنا .. دايمًا تسعدك
هنينا .. دايمًا بالقبول

دايمًا بتسأل ع اللى غاب
وتجينا .. لو يقسي الزمن
قلبك يدق .. علينا باب
ويكون .. لكل الكون .. وطن

أنساك .. أنا .. وإزاي أكون
الدنيا تصبح مُظلمه
يا آيه طاهره .. فى السكون
يا نجمه خضره .. فى السما

يا أشرف الأشراف .. نويت
أجي عشان .. أرتاح معاك
بين "الصفا" و "المروه" بيت
أنا شفت فيه .. يا رسول ضياك

لفيت وجيت .. بابك حزين
أحكي حكايتي بالدموع
زال الألم .. ضاع الأنين
وضحكت ثاني .. فى الرجوع

طاهر .. لأنك يا نبي
ظاهر .. ما بين كل الزحام
إنت منيا ومطلبي
يا رسول .. عليك مليون سلام

يا (كنز) .. مش مليون ياقوت
مليون مشاعر طيبة
نحك بيطرح .. نور وتوت
وهواك .. شراع للمركبة

فايت علينا .. تشدنا
من كل أحزان الحياه
دايما بتخطب ودنا
وتردنا .. أرض الإله

يا مصطفى .. وانت الكيان
وانت الآيات .. وانت الهدي
إنسان بيزرع .. فى المكان
نخلة إيمان .. مالهاش مدي

اسأل عليك .. لما انجرح
آجي المدينه .. عشان أزور
تقابلني .. بنجوم الفرح
بحديث شريف .. وياه زهور

مادد إيديك .. دايما لنا
يا أب دافى .. للصحاب
وتفوت سنه .. بعد السنه
وانت اللى فاتح لنا باب

ييجي رفاق .. وتروح رفاق
وانت اللى باقى .. ع الجبل
فى عنيك .. بريق الكبرياء
وسعادة المحتاج .. أمل

نادر وجودك .. فى الوجود
شخصيه صابره .. مميزه
الله عليك .. إنسان ودود
والسيره طاهره .. معززه

الله فى ضي عنيك نجاه
والآيه جوه مهجتك
تنده بروحك .. ع اللى تاه
ورجوعه .. يصبح بهجتك

عندك جميع الناس صحاب
فى عنيك يا طه كل شئ
فاتح عشان الكل باب
جايب لكل الناس طريق
**

لفىت ما شوفت سواك حبيب
للكل يا قمر الصفا
لاجل الجميع .. انت الطبيب
يا اللى عنيك .. شلال دفا
**

ييجي زمن .. بعد الزمن
وانت الإمام .. فى قلبنا
آيه .. علي باب الوطن
راحه .. لروحنا المؤمنه
**

مادد إيديك .. للمحتاجين
صايم سنه .. بعد السنه
فى حُطبتك .. وانت الأمين
الكلمه .. خارجه حنيه
**

اشتاق إليك .. بعد اللقا
تملي عنيه .. كلمتك
دايما عنيك .. متشوقه
وكريمه دايما .. كفتك

هليت كأنك .. نجم بان
قبل الأوان .. لاجل البشر
إنسان بيرسم .. فى المكان
بالآيه .. ميت مليون قمر
**

رايح لصفحات الكتب
تملي عنيك .. بنجوم أدب
الله عليك .. أعظم رسول
الله عليك .. فخر العرب
**

ألقاك فى كل مكان دوا
ألقاك نجوم .. ألقاك هلال
تشاركنا .. لو قاعدين سوا
فى لقمه دافيه .. من حلال
**

لو فىه قيم .. إنت القيم
وانت المبادئ .. والشرف
قبل النداء .. بتقول نعم
وعشاننا .. لحنك ينغزف
**

باين عليك .. قمر الشرف
صاين بقلبك .. فى العهد
مالك يا طه .. ينصرف
فى الخير .. وتبكي فى السجود

قرآن معاك .. صبح ومسا
وحدیث .. یا أعظم مصطفى
فی الحب .. إنت مدرسه
یا كتاب .. سطورہ معرفه

لغيت وجيت .. للبيت .. لقيت
نورك .. بیسبق كل شئ
أحمد .. لكل الناس شفیت
وبقيت عشان .. الكون صديق

أسأل عليك الناس .. تقول
إنسان عظیم .. فی معدنه
مخلص رقيق .. صادق حنون
رأيه .. يقوله .. ويعلنه

وردك .. بيطرح فی الفضاء
نجمة محبه حنيه
دمعة عنيك .. زي الندى
یا روح شريفه مؤمنه

یا طه .. یا قنديل عطا
یا (سر) .. من عند الإله
لو يوم نفوسنا .. مشتته
تصبح إمامنا .. فی الصلاه

حبك فی روح الحب نور
یا (رسول) .. فی جنبه منوره
جایب عشان .. الكون زهور
الله .. یا بدر المقدره

سابق خطاك .. فوق الطريق
والدنيا .. عارفه وجهتك
(أبو بكر) .. كان ویاك صديق
فی الغار .. ينشف دمعتك

یا (طه) .. یا فدان حنان
داسوا الآيات .. قدام عنيك
صحيت قلوبهم .. بالأدان
كل الوجود .. سَلَم عليك

نادر وجودك .. یا شريف
یا أصیل .. "یا طيب" .. یا رقيق
إنت بتقسم .. فی الرغيف
بینك وبين .. حتى .. المسئ

مریت عليك .. شوفت الدموع
فی عنيك بتكتب فی الآيات
دي "زياره" .. تشبه للرجوع
فی الروضه نفسى .. يوم أبات

حاسس كأن العمر ضاع
والدنيا صبحت ضيقه
للمركبه .. جيب الشراع
وظفت .. من القلب الشقا
**

بستان .. فى نن عنيك طرح
الله عليك .. إنسان حنون
لو تنجح .. بتجيب .. فرح
وتكون عشان .. الكل عون
**

وردك على كل الجيوب
يا هلال .. علي سطح البلد
واقف بتحدى الغروب
للمحتاجين .. خيرك سند
**

بالله عليك .. ترجع لنا
يا طه .. تسكن جنبنا
فى البعد .. قلبك قال لنا
إنك حبيبنا وقلبنا
**

يا مصطفى .. الحمل زاد
والكل ضايح فى الزحام
روح الجميع .. محتاجه زاد
يا اللى عليك .. مليون سلام

ييجي الزمان .. يلقاك حنان
ورغيف عشان المحتاجين
يا ضوء شريف .. جوه المكان
وكلام إيمان .. مليون حنين
**

الله معاك .. جوه الدروب
شايل هموم كل البشر
الرب عالم بالقلوب
حامي نفوسنا م الخطر
**

سلمت روحك للاله
يا طه .. يا نسمة ضيا
لو شفت نور .. فى الضلمه تاه
بتكون عشانه أمنيّه
**

راضى تماما بالقليل
واهب لروح الكل ضوء
عمرك ما كنت ف يوم بخيل
يا شمس .. بتحب الشروق
**

مهما تغيب .. لازم تعود
لمدينه حافضه شمسنا
فى الساحة بيطول السجود
فى الروضه .. ننسى نفسنا

ألقاك .. فى كل مكان شعاع
بتساعد القلب الضعيف
مادد عشان .. الناس دراع
راسم علي الأبواب رغيف

لؤلؤ .. فى جيبك يا صديق
فى عز حزنك .. تبتسم
شمسك .. علي أشرف طريق
بايدين شريفه .. بتترسم

غازل بإيدك .. توب أمان
للطفل .. لو محتاج لتوب
قلبك نضيف .. مليون أمان
جوه كتاب الله يدوب

زهر الأمل .. وياك طرح
فى أرض طاهره .. حنينه
بتداوي روح اللى انجرح
ويا القلوب المؤمنه

سيد الرُّسل .. يا مصطفى
وختام لكل الأنبياء
يا شرع فى بحر المعرفة
ونجوم على شط الضياء

إنت يا طه .. بقيت شفا
للمجروحين .. جوه الحياه
مسك الختام .. يا مصطفى
يا هديه .. من عند الإله

لقيت وجيت .. علشان تكون
واحه مريحه .. للى عاز
بتداوي صاحبك .. م الظنون
تحميه .. من السكه القزاز

طه .. وقتديك ظهر
جوه الجهات .. صبح ومسا
الخير بيتحول قمر
لو روحنا .. كانت مخلصه

علمتني .. معنى الأدب
عرفتني .. معنى الخلود
لما يطول .. بيّ التعب
لازم يطول .. بيّ السجود

ولا ليّ غيرك .. يا نبى
ولا حد هايقول الآيات
الجنه .. هى مطلبى
آه يا رسول المعجزات

صليت علي سيدنا الرسول

سلمت روحي للصلا

الله علي نهر الأصول

لو يسقى في أرض الخلا

ولا قلت غير الحق يوم

وشربت من نهر الحلال

يا طه يا شمس العلوم

إحمينا دائما م الضلال

طاير .. نجومك في السحاب

ساجد .. علي أرض الصفا

واهب حياتك للصحاب

الله يا نور المصطفى

فاهم .. بتبني في الأساس

إبني كمان .. واعرف .. ودوب

جوه عنيك .. جبل الحماس

والرب .. عالم بالقلوب

يا (طه) .. يا نهر الحنين

يا اللى طفيت نار الشقا

يا مصطفى الهادي الأمين

نفسى فى يوم .. ييجي لقا

كفار .. وحاولت تجرحك

بس الإله .. كان ليك جليس

نزل القمر .. يستسمحك

يصبح معاك .. فى الليل ونيس

عمرك ما كنت فى يوم شحيح

يا طه .. يا قمر السما

حتي و لو قلبك جريح

تلقي الخدود متبسمه

داريت دموع .. جوه الجفون

خبيت .. جراحك عنا

أنقذت روحنا .. م الظنون

يا (دقه) .. جوه قلبنا

علمتنا .. معني الوقوف

فى وجه إعصار الحياه

عرفتنا .. إزاي نشوف

فى الإحتضار .. مركب نجاه

بوابه .. فاتحه للجميع

عجمي .. وعربي .. كل لون

يا طه .. شديت الربيع

وداريت نفوسنا .. م الظنون

الله عليك .. أنهار أدب
سايب جميع الناس .. وجيت
إنت وجودك .. لهُ سبب
علشان بقيت .. لكل بيت
**

أنده عليك .. جوه الخلا
وترد روحك .. ع النداء
نلمح عنيك .. جوه الصلا
ع الخد .. نازل سيل ندي
**

صحيت يا طه .. فى الجموع
مع إن قلبك .. كان جريح
بيغيب قمرنا .. تكون شموع
وتخلي كل الكون .. مريح
**

صبرك .. دا صبر الأنبيا
نورك .. دا نور شمس الضحي
إنت حبيب الأوليا
وانت النسور الجارحة
**

وردك .. علي كل الجيوب
والنسمه .. بسمه ع الوجوه
نعناعه .. خضره ع الدروب
ونجوم .. إذا الإنسان يثوه

فى الجنه .. نفسي نكون سوا
يا هلال .. فى قلب الليل برق
لوضعنا .. بتكون الدوا
وتكون .. لقا .. لو نفترق
**

ألقاك شعاع .. جوه السكوت
وشراع .. علي شط المنى
تسقيننا .. لو ناويين نموت
تفرد طريقنا .. اللى انحنى
**

وردك طرح .. بين العروق
بين العروق .. وردك طرح
تفتح عنيك .. يبدأ شروق
ونفوق عليك .. أهرام فرح
**

إدوي يا حرف .. الزلزله
وادخل جميع البوابات
صلي معانا فى الخلا
واتهجي ويانا الآيات
**

يا دنيا كاملة بتكتمل
لو ظل م الشباك هلال
الجرح بكره يندمل
لو جف قنديل الضلال

من كام سنه .. وانت الكلام
منقوش علي قلب الورق
إنسان مؤذب .. والسلام
فى عنيه .. وجوه الروح برق
**

مديت إيديك .. لما الإيدين
شاورت علي جسر اللقا
إنسان رقيق .. مليون حنين
وعيون أدب متشوقه
**

دايما بتتبسم لنا
مهما أنين الليل يطول
وتفوت سنه .. بعد السنه
وانت القبول .. وانت الرسول
**

وردك زرعته للصحاب
وداريت دموعك بالحديث
واما يطول الإغتراب
نلقي الآيات .. لينا جليس
**

حبك فى قلبك يا صديق
والمولي نور .. فى مُهجتك
فجر المحبه .. ليك طريق
ولفانا .. هو بهجتك

صابر .. علي كل اللي كان
تملك صفات .. مالهش عدد
الصدق .. عندك صولجان
يا أغلي كلمه .. فى البلد
**

أنده عليك .. توصل قمر
فارد إيديك الطيبه
تفدينا .. لو بان الخطر
تصبح .. عيونك مركبه
**

بسمه .. علي الخد الحزين
هي بداية المعرفه
بتصلي دايما يا أمين
يا نور عنينا .. يا مصطفى
**

راضي تماماً بالقليل
هادي .. تنادي ع الجميع
إنسان جميل .. إنسان أصيل
بيخلي لينا الشوك ربيع
**

علي كل أبواب الوجود
إسمك بيملي الكون نغم
إنت محبه .. بدون حدود
لو يوم ننادي .. تقول نعم

لايف .. علي كل العباد
خايف .. علينا م الضلال
بتجيب معاك .. "زواد" وزاد
ترضينا .. باللقمه الحلال

ولا لنا .. غيرك بيتسم
فى وجوهنا .. ويزيل التعب
اللقمه .. بيننا تنقسم
يا طه .. يا هرم الأدب

آجي إليك .. مليون هموم
أنسي همومي ببسمتك
وتزيد علي السكه غيوم
فجأه تجينا نسمتك

نادي علينا .. كمان كمان
خلي جراح الروح تطيب
"بالآيه" .. بتهاز المكان
بعدين تصلي يا حبيب

يا طه .. لما الليل يطول
تنده قلوبنا المخلصه
ننوي نزورك يا رسول
نسهر معاك .. صبح ومسا

إنت .. إلهي المستعان
وانت .. رفيقى فى السفر
الفجر .. جوه الضلمه بان
والروح .. معاك عاشقه السهر

يارب .. يا سر الحياه
يا كل حاجه .. فى الوجود
لما الفؤاد .. فى الضلمه تاه
الفجر بان .. ويا السجود

ولا حد تاني .. أروح إليه
أطلب محبه ومغفره
أسجد بعزه .. بين إيديه
علي أرض نور .. متعطره

إسقينني .. من مطر الإيمان
يا إله .. علي كل البشر
إفتحلي .. فى كل البيبان
خلي .. رمال الليل مطر

أنده عليك .. لو ليلى طال
وان ضعت .. فى الدنيا السراب
الجنه .. نادى ع اللى قال
كلمة محبه .. للصحاب

يا نسمة الليل الطويل
صحيني .. مش طابق غياب
يا نجمه .. يا قنديل جميل
يا غازله .. سجادة سحب

يارب .. كون ليّ الحياه
وصلني .. للشط الحلال
أنا قلبي .. جايلك يا إله
ومعاه دُعاه .. وأدان بلال

جنب النبي .. أنا جيت أقول
كلمه .. لقيت الصمت طال
صليت .. علي أعظم رسول
حققت .. في أجمل آمال

يا أصل .. كل الكائنات
يا كل حاجه .. في الوجود
إغفرلي .. كل السيئات
أنا روعي .. في حالة سجود

الليل بيظوى .. كل شئ
وببيجي .. يلقي الكل نام
لكن أنا .. فوق الطريق
بانده حبيبي .. بالسلام

أسمع أذان فجرك .. أقوم
أتَهجي .. آيه م الكتاب
أرتاح يا ربي .. م الهموم
وافتح .. لبدر الحب باب

يا خالق الدنيا لنا
إفتح لروحنا .. باب قبول
كل القلوب المؤمنه
بتصلي .. دايمًا ع الرسول

أنا دعوتي .. دايمًا إليك
في الليل أقوم .. واستغفرك
يارب .. ساجد بين إيديك
علي كل نعمه .. باشكرك

باقي .. علي كل الوجود
ساقى .. زهوري بالندي
لما يطول بيّ السجود
أسمع .. أذان فجرك ندا

يارب .. رِيح قلبنا
إدينا .. من فضلك أمل
خلى .. آياتك جنبنا
خلى .. جراحنا تندمل

أسهر .. وكل الناس تنام
أسجد .. يارب الكون بشوق
فى الفجر .. كل الكون سلام
والنهر .. مستنى الضوء

يارب .. يا حامى الحما
القلب داب .. فى النور .. وتاب
قربنا .. من نور السما
واحميننا .. من طول الغياب

يارب .. يا نور الدروب
يا ضوء .. حياتنا فى السفر
لما ابتدينا .. ليك نتوب
ما بقاش فى قلب الكون خطر

صابر .. وصبرى بحر نور
وشطوط إيمان .. مع معرفه
الدمعه .. نزلت ع السطور
صبحت .. فى قلب الروح دفا

يا خالق القلب الحزين
ريِّح قلوبنا .. بنسمتك
مرفوعه لك .. كل الإيدين
دافيه يارب بشمستك

إفتحلى .. باب الشفا
بادعوك .. يارب الكون
بحبيبك المصطفى
كون المدد .. والعون

إسقينى .. لو أحتاج
زمزم .. عشاني علاج
وزيارة المختار
يارب .. أعظم تاج

إفتحلى .. باب الضيّا
نِفسى لنورك اشوف
حقتلى .. فى الأمنيّه
أهدي معاك .. يا رءوف

يارب .. كونلى مدد
لو طالت المسافات
خلي الفؤاد للأبد
عايش مع الآيات

وصلنى .. نهر الرضا
أتوضي .. لآجل أتوب
ألمس .. سحاب الهدى
واتهني .. بالمحبوب

يارب .. كون للروح ونيس
جوه ليالي مضلمه
يبقي الكتاب .. ليّ جليس
نوره .. بيلمس فى السما
**

إهديني .. بالآيه الحلال
خليني .. ماشي ع الصراط
لو يوم سمعت .. أذان بلال
أصحي بنورك .. ع الآيات
**

صليت .. علي طه الحبيب
ورضيت .. بكل اللى حصل
لما نادينا .. ع الطبيب
أحمد .. إمام الكون وصل
**

إنت اللى عالم سِرنا
فى يُسرنا .. أو عُسرنا
يارب .. يا هادي النفوس
إشرح بنورك .. صدرنا
**

سلمتني .. عَلم الهدى
علمتني .. أصبح إمام
قلبي محيط .. مُوجّه رضا
روحي .. سفينه للسلام

تَدينني .. يا رحمن
أعطف .. علي الجيران
أصبح .. نسيم ع الكون
يارب .. بالقرآن
**

الله علي اللى يكون
وياك .. فى أغلي طريق
تصبح عشانه .. عون
وتخلي قلبه .. مضئ
**

توهبني .. أفضالك
فى سكة الصابرين
أتوضي .. من نيلك
واسهر .. مع الواصلين
**

يارب .. لو أحتاج
أنده عليك .. بدموع
"الستر" .. يصبح تاج
وعنيّه .. تبقي شموع
**

يارب .. بالغفران
طهرني .. واسقيني
أسمع .. لكل أذان
تنزل دموع عيني

سلمت لك .. مراكبي
يا نهر المعجزات
إرتاح .. بالهادى قلبي
وصحيت علي الآيات

يارب .. كون نصيري
فى سكة الرياح
تظهر ع الناس .. زهوري
مع سجدة الصباح

يارب .. كون طريقي
لو تاه بيّ الطريق
خلي "المصحف" .. صديقى
فى السكه .. لو تضيق

صفيني .. من ذنوبي
خلي الفؤاد .. يتوب
حبك يارب .. توبي
داريني .. م الذنوب

قمر الإيمان .. يا عالي
يا رايح للرسول
الدين .. علينا غالي
كملنا .. بالوصول

فى دنيتك .. أرتاح
وجراح حياتي .. تدوب
سلمتني .. المفتاح
ساعه ما قلت هاتوب

الله عليك .. الله
هادي العباد .. يا أمين
يا بدر .. للى تاه
يا ضي .. لاجل العين

جوه طريق النور
أنا جيت لهادي الكون
أزرع بيبانه زهور
واحفظ هواه وأصون

يا رافع السموات
إروينا .. بالأمطار
دفيئا .. بالصلوات
خلي نفوسنا .. عمار

عَوَدتني .. أعطي
من خيرك الموجود
لما سماك تشتي
نبدأ معاك فى سجود

إفتح لنا .. باب القبول
واسمح لنا .. فى حماك نتوب
تحمينا .. بنجوم الوصول
ويا الرسول .. فى ضياك ندوب

يارب .. وانت المستعان
وانت الحياه .. لاجل الحياه
آدي الكتاب .. جوه الكيان
آيته بتهدي .. فى اللى تاه

علمت قلبي .. إزاي يكون
ع الأرض .. سجادة صلا
الدمعه دافيه .. فى العيون
والقلب .. طائر فى الخلا

يارب .. كون لى المنار
لو توهت ليله .. فى الزحام
وصلني تاني .. للديار
أرمي علي المختار .. سلام

سلمني .. لنجوم الوجود
علمني .. اكون إنسان فصيح
إشفي ني تاني .. بالسجود
لو كنت جوه حماك جريح

تحت السما .. عبدك ضعيف
راكب علي .. سحابة "رجا"
زاحف علي .. أرض الخريف
محتاج يارب .. الكون "نجا"

كون الطريق .. مليون هدي
كون الصديق .. لو لحظه اتوه
أتوضي دايم .. بالندي
يا رحمه فوق .. كل الوجوه

يا نور .. حبيبي المصطفى
قويني .. فوق سكة حلال
إوهني .. من شمسك دفا
إسندني .. دايم بالآمال

يارب .. والقرآن ما زال
هادي قلوب .. كل العباد
هو الإجابة .. ع السؤال
هو اللى كان لينا ميلاد

الفجر .. راحه للنفوس
إسجد يا قلبي .. مع الأدان
إوعي فى يوم .. أبدا تدوس
إنسان .. وحارب فى الشيطان

فى حماك .. القلب حاسس
بالراحة .. والخشوع
ساعة ما كنت باصص ..
لضياك .. نزلت دموع
**

إتوضي القلب لما
نهرك نده عليه
لو حتي الدنيا ضلمه
نورك يارب فىه
**

يا عالم بالنوايا
والنفس والمصير
آخر كلامي آيه
جملني بالضمير
**

ساعة لقاك .. يا ربي
ألقاني نور فى نور
طه أشوفه جنبى
الشوك .. فى إيديه زهور
**

نورك .. فى الفجر جانا
صحانا .. بالنسيم
سامع فى الليل .. دُعانا
قوينا .. يا كريم

لو أنسى لحظه نِداك
إحميني م النسيان
دا مفىش إله إلاك
يارب .. يا رحمن
**

إفتح لنا الأبواب
نقدر يارب نشوف
جمعنا ع الأحباب
فى "قبلتك" .. يا رءوف
**

إفتحلي باب الضوء
وديني .. للملكوت
لو طال عليّ الشوق
يارب .. أقدر أفوت
**

قلبي .. رسمته هلال
فوق مدنه المختار
يا مَعْدِل الأحوال
إحمي النفوس م النار
**

الله .. يا نور الله
يا مجمع الساجدين
طه .. فى قلبي ضياه
الله عليك يا أمين

فى الواحه .. قلبي صلي

السجده رىحتنى

الهادى .. بثوره خلى ..

أحاديثه فرحتنى

أرجوك تخلى قلبى

ويا الملكوت يكون

صليت .. والهادى جنبى

وارتحت .. م الظنون

أخذتنى السكه تانى

لمكه .. والمدينه

طه .. فى الحلم جاتى

ريح روى الحزينه

يارب .. يا سامعنى

يا عالم باللى بيّ

خلى القرآن نافعنى

فى الخطوه الأخرانيه

عالم .. بكل لحظه

عارف .. جميع شئونى

بالجنه .. نفسى أحظى

تتّكحلّ .. بيه عيونى

الصبر .. فاض بيّ

وانت المعين .. يا معين

فوق "المصليه"

تنزل دموع العين

ألقانى طائر فوق

بجناح شرف .. وأصول

ويزيد علىّ الشوق

أنده لأعلى رسول

ولا لينا .. إلا ضياك

ولا فينا .. غير طه

ساعة ما نترجاك

تحمينام التوهه

علمتنا .. نرتاح

جوه الآيات .. نهدي

لوحتى فينا .. جراح

تصبح معاك .. وردّه

يا خالق الملكوت

يا مُبدع الأكوان

إزاي بذنبى .. هافوت

إلا بنور غفران

من نهر أنوارك
أشرب .. عشان أدفى
نفسى أكون .. جارك
تحميني .. م العاصفه

يا اللى وهبت الكون
أحمد .. عشان يهديه
لو قلت .. "كن .. فيكون"
الخير معاك ألاقيه

يارب .. جوه حماك
الستّر .. ويا العون
لما مشيت وياك
أيوه امتلكت الكون

يا رافع السموات
كون السند للروح
إشفىني بالحسنات
يارب .. لو مجروح

خليني بالقرآن
نجمه .. تفيد للناس
إسندني بالغفران
طهرني بالإحساس

صليت .. سجدتي أرضك
و"القبيله" .. سحابه طاهره
أديت يارب فرضك
وسجدت لحدّ بكره

لقيت القلب دايب
ماشى فى طريق خشوع
إرجع قوام يا غايب
إتوضي .. بالدموع

يا عالم بالأنوايا
سلمت نفسي ليك
نظرة عيوني آيه
وانا ساجد بين إيديك

لقيت الراحه جنبك
وبنيت البيت بنور
محتاج يارب قربك
يا عالم بالصدر

آجى .. والقلب صافى
والروح بتستجير
ألقي طريقى دافى
لو ماشى بالضمير

يا هادي .. والأيام جراح
بس الكتاب .. فىه الشفا
يا نسمة .. فوق أرض السماح
دايسه الرياح .. يا مصطفى
**

يا مصطفى .. أنا قلبي داب
جوه المدينه المؤمنه
الرحمه .. فاتحه ليّ باب
والآه .. صبحت سوسنه
**

يارب .. بان ليّ الطريق
ظاهر .. ياريت أسجد عليه
المصطفى .. هو الصديق
وجميع صفات الحب فيه
**

علمت قلبي يا رسول
إن الإله .. واحد أحد
عرفتني .. إن الأصول
لاجل العباد .. هي السند
**

يارب .. يا حامي القلوب
من كل ليله مضلمه
ويا الحبيب .. الروح تدوب
توصل بنورها للسما

يا حبيبي .. والليل ابتدي
يدخل عليه فجر الصفا
يا اللى انت للورده ندي
يا حبيب حياتنا .. يا مصطفى
**

يا طه .. وانت المبتدي
وانت النسيم .. فوق الزهور
كل القلوب .. فىها ندا
والآيه .. باست فى السطور
**

يا طه .. شدينا الرحال
علي مسجدك .. والنور ظهر
شوفنا .. علي المدنه بلال
وارتحنا .. من طول السهر
**

يا مصطفى .. يا مُهجتي
يا فرحتي .. وقت الوصول
تَكمل يا طه فرحتي
ساعة لقانا يا رسول
**

يا نور عنيّه .. يا حبيب
يا نجوم .. بتضوي ع الدروب
إنت عشان .. روحي طبيب
يا راحه .. فى كل القلوب

أنده عليك .. لو حزني طال
إسندني .. فى العمر اللي جاي
خلي شعاع قلبي جبال
والرحمه .. تصبح فى ناي
**

أبعد .. تكون لي قريب
آجي .. عشان أطلب حماك
الجرح .. لو شافك يطيب
يا اللي ماليش أبدا سواك
**

يا رحمه .. لاجل العالمين
إرحم دموعي يا إله
بالمصطفى الهادي الأمين
خلي الحياه .. تصبح حياه
**

يارب .. لما الليل يكون
زي الجبل .. آجي إليك
ألقي الطريق .. أصبح حنون
والقي سعادتي .. بين إيديك
**

يارب .. قرآن صبح
جوه قلوب الناس نجوم
(بلسم) .. عشان اللي انجرح
وآيات .. تزيل نار الهموم

خرج الشعاع .. ينده علي ..
قلبي فى لحظة ما خرج
لما ابتدينا .. فى الصلا
ظهر الأمل .. ويا الفرج
**

خرج الشعاع .. ويا الجموع
ينده لرب العالمين
السكه .. مليانه دموع
والروح .. سكن فيها الحنين
**

يارب .. يا هادي البشر
إهدينا .. لو تاه العباد
إحمينا .. من ليل الخطر
خلينا .. فوق جسر الميلاد
**

فى الفجر .. نصحي ع الأدان
نسجد .. لنورك يا رءوف
القلب .. راضي بالإيمان
ومفیش فى قلب الدنيا خوف
**

يارب .. وانت المبتدي
لينا .. ونورك ضمنا
فوق الخدود .. ظهر الندي
يا نور .. بيجري ف دمننا

الدعوه .. دعوه مقدسه

والدرس من عند الإله

مازلنا جوه المدرسه

وقلوبنا .. فى حالة صلاه

كان الرسول .. بيننا سلام

ومازال حنان .. بين الجميع

زارع .. ورود الإلتزام

راسم .. فى ضيِّ العين ربيع

إنت زرعت .. السهل نور

يا اللى انت لمححه من ضياه

خليت .. كاسات الليل تدور

علي كل أعداء الحياه

كانت رسالتك يا رسول

هي السلام للمؤمنين

الخير نزل .. زي السيول

إشفع لروحنا يا أمين

لا دوست يوم .. أبدا ضعيف

ولا خونت يوم .. أبدا عهود

كان الفؤاد .. دايمًا شريف

زارع مكان الشوك ورود

من نظرتك .. طابت جروح

من كلمتك .. كان الإيمان

خليت طيور الروح تبوح

وتطير .. علي جبل الحنان

صلي عليك .. رب العباد

وملايكة الأرض الحلال

فى مولدك .. كان الميلاد

كان النهايه للضلال

وضحت لنا كل شئ

وشرحت للناس الأصول

كان الإله .. هو الصديق

خَلَّى سكون الكون يقول

يا هادي .. يا نور الإله

يا رحمه من عند الكريم

ظهرت أركان الحياه

من كل ليل .. ظالم .. أليم

علمت روحنا إزاي تكون

فوق الطريق .. للكون سند

هز الأذان .. قلب السكون

علشان يكون .. لنا مدد

أفتح .. فى شباك الصفا
ألقي .. حبيبي المصطفى
نوره .. بيملي القلب شوق
خيره .. بيملي الروح دفا

أفرح .. بقتديل الضيّا
أجري .. يارب الكون عليك
فى ضل سيد الأنبيا
تصبح حياتي طاهره بيك

أفتح .. فى شباك الحنين
تدخل عنيه دمعتين
ألقاني ساجد .. والإمام
المصطفى الهادي الأمين

أفتح فى شباك الهوي
ألقاني والهادي سوا
مجروح .. إذا قرئت الآيات
تصبح عشان نفسي دوا

أفتح فى شباك السفر
"السوره" .. تتحول قمر
والجنه .. تفتح فى البيان
لاجل اللى صان .. واللى صبر

تنزل دموعي .. ع الورق
ساعة ما اقول المصطفى
مليون هلال .. طاهر برق
جوه سحاب المعرفة

آه يا رسول الله .. يا بيت
جامع قلوب كل البشر
صليت عليك .. يا حبيب وجيت
ورجعت .. جوه الروح قمر

يا رحمه .. من عند الرعوف
ونجوم .. فى أركان الحياه
أنا كان زمان .. جوايا خوف
وارتحت .. فى دنيا الصلاه

يارب .. كون للقلب نور
واسند خطانا .. فى السفر
لما السنين .. بيّ تجّور
إديني من فضلك مطر

تنزل دموعي .. تذكرك
أسجد .. علي أرض الضيّا
فى كل لحظه .. أشكرك
علي فضل سيد الأنبيا

هليت علينا .. بالحديث

طاهر .. لأنك مصطفى

فى الضلمه .. كان نجمك ونيس

فى البرد .. كان إسمك دفا

فى مسجدك .. سجد الجميع

وضياك .. صبح جوه الوجوه

من مسجدك .. خرج الربيع

يهدى طريقنا .. لو نوتوه

يا هادي .. نادى .. ع اللى تاه

خلى الحياه .. تصبح صلاه

الله .. على نور القلوب

الله .. على خير الإله

يا طه .. يا شمس الوجود

يا إمام لكل المرسلين

الجنه .. بانث فى السجود

ولمحننا نورك .. يا أمين

يا مصطفى .. جوه القلوب

نورك .. يا "منحه" م السما

يا شمس خير .. مالهاش غروب

قادت ليالي مضلمه

للمصطفى الهادي

رايح عشان ارتاح

"الروضه" .. دي بلادي

فيها الأمل مصباح

يا طه .. جيت ملهوف

والقلب .. كله حنين

يا دنياه المعروف

يا مصطفى .. يا أمين

جيتلك .. يا أغلى رسول

والدمع .. جوه العين

الخير .. لقيته سيول

فى صحبة الساجدين

الله عليك .. يا إمام

هادى جميع الناس

فى سكة الإسلام

قلبك .. بحور إخلاص

يا حبيبي .. جانبى الشوق

دقيت عليك الباب

قلبي .. لقيته فوق

هايم .. مع الأصحاب

مكه .. إذا جينا

النور .. ينادينا

مهما يطول الليل

الهادي .. يشفيينا

نجم المدينة .. سكن

فى القلب .. ويا الروح

ودخلنا .. جنة عدن

الضيّ .. رد الروح

علشان رضاك أرضي

يارب .. بالمكتوب

الشوك .. صبح ورده

بصلاتنا .. ع المحبوب

يارب .. قلبي مازال

جوه الحديث .. مصابيح

لو يوم طريقي .. طال

تحميني .. جوه الريح

يارب .. جيت أرتاح

جوه حماك .. يا كريم

زالت آلام .. وجراح

الله علي التكريم

يا مكه .. ضُميني

خليني .. فى حماكي

الليل .. بيضنيني

والراحه .. وياكي

فى الكعبه .. قلبي ناداك

يارب كل الكون

لما سجد .. فى حماك

أصبحت .. أعظم عون

يا مكه .. كان دمعي

باين علي الطرقات

الآيه .. فى سَمعي

والحب .. والصلوات

يارب انا ملهوف

للجنة .. يا رحمن

قربني ليك .. يا رءوف

وصلني .. بالقرآن

يا مكه .. ليلك نور

علي كل قلب رقيق

أرضك يا طاهره .. زهور

وسماكي .. أحلي طريق

يا باب الرحمة .. يا مفتوح
بتنده .. ليل نهار لنا
نور الحق .. لازم ابوح
عشان بالهادي .. يهدينا

يا شايف روحنا .. ع الطرقات
بتندهلك .. وتشكيلك
يا هادي قلوبنا .. بالصلوات
وساقي روحنا .. من نيلك

يا باب الرحمة .. ناديني
إذا كان الطريق .. عاصي
فى عز الضلمه .. خليني
نجوم تهدي .. جميع ناسي

يارب الكون .. يا شايفني
وجايب لي .. نهر الخير
بأحمد .. روعي .. شرفني
ولا تحوجني .. يوم للغير

أنا يارب .. (عبد شكور)
بيحتاجلك .. فى كل مكان
أنا محتاج .. لسكة نور
تريح قلبي .. لو قلقان

يا فاتح لنا .. باب الشوق
وحامي قلوبنا .. م الزحمة
فى بيتك .. لسه نهر الضوء
بيسقيننا .. من الرحمة

يارب .. الدنيا والآخرة
أنا محتاج .. لغفرانك
قلوبنا من ضياك .. طاهره
وساكن فينا .. قرآنك

ناديتك .. فى الزحام دايما
لقيتك .. ضي فى عروقي
ولما .. سكتك تدن
يزيد يارب .. نور شوقي

أجيلك .. والفؤاد حيران
وأرجع .. روعي مرتاحه
أصلي .. بعد كل أدان
ودمعي .. يملئ فى الساحه

يارب .. القدره .. إغنيني
وخليني .. إليك محتاج
فى يوم الآخرة .. عديني
يكون عملي .. عشاني تاج

فى "الروضه" .. كان قلبى
زى السحاب .. مطلق
يا للى انت .. نور جنبى
خدنى .. لفوق الفوق

جوه العيون .. كعبه
الله على التسابيح
لوفى .. دروب صعبه
بتقيدها بالمصابيح

أسجد .. على أراضيك
يا راحه .. للى يتوب
دا العبد .. لو يرضيك
جوه القلوب .. بيدوب

يارب .. لما بقول
الله .. بشوف أمارات
على طه .. أغلى رسول
بنصلى .. فى الصلوات

يارب .. فىن مانروح
نلقاك .. فى كل مكان
تهدي معاك الروح
ترتاح .. مع القرآن

إنت السند .. والجاه
وانت المدد .. والعون
نحتاج .. نقول "الله"
وتقولها "كُن" .. فيكون

مين اللى يقدر يوم
يستغنى عن خيرك
لو كان فؤاد مهموم
مين هايراعيه غيرك

جيتلك يارب حنون
ع العبد .. لو محتاج
طهرت لى الكون
وصلاتى صبحت تاج

يارب .. جيت لحماك
أسجد .. فى كل مكان
لما لمسنى .. ضياك
أصبح حديثي .. أذان

من نهرك .. اتوضيت
صليت .. بقلب رقيق
واما دخلت البيت
أنا شفت طه صديق

إنت الحمايه لروح
محتاجه ليك على طول
وان كنت يوم مجروح
بأنده لأغلي رسول

إسئرنى .. يا ستار
قلبي إليك .. محتاج
إن ضاع .. مع النيار
إحميه .. من الأمواج

أنا كل عمري .. فداك
ولا لي شئ غيرك
أمنيتي .. فى لقاك
يا ماليني .. من خيرك

خيرك .. مكفيني
مع مية المحايه
تلمح ضياك عيني
فجاه أقول الله

يا خالق المخلوق
مهما طريقنا يضيق
نلقاك صديق للروح
تطفى نيران الضيق

لو طال .. سجودي إليك
أرتاح .. ويهدي البال
واقف .. ما بين أياديك
أشكي يارب الحال

واسهر .. مع القرآن
طه .. أصلي عليه
يارب .. والإحسان
ألقي حياتي فيه

حالي .. يكون معدول
لما اتوعد بضياك
فى حب طه .. أقول
فى كل يوم .. ألقاك

أسترنى .. يا ستار
إملئ حياتي بنور
وان كنت يوم محتار
إزرع طريقي زهور

كُونلي النجاه م النار
والفجر .. والتسايح
الضلمه .. تبقي نهار
وارتاح من التباريح

حددت لي طريق حياه
وأمرتني .. أمشي عليه
نفذت أمرك يا إله
ولا قلت إمتي .. وفين .. وليه

يا باب .. ييفتحلي إذا
دقيت عليه .. فى أي يوم
يحميني .. من ليل الأذي
يشفينى .. من كل الهموم

يا إلهي .. قرآنك قدير
يشفى جريح .. مليون علل
لما مع الهادي سهر
فى الجنه .. أصبح ليه أمل

تسقينى .. اهمسلك كمان
أطمع يارب ف رحمتك
جوايا .. أصوات الأذان
دايما تاخذني سكتك

يا إلهي .. يا سر الخلود
يا أعلي من كل الوجود
أنا ماشي .. فى سكة ضياك
والقلب .. فى حالة سجود

أنا لي مين .. أنهه عليه
غيرك .. يا علام الغيوب
مين اللى هاسجد .. بين إيديه
وأدوب .. فى أعلي جاه واتوب

يارب .. كون سند الجميع
وارحم قلوبنا .. فى الزحام
عبدك .. لا يمكن يوم يبيع
ولا يرضي ليله بالضلام

أنا لي مين .. يستر عيوب ..
قلبي .. ويسند خطوتي
يصبح نجومى .. ع الدروب
يصبح دليل .. فى سكتي

أنا لي مين .. غيرك سند
يصاحبني .. لو طال السفر
إنت الأحد .. وانت الصمد
وانت حاميني .. م الخطر

يا شافينى .. من كل العلل
سهرتني .. ويا الآيات
خليت .. حياتي بالأمل
موجه .. فى بحر المعجزات

أرجع .. بروحي أتوب

الله علي التوبه

إرزقني .. بالمكتوب

فوق سكه مكتوبه

يا رافع السموات

إرفعلي من شأني

إنقذني .. بالصلوات

لو ليل يغرقني

يا كاتب الأرزاق

ع العبد .. ليل ونهار

لسه الفؤاد مشتاق

إرحم غريب الدار

إرحمني .. مهما أكون

وسامحني .. ع النسيان

خليني .. جوه الكون

عايش مع القرآن

يا صاحب الملكوت

إحميني م الأضواء

لما بييجي الموت

بيساوي في الأسماء

أنا جيت حماك .. أتوب

وأدوب .. في كل "سوره"

نِفسِي كل القلوب

تصبح لضياك بصيره

بضياك .. الدنيا تصبح

جنه لاجل .. اللي تاب

ليل ويا نهار .. تسبح

تفتح .. علشانها باب

يا عالم .. باللى بينا

و عارف .. كل شئ

طه .. جوه المدينه

راسم لنا الطريق

في كتابك .. قلبي ساجد

فوق سكة الحقايق

ضيّ العيون .. مساجد

كلمني .. بالمبادئ

نورك دايمًا .. هاديننا

وحاميننا .. م الظنون

آيتك .. خلت عنينا

أجمل من العيون

أدخل يا ربي .. جنتك
أسجد علي .. أجمل بساط
تحضن عنيه .. سكتك
أطلع علي .. جناح الآيات

أصفي .. أكون زي المطر
ساعة قرايتي .. للكتاب
ويا الإيمان .. زال الخطر
والجنه .. فتحت لي باب

أتوضي .. من نهر الصفا
وأصلي .. فوق مليون جبل
يهديني .. نور المصطفى
فى الليل .. ويوهبني أمل

يا خالق الأكوان .. عشان
تصبح سكن .. لاجل البشر
خلي سكون الكون .. أدا
خلي ضلام الروح .. قمر

لبستني .. توب القبول
وصلتني .. باب الرسول
الله علي .. احلي الكلام
الله يارب .. علي الأصول

أصحي .. من عز نومي
أصلي .. بقلب دافى
تهرب .. م الروح همومي
أرتاح .. والرب شافى

يا عالم .. بيّ دايم
إهديني .. للطريق
لما الآن .. بيدن
يبقي السجود .. صديق

يارب .. كل عمري
فى الطاعه .. كان قليل
يا مالك كل أمري
لسه المشوار طويل

أصحي ..؟ ولا كنت نايم
ولا لي فى المنام
يارب الناس .. يا دايم
يا أعظم م الكلام

شفت النجوم فى آيه
الله علي الآيات
فيها كل الهدايه
والخير .. والمعجزات

قمر الإيمان .. ينادي
أبص ع السما
فجأه .. ألقاني هادي
فى وجود .. حامى الحما
**

يارب .. كون حمايه
للعبد .. ليل نهار
خلى كلامه .. آيه
واحميه .. من كل نار
**

قمر الإيمان .. فى دمي
بيجري .. فى العروق
الأرض .. هي أمي
والنور .. هو الموضوع
**

قمر الإيمان .. يا رايح
على مكه .. والمدينه
لحنين الروح .. روايح
تشفى قلوب حزينه
**

قمر الإيمان .. سبقتي
فى ليله .. ع المقام
رافع .. فى الدنيا شأني
باعث .. معاه سلام

يا أهل بيت النبي
يا أهل بيت الله
فى نهركم .. مركبي
بينادي .. ع اللى تاه
**

الله يكون فى العون
قادر .. رعوف .. موجود
ببصاحب اللى يصون
ويكون عشاننا الجود
**

يا أهل بيت الصفا
يا نجوم .. فى قلب الروح
يا دنية المعرفه
يا راحه للمجروح
**

يا أهل بيت الضيا
يا جنة الموعود
الهادى .. كان أمنيه
خلى حياتنا تسود
**

يا أهل بيت الحبيب
يا مناره .. جوه الليل
طه لقلبي .. طبيب
وحيثه .. لي دليل

إرسم لنا .. قنديل ضياء

جوه ليالي مضلمه

تظهر نجوم الكبرياء

يارب .. لنا فى السما

خلينا بين الناس .. نجوم

شايفه وعارفه ربها

تحمي حياتهم .. م الهموم

لو يوم تصلي جنبها

صبرنا .. لو طال الطريق

واهدينا .. لو ضل الفؤاد

طه .. يكون لنا صديق

والموت .. يكون لنا ميلاد

يارب .. لسه السكه نار

إحمينا .. من جبل السراب

الهادي .. يصبح لنا جار

بشفاعته .. يفتح لنا باب

وصل قلوبنا .. بالحلال

لبيوت .. علي بابها آيات

فى كل يوم .. نسمع بلال

ننسي معاه .. كل اللى فات

يارب .. والقرآن سند

ليّ فى أنحاء الوجود

كون للضعيف .. دايما مدد

نلقى راحتنا فى السجود

يارب .. والقلب ابتدي

ينزل فى بحر المعرفه

صلي علي قمر الهدي

سيدنا الحبيب المصطفى

الضيّ يبجي .. يلاقي ضيّ

فى عيون حبيب كل البشر

طه .. مفى ش فى جماله زي

فى سجدته .. سجد القمر

يارب .. والقنديل فضل

يضوي .. ومش ممكن يزول

فى الجنه .. كل اللى اتقبل

عائش مع أعظم رسول

قوينا .. بالآيه الحلال

خلينا .. جوه الناس يقين

حقق لنا .. أشرف آمال

وارضينا .. بالهادي الأمين

فى الليل .. أناديك
واسجد .. على أرضك
توهبني .. قنديلك
لما أصون .. فرضك
**

الله .. على القرآن
الله .. على الآيات
بيظهر الوجدان
وياخذنا للصلوات
**

ماشي يارب الناس
على جسر .. كله قزاز
دا الشوك فى إيد حساس
أصبح جبال ألماظ
**

إوهبني .. حبي إليك
حب الرسول والخير
روحي بتنده ليك
إكفيننا شر الغير
**

يا إلهي .. دمعي سيول
إحميني م المجهول
خلي حياتي أمان
مع طه أغلي رسول

أسبق خطايا إليك
يارب .. آجي بشوق
أسهر .. جميع لياليك
قلبي .. يرفرف فوق
**

ألمس .. سماك بالروح
أوصل .. حماك يا رءوف
تشفيني .. لو مجروح
ترويني .. لو ملهوف
**

طول ما الإيمان موجود
طول ما الحياه صافيه
طول ما الرءوف بيوجود
كل الدروب دافيه
**

يا إلهي .. طه شفيع
ليّ فى يوم الدين
إزاي يارب هاضيع
وأنا كنت م الصابرين
**

لو حتي ضاع الكون
جوه الضلام .. أناديك
أصبح لجاري العون
أوهب حياتي إليك

من نهر ضوء .. أشرب

واشبع من الإيمان

إزاي أنا هاهرب

م الجنة يا رحمن

بادعوك .. بحق رسول

هادي .. يارب .. أمين

تحمينام المجهول

تملي قلوبنا حنين

سلمتني قلبي

أخضر .. نضيف .. وعفى

مصحف شريف جنبي

دايس حروف الزيف

كون السند .. فى طريق

دايس علي المخاليق

وان خانت الأيام

طه يكونلي صديق

فى دنية الإخلاص

الجنة باب مفتوح

بتنادي كل الناس

وتداوي فى المجروح

إنت إله الناس

وانت عشاننا معين

قلب اللى صان حساس

ساجد مع الساجدين

أنا فى حماك .. بارتاح

يارب .. كون العون

قلب اللى صان .. مرتاح

قلب اللى خان .. مسجون

يا توهة الأعراب

جوه ليالي الخوف

بيدقوا فوق الباب

يستأذنوك يا رعوف

يا حسرة اللى ضاع

فى الشك .. والظلمات

عايش فى ليل .. وضياع

ونجائه .. فى الصلوات

مخنوقه .. يا أيام

لو جوه ليل .. وضلام

مطلوقه .. يا أحلام

لو فيه صلاه .. وصيام

فى كل لحظه .. اسألك
التقوي .. والغفران
الى يخالفك .. هلك
يارب .. يا رحمن

ننده عليك علي طول
ونصاحب القرآن
إشفع لنا برسول
ساكن فى كل كيان

إزاي هاقول أنا مين
وانت اللى خالقتي
ساجد ودمع العين
للجنة شوفني

يا إلهي .. يا موجود
إوعدنا بالصلوات
خلي الليالى تجود
وتعود معاها آيات

رافع إيديه لفوق
إحمني م الشهوات
خلي فى قلبي الشوق
يارب للحسنات

أصحي .. وأتوضي
واسجد .. ما بين أياديك
مع سبحتي الفضة
للصبح أنهه ليك

إسْئرنى .. يا الله
واحميني .. فى المشاوير
لو قلبي .. لحظه تاه
ما تَحْجُوش للغير

ويا السجود .. أرتاح
تملي عنيّه .. دموع
الدنيا .. تبقي براح
والضلمه .. تبقي شموع

طه .. حبيبي .. شفيع
فى نهاية المشوار
قلب اللى صان .. ما يضيع
ولا عمره يلمس نار

فى دنيتك .. أنا طيف
ببنادي ع التاهيين
جوه الحياه .. أنا ضيف
بيقول يارب أمين

بنسبحك .. فى كل حين
وبنذكرك .. جوه السكون
الرهبة .. ترعش فى الإيدين
والدمعه .. تسكن فى العيون
**

وبنشورك .. ياذا الجلال
وبنذكرك .. صبح ومسا
الله علي طعم الحلال
جوه قلوبنا المخلصه
**

فى دنيتك .. سكن الفؤاد
وارتاح بذكرك م الهموم
ماقدرش لحظه ع البعاد
صمم يقابلك كل يوم
**

يا باعت القرآن لنا
يشفى نفوسنا م الشقا
خلي قلوبنا المؤمنه
للمصطفى .. متشوقه
**

أنا قلبي .. واحه حنيه
بتسبحك .. وقت السحر
لما وصل .. نهر المنى
كتب الآيات .. فوق الشجر

إخترتني .. علشان أكون
مداح لظه .. فى الزحام
دا كل شئ .. فى الكون يهون
طول ما الرسول .. ليّ إمام
**

يارب .. ويجيني الأذان
أصحي .. علي صوت النداء
قرآن .. بيسري فى الكيان
الله .. علي شمس الهدى
**

صبرني .. يارب الأنام
علي كل لحظه مُتعبه
إوعدي .. دايمًا بالسلام
خليني .. كلمه طيبه
**

يا إلهي .. يا عالم بنا
إبسط لنا .. الرزق الحلال
خلي النفوس المؤمنه
توصل لأرضك .. فى ابتهاج
**

أشقي .. تكون ليّ المعين
أتعب .. تكون أكرم طبيب
أتعجب .. فى سورة يس
توعدي .. بزيارة الحبيب

نورك .. يارب الكون ظهر
خلي قلوب الناس تدوب
الآيه .. ميت مليون قمر
الله علينا .. لو نتوب
**

أسهر .. مع سورة ياسين
يجري ضياك .. جوه الدما
يارب .. وارفع فى الإيدى
وكفوفى تلمس فى السما
**

أنقذتني .. من ليل طويل
من كل شر .. علي الدروب
خليتني .. أرضي بالقليل
يا ضي دافى .. فى القلوب
**

صبرني .. مهما الدمع زاد
إنت الملاذ .. وانت الرفوق
أيوه رضاك .. للقلب زاد
مهما يضيق .. بي الطريق
**

خليني نسمة .. لقلب شال
جبل الحمولة المؤلمة
خليني أقدر .. ع المحال
واوصل بقلبي .. للسما

أنادي .. وافتح الشباك
وأشرب .. يا إلهي ضياك
ألف الكون .. وانا ساجد
ويبهربي .. رضاك .. وسناك
**

وأرجع ليك .. وانا تايب
ودايب .. ويا قرآنك
زمان .. كان الفؤاد غايب
نذت عليه .. بإحسانك
**

أجيبك .. قلبي مش داري
وبيدور .. علي داري
ألاقي كتابك المحفوظ
صبح روعي .. صبح جاري
**

إلهي .. الدنيا ملهوفه
تشوف نورك .. علي البيبان
قلوبنا .. لسه شفافه
بأغلي حديث .. مع القرآن
**

يا ربي .. قلبي بينادي
عليك ملهوف .. يارب الناس
زرعت زهوري .. فى الوادي
سقيتها من بحور إحساس

أجبتك كل يوم أرتاح
علي بابك .. واكون جنبك
مفوش في الروح .. يارب جراح
مادام في القلب نور حبك
**

يارب الكل .. نجيني
ودفيني .. مع القرآن
تتادي عليك .. دموع عيني
يا ساكن .. جوه كل كيان
**

أروح مهما أروح .. ألقاك
نجوم .. بتنور الطرقات
أنا سايب .. فؤادي معاك
عشان يشبع .. من الآيات
**

يجيني نورك الهادي
يريح نفسي بنجومه
أنا بضياك .. سعيد راضي
وقلبي داس .. علي همومه
**

باحبك .. يا إله .. لكن
ساعات أنسي الفروض .. يا رءوف
في قلبي .. نور جميل ساكن
ولا حاسس .. معاك بالخوف

يا اللي سقيت الناس إيمان
وهمست : "حيّ علي الأذان"
الوحي .. كان للناس .. خلاص
يا هادي .. يا شمس الكيان
**

لك في المدينة .. نجوم علوم
يا نسمة .. بتزيل الهموم
الله عليك .. إنسان عظيم
وقمر كريم .. بين النجوم
**

إشفلي يا قلب القلوب
واهديني للسكة الصواب
لو روعي زادت في الذنوب
افتحلها يا طه باب
**

إنت زرعت الكون آيات
وصبحت جوه الناس دفا
علشان رسول المعجزات
ربك رعاك .. يا مصطفى
**

يا ختام لكل الأنبياء
ياسلام علي كل البشر
علمت روحنا الكبرياء
عرفتنا .. فين الخطر

أحمد .. يجيني .. ويرقيني
ويزيد معاه ضيّ عيوني
أقري الآيات .. يرتاح قلبي
والحب يدخل وجداني
**

آجي إليك .. أرتاح جنبك
ألقاك ضيّا .. للروح باين
يا طه .. كل الكون حبك
إلا اللي كان لله خاين
**

أتوب بقلبي من الماضي
وأبدأ معاك صفحه جديده
يصبح حديث الروح زادي
تدخل علي القلب سعاده
**

من نهر حبك .. أتوضي
واسجد علي شط زهورك
يا طه .. بالإسلام أرضي
والقلب .. في "الحلم" يزورك
**

أحمد .. تجيني بدون مواعيد
وتريح القلب المهموم
جوه المدينه .. ليلاتي العيد
وسماها نور .. مليانه نجوم

آه يا رسول الضوء
يا شروق .. لكل شروق
بعتك إله الكون
علشان تاخذنا لفوق
**

و وصلنا يا مختار
لما سجدنا معاك
صبحت قلوبنا عمار
ليلة ما شوفنا ضياك
**

يا مصطفى .. يا حبيب
صابك عشائنا كثير
أصبحت لنا طبيب
وقدرت ع المشاوير
**

يا طه .. ياما قاسيت
وتعبت م الكفار
لما بنيت البيت
جينا إليك زوار
**

يا مصطفى .. لبيت
وسجدت ع السكه
لما علي ناديت
أنا جيت علي مكه

يارب .. يا عالم بينا
الله علي الفجر المطلوق
خلي الطريق سهل علينا
نطلع بضَيّ آياتك فوق

المصطفى الهادي قلوبنا
إحمينا دائما بحديثه
يشفعنا .. لو يوم توبنا
واللى يتوب .. يبغي جليسه

يا كلمه بتخلي نفوسنا
أقوي كتير م اللى يدوسنا
يارب .. طهر أرواحنا
خلي كتابك يحرسنا

تعطينا خير .. دائما نشكر
ونقول : يدوم خيرك يارءوف
ويا كتاب النور نسهر
للمعجزات يارب نشوف

يارب .. جوه القلب ضياك
ونجوم سماك .. ساكنه عنينا
اللى ناداك .. دائما يلقاك
يا ضَيّ دائما ينادينا

تبعنا لنا الآيات
وحديث رسول الله
يصبح طريقنا صراط
والقلب يلقي مناه

دخل الكتاب فى الروح
داوي اللى كان مجروح
والقلب كان وياه
يارب .. فين ما يروح

إحنا رجعنا بشوق
يارب .. للقرآن
نوره .. أخذنا لفوق
للحب .. والإيمان

يارب .. قلب الناس
بيدق فوق الباب
مع سورة الإخلاص
يتجمعوا الأحباب

إحميني م المجهول
واقبل سجود روحي
فى النوم .. يزورني رسول
أناديّه .. وأنا صاحي

آه يا رسول مبعوث
علشان جميع الناس
يهدي قلوب .. ونفوس
بالحب .. والإحساس

الوحي .. كان مصابيح
جوه ضلام الليل
نسمه لكل جريح
للدنيا .. نور .. و دليل

هليت علينا سلام
وكلام .. بدايته مقام
نيجي المدينه نزور
ونحقق الأحلام

آه يا رسول .. بيجيب
لينا .. كلام الله
للجرح .. يبقي طيب
والنجمه .. للى تاه

يا هادي .. قلبي معاك
فى زحمة المشاوير
كل الوجود وياك
ساجد .. يا أصل الخير

يا خالق السموات
والأرض .. والإنسان
طهرنا بالآيات
بالحادي .. والقرآن

خايف أكون مرفوض
سامحني مهما أكون
يا ربنا المعبود
كون لي أعظم عون

يا هادي كل جريح
ومصبر المجروح
طه طريقه مريح
علشان حبيب الروح

قلبي ناداك فى الليل
رديت بأغلي أذان
صبح الضلام .. قناديل
صبح السكوت .. قرآن

يارب .. نفسي أتوب
أنا من زمان .. ندمان
فى حب طه أدوب
وارتاح من الحرمان

يا "وحي" .. من عند الإله
لسه طريقنا ف مبتداه
عرفتنا .. يا سراج منير
إزاي نعيش جوه الحياه

شرفتنا .. فى كل حين
فهمتنا .. طعم الحنين
كنت الدليل .. للمؤمنين
والمصطفى الهادي الأمين

يا "قبة" .. فىها النور جبال
الله علي صوت الأذان
يا نجم .. فىه مليون هلال
فى القلب بانوا .. والكيان

جوه المدينه .. قلبي طار
ولمس سحابه فى السما
إتفتحت .. كل الديار
علشان قلوبنا المسلمه

يا "وحي" .. لسه "غار حراء"
سامع فى صوت "جبريل" معاك
طه .. يا جبل الكبرياء
لسه فى ليل الكون ضياك

يا خالق المخاليق
إحمينا شر الضيق
خلي الكتاب مصابيح
قايده فى كل طريق

طه اللى خدني إليك
بالحب .. والقرآن
أصبحنا ملك إيديك
يا خالق الإنسان

إنت مع اللى يكون
للكون محبه وعون
إحنا معاك ساجدين
وانت علينا حنون

يارب .. قلبي معاك
إعفيه .. عشان يرتاح
خليه فى بحر ضياك
رغم الرياح .. ملاح

جوه الكيان .. موجود
يا خالق السموات
لما إليك هانعود
إوعدنا بالجنات

يا "وحي" .. مش ممكن يزول
يا ضيّ خالد .. بالأصول
يا حديث .. فى قلب الروح سناه
القلب حبك يا رسول

يا طه .. كل الكون فداك
والقلب .. ليل ونهار معاك
جوه المدينه .. لمحننا نور
ولقينا ميت مليون ملاك

إحنا بقينا فى الوجود
سكة إيمان .. مالهاش حدود
آه يا رسول الله .. معاك
يا حبيبي .. بيطول السجود

لما دخلت عليك .. لقيت
نورك بينده ع الجميع
قبل الوداع .. وياك نسيت ..
قلبي .. وروحي .. يا شفيع

ظمنت نفسي بالصلاه
وارتحت جدا بالإيمان
إزاي هاعيش جوه الحياه
من غير آيات .. من غير أذان

إنت الإمام .. لاجل الجموع
أول سجود .. أول ركوع
علمتنا .. إن الحياه
يا طه جوه الروح خشوع

أصبحت بالقرآن نسيم
وشعاع علي أرض العرب
كنت الحليم .. كنت الكريم
كنت التسامح .. والأدب

الله عليك .. جوه السحر
يا حبيبي .. يا قنديل ضياء
للمؤمنين .. إنت القمر
يا ختام لكل الأنبيا

ألقاك فى نين العين هلال
سهران .. بيضوي فى الفضاء
الله علي حب الحلال
يا طه .. يا شمس الهدى

علمتني .. إزاي أكون
وإزاي أصون .. عهد الإيمان
إنت اللى ساكن فى العيون
وانت اللى ساجد .. فى المكان

يا مصطفى .. وانت النجاه
من كل أخطار الحياه
وانت شفيع المسلمين
وانت هديه .. م الإله

يا مصطفى .. وانت الشفا
يا حبيبي للقلب الحزين
لما نثوه .. يا مصطفى
تقري القلوب .. سورة ياسين

وتفوت سنه .. بعد السنه
يا مصطفى .. وانت الرسول
نورك هناك .. خورك هنا
يا أذان علي جبل الأصول

يا مصطفى .. لما الأذان
هز القلوب المسلمه
الآيه .. سكنت في الكيان
والشمس .. بانث في السما

ياهادي .. فات كل اللي فات
وانت في قلب الناس ضيا
الله علي ضي الآيات
يا إمام جميع الأنبيا

إنت العزيز .. علي قلبنا
يا طه .. وانت حبنا
نسمع حديثك يا رسول
مع كل دقه ف قلبنا

كل القلوب .. صبح ومسا
بتنادي ليك .. يا مصطفى
يا نبع نور .. يا مدرسه
يا رمز خالد للوفا

طهرتنا .. من كل شئ
سهرتنا .. ويا الآيات
أصبحت للدنيا صديق
يا أصل كل المعجزات

نيجي إليك .. علشان ننول
كل الأمانى الممكنه
حافضه حديثك يا رسول
كل القلوب المؤمنه

لما ظهرت .. عشان تقول
للدنيا .. إن الله "أحد"
بان في السما .. قمر القبول
وصبحت لاجل الناس سند

يا طه .. لما الرب قال :

"اقرأ" .. بقيت لنا آمال

عرفتنا .. إن الطريق

فيه الحلال .. فيه الضلال

يا اللي شعاعك .. زاد .. وفاض

يا فجر .. ببصحي العباد

يا طه .. يا مسك الختام

يا هديه من رب العباد

شرفتنا .. بجبال حلال

عرفتنا .. فين الطريق

أنصفتنا .. بأدان بلال

يا حبيبي .. يا أعظم صديق

يا طه .. جيت للعالمين

علشان تعرفنا الأصول

جيت بالآيات .. قولنا أمين

خدنا حديثك يا رسول

الله علي نهر الشعاع

لما يقول للناس : نعم

في نهرنا .. إنت الشراع

يا طه .. وانت شطوط نعم

إشفع بقلبك للجميع

ما تخنيش .. أبدا أضيع

ما اقدرش يا أعظم رسول

لنجوم كتاب الله أبيع

إنت الأصول .. وانت الضمير

وانت الشفيع .. عند المجير

وانت الضيّا .. مالهوش حدود

يا طه .. للقلب الكسير

إحمينا من شر الرياح

بحديث .. معاه أعظم كتاب

إوعد نفوسنا بالسماح

وافتح عشان التوبه باب

يا طه .. يا سر الإله

يا كنز علام الغيوب

يا ضيّ قنديل الحياه

يا دقه طاهره .. في القلوب

الله عليك .. نهر الإيمان

وحنان .. بيسري في كل روح

ساكن يا طه .. في الكيان

وانطق في إسمك .. لو أبوح

وفردنا .. سجادة صلا
وانت إمامنا فى الزحام
صلينا جنبك .. فى الخلا
سلمنا .. رديت السلام

إرتحنا من بعد التعب
ساعة دخولنا لحضرتك
طه .. يا أستاذ الأدب
أنا قلبي ماشي سكتك

أوقات ضلام الكون يكون
مالي القلوب .. يا مصطفى
نلقاك ندا .. جوه السكون
نلقي تعبنا .. إختفى

الله .. ولا لينا سواه
فى قلب مشوار الحياه
هو الدليل .. لو قلب ضاع
فى ليل طويل .. أو حتي تاه

يا هادي .. جينا فى الميعاد
علشان نصلي بشوق عليك
إحنا تعبنا .. فى البعاد
والقلب كان مشتاق إليك

يدخل إيمان الله .. فى الروح
ونروح علي القرآن .. نقرأ
يا قلب كان .. دايمًا مجروح
الله عليك .. جوه الحضره

يا هادي .. يا شمس الأمه
صلي عليك الله دايمًا
زارع فى قلب الروح همه
يا واخدنا للسكه الأحسن

يا اللى القلوب .. بتصلي عليك
وهاديننا دايمًا بالأحاديث
الشوك صبح .. أزهار فى إيديك
ولعنت كل اصحاب إبليس

يا طه .. كان الليل فارد
جناحه ع الكون النائم
القلب .. كان قبلك شارد
وهديته .. للرب الدائم

أحمد .. ومين يقدر غيرك
يصحي فى القلب الغفلان
الله بعت .. للناس خيرك
خلي اللى تاب .. يصبح إنسان

يا طه .. يا أغلي رسول
يا ضيّ طاهر فى المكان
خلّيت جميع الناس تقول
قرآن .. بيهدي فى الكيان

إرتحنا بالقرآن معاك
وقرينا فى سورة ياسين
صلينا بين شلال ضياك
ليلة وصولنا يا أمين

لما وصلت إليك .. لقيت
راحتي يا طه ف أغلي بيت
صليت عليك .. جوه الزحام
بالروح يا أغلي حبيب .. ناديت

رديت عليّ .. بصوت جميل
الله عليّ .. همّس السما
إنت الأصيل .. وانت الدليل
فى كل ليله مضلمه

إودعني دايمًا بالوصول
ويا القلوب المؤمنه
خليني بالقرآن أنول
نظره يا طه حنينه

يا حبيبي .. لو أناديك
بيفتح النوار
واما أصلي عليك
الليل يكون أنوار

جوه الضلام والخوف
صبح الحديث مصباح
خلي قلوبنا تشوف
والروح معاه ترتاح

إنت حديث الروح
والجنه للموعود
نورك .. دوا المجروح
إمتي يا طه نعود

قلبي إليك ملهوف
روحي يا طه معاك
بالحب .. والمعروف
الكون سجد وياك

طه .. ضيّاً .. لعيون
كانت فى ليل بيطول
إنسان كريم .. وحنون
الله عليك يا رسول

روحي .. فى عز الليل
صَلَّتْ يا طه عليك
صبح الحديث قنديل
باعْت سلامه إليك
**

يا أغلى شئ فى الكون
يا أحمد المختار
يا عيون لكل عيون
يا راحه .. للزوار
**

يا خلاصة الأديان
يا ضيٍّ لاجل العين
بحديث .. معاه قرآن
شرفتنا يا أمين
**

الله عليك .. مصابيح
إلهيه .. فى الظلمات
"بلسم" .. لكل جريح
بالحب .. والآيات
**

يا ساكن الوجدان
إشفع لنا .. يا حبيب
جوه الكيان حرمان
نفسى أتوب .. يا طبيب

نسجد لرب رءوف
ونعيش مع القرآن
ننسى ليالي الخوف
والهم .. والأحزان
**

حبك يارب الكون
ودانا ألف طريق
إنت لروحنا العون
إحمينا شر الضيق
**

ننده عليك يا بشير
الفجر يبجي قوام
يوصل معاه الخير
الله علي الإسلام
**

الله عليك يا رسول
شايِل هموم الناس
الضيّ .. يبقي سيول
مع سورة الإخلاص
**

يا حبيبي .. لو مهموم
أبكي .. واصلني عليك
من عز نومي .. أقوم
يا طه .. لاجل اناديك

إشفعلي .. فى يوم الحساب
واسقيني .. نورك يا رسول
إفتح عشان أرواحنا باب
يا طه .. يا أصل الأصول

إسندنا .. لو زاد الزحام
وانده علينا .. لو نتوه
خلينا ننعيم بالسلام
يا نور .. علي كل الوجوه

الله عليك .. يا مصطفى
يا نجوم علي جبل الضيا
يا شعاع فى مصباح الشفا
نظره يا سيد الأنبيا

أحمد وجيت .. فى القلب شوق
نزلت دموعي .. ع الخدود
أنا شفت نورك .. فى الموضوع
ولمست توبك .. فى السجود

إنت .. فى كل مكان .. إمام
وحديث .. عشان كل البشر
لو زاد علي روحنا الضلام
تصبح فى قلب الليل قمر

آه يا حبيب الله
يا مصطفى المختار
للقلب .. إنت الجاه
يا أعلي أعلي منار

جوه الآيات أرتاح
واسجد فى كل مكان
لو جوه روي جراح
تتداوي بالقرآن

وناديت عليك يا رسول
نفسى يا طه أتوب
لا خُفت م المجهول
ولا كنت يوم مغلوب

يارب .. خلي الروح
تفضل معاه علي طول
إشفينى .. لو مجروح
خلينى أقدر أقول

يا بدر .. جوه الليل
يا "وحي" من رحمن
صبح الحديث قناديل
وقدرنا .. ع الحرمان

خلينا دائما .. فى حماك
واسترنا يارب الوجود
نتوضي من أنهار سنك
تنزل دموعنا .. فى السجود

يارب .. ويجينا الضياء
يرسم لنا .. نور الحياه
ويا ختام الأنبياء
نقري آياتك يا إله

قدرنا نقدر ع الدروب
ونكون نجوم .. جوه السما
بالآيه .. نغسل فى القلوب
تسترنا يارب الحما

يارب .. يا سَد اللى داب
فى حب سيدنا المصطفى
إفتح لعاشق طه باب
مكتوب عليه : "باب الصفا"

خلينا فى القرآن ندوب
نسجد فى نورك .. يا كريم
فى نهاية المشوار .. نتوب
ونعود إليك .. زي النسيم

يا خالق النفس الطاهره
ومزوق الدنيا بنورك
إحمي عبادك بالفدره
إوهني شئ من أسرارك

نشبع من النور الصافى
لما نشوف طه معانا
قلب الوجود .. يصبح دافى
والرب يصبح ويانا

خليني جنبك يا حبيبي
أقري الآيات .. بره وجوه
إفتح عشان الخير بابي
إديني من فضلك قوه

يارب جيت .. علشان يرتاح ..
قلبي .. ويهدي فى أنوارك
يارب كل الدنيا .. سماح
إفتحلي من تاني ديارك

يا خالق الدنيا الطاهره
إرزقني بالمكتوب دائما
باحلم يارب الناس .. بكره
يبقي عشان الروح أحسن

إحنا اللي كنا سراب
جوه طريق مهجور
أصبحنا أعلي سحاب
وزهور .. ونسمه .. ونور

إرتحنا بالأحاديث
وفرحنا بالإسلام
طه معانا جليس
زارع فى روحنا سلام

صلينا ليك يا غفور
ورجعنا للمختار
خلينا تاني نزور
طه .. مع الزوار

يارب .. كان الخوف
جوه الصدور .. والروح
طه .. وصل يا رءوف
يعطف علي المجروح

لما قصدنا حماك
ظهر القمر فى الليل
كل القلوب وياك
صبحت شعاع قنديل

لما فى لحظه احتاج
يارب .. يا ستار
يصبح رسولك تاج
فى دنية الأنوار

إسقينى ماء زمزم
واروينى من نورك
ويا الرسول أنعم
وانزل محيط خيرك

لو خدنا ميت مشوار
وقاسينا م الأيام
نتحدي فى التيار
ونصاحب الإسلام

يارب انا عبدك
ولا لي غير بيتك
قلبي .. سجد عندك
وارتاح فى آياتك

إبعد شيطان الليل
عن روحي .. يا ستار
طه حبيبي .. دليل
يسندني فى المشوار

وصحينا .. نص الليل
فى الفجر .. جانا بلال
صبح الضلام .. قناديل
واتبدلت أحوال

الله عليك إنسان
ورسول لكل زمان
يا مصطفى .. ألقاك
واصل لكل مكان

يا طه .. قلبي ناداك
يا أصل كل جديد
جوه الحياه نلقاك
عمرک ما كنت بعيد

قلبي يصلي عليك
ويا قلوب الناس
لان الحجر فى إيديك
يا جنة الإخلاص

يا رساله من رحمن
قادر .. كريم .. موجود
يا منبع الإيمان
يا أصل أصل الجود

يا طه .. وانت حبي
وكل دق قلبي
لو اصلي عليك فى لحظه
ألقاك سجدت جنبي

لو طال بينا الطريق
أو طالت الدروب
قمرك بيكون رفیق
يا ساكن القلوب

ونيجي الساحة ليك
نبكي جوه المقام
نلمح نظرة عنيك
يا حبيبي فى الزحام

الله عليك رسول
بتنادي ع اللى غابوا
النور .. يصبح سيول
والخير .. يفتح فى بابہ

يا ساكن المدينه
وصاحب "البراق"
جوه نظرة عنينا
دموع الإشتياق

نيجي إليك ساجدين

نورك فى كل مكان

طايرين .. ومش داريين

و "الجو" .. كله أدان

يا جاهي .. نفسي ارضيك

إقبلني .. لما هاعود

كل اتجاهي .. إليك

إرضيني .. بالموعود

نفسى أقابلك يوم

جوه الكيان .. قرآن

قلبي الحزين .. محروم

إحميه .. من الأحزان

يارب .. وانت مجير

من كل شئ مكتوب

إحمينا م المقادير

خلي قلوبنا تتوب

نيجي إليك .. طالبين

عفوك يارب الكون

إشفع لنا .. بأمين

قلبه علينا حنون

فى الضلمه اشوف ضيِّك

وانده عليك بحنان

مين فى الوجود زيِّك

يا باعث القرآن

نرجع إليك تايبين

فوق الخدود دمعات

للهادي .. مش ناسيين

إوعدنا بالحسنات

يا خالق الأكوان

يارب .. يا موجود

شبعنا بالقرآن

خلي حياتنا سجدود

يارب .. أنهه ليك

إقبل دُعا المظلوم

جوه الزحام .. أناديك

يا نور عظيم .. بيدوم

فى زحمة الزُوار

ألمح بحور نورك

والصادق المختار

جايب لنا خيرك

يارب جيت .. تايب
دمعي .. فى كل مكان
قلبي الحزين .. دايب
فى سكة الغفران

إقبلني .. يا معبود
لو جيت بروحي إليك
غيثني .. يارب الجود
خليني أوصل ليك

نفسى يارب الكون
جوه المقام أرتاح
للكل .. إنت العون
أرجوك .. يارب .. سماح

يارب .. جيت بدموع
علشان أكون فى حماك
قلبي سجد فى خشوع
لما سيمع فى نذاك

يا خالق الأكوان
ساجدين عشان نرضيك
الآيه فى الوجدان
وندانا كله عليك
لما ناداني الهم .. جيت

ولجأت يا رحمن إليك
نورك صبح .. علشاني بيت
سجدت دموعي .. بين إيديك

يا اللى معاك .. سر الحياه
أنا سري كله .. فى الصلاه
عرفني فين .. هو الخلاص
وارحم جريح .. فى الدنيا تاه

سلمت نفسي .. بدون كلام
للهادي .. مصباح الونام
وسجدت فوق .. جسر الحياه
وعلى الرسول .. أهديت سلام

أنا جيت إليك .. يا نور مبین
أطلب حمايتك .. يا معين
فى مكه .. شفت الكعبه نور
صليت بقلبي .. ع الأمين

يارب .. كان ليلى ضباب
والفجر جاني .. فى الميعاد
قلبي سجد .. ويا الصحاب
شاف الميلاد .. قبل الميلاد

يا ساكن جوه قلبي
وعالم بالظروف
طه .. بيصلي جنبي
فى الفجر .. يا رءوف

لو أقري حروف كتابك
الليل يكون نجوم
لو يوم لمست بابك
أرتاح من الهموم

لما جينا المدينه
إرتاح القلب بيك
فِرحت قلوب حزينه
لما صلت عليك

يا ساكن جوه روعي
إنت رب الوجود
تشفى دايماً جروحي
بدموعي فى السجود

صليت علي محمد
وجيت أطلب حماك
فى الروضه الطاهره أسجد
فوق سجاده ضياك

ساجد علي .. أرض الدفا
يارب .. يا أعظم نعم
لما ناداني المصطفى
القلب قال .. مليون نعم

جاني الشفا .. بعد الجراح
يارب .. يا حامي الوجود
يا اللى وهبت الروح سماح
وشاهدنا نورك .. فى السجود

ويايا آيات الخلود
الله علي أعظم سهر
فى حروفها نور .. مالهوش حدود
والحرف ميت مليون قمر

ساجد علي .. أرض الأمين
باصص علي .. نور المقام
القلب فاض .. بيه الحنين
باعث لظه .. نجوم سلام

الله عليك .. إنسان عطوف
بتنادي دايماً للصحاب
يا رساله .. من عند الرءوف
يا كتاب .. مفى ش بعده كتاب

إنّ نجوم مهده
ورسول بيهدي الكون
يا نجمه للى تاه
وحمايه للى يصون

إنّ قمر للناس
وكتاب عظيم مفتوح
يا رمز للإخلاص
طه .. يا روح الروح

أنا كنت ليه غايب
يا طه .. عن ربي
راجع .. وأنا تايب
وانت الصديق جنبى

إنّ رسول مبعوث
من عند رب معين
فوق الصنم بتدوس
الله عليك يا أمين

أنا جيت .. وكّلي إيمان
لمدينة الأنوار
شفتك فى كل مكان
ساجد مع الزوار

إشفع لنا .. إنت الأمين
وانت ختام المرسلين
يا طه .. يا أعظم رسول
يا إمام .. لكل المتقين

يا حقيقه .. فوق كل احتمال
يا حلال .. بيطفى فى الضلال
صلي إله الكون عليك
فى لحظه .. كل الهم زال

يا قمر .. من الرب الرعوف
يا طه .. يا أشرف إمام
إزاي هاحس معاك بخوف
وانت فى قلب الروح سلام

يا طه .. كان الليل طويل
والكون صنم .. جنبه صنم
صبح الكتاب .. لينا دليل
وهمسنا لرسالتك .. نعم

يا "وحي" من قلب السما
ورسول .. مفيش بعده رسول
الدنيا .. كانت مظلمه
صبح الضيّا .. زي السيول

جيتك .. يا نور الله
ولقيتني .. فوق الفوق
من قلبي .. زالت "آه"
ونزلت .. نهر الشوق
**

يا حبيبي .. كونلي شفيح
واحميني .. م الإعصار
إندهني .. لما أضيع
يا طه .. فى التيار
**

يا هاديني .. بالقرآن
وشافيني .. بالأحاديث
خليني اكون إنسان
بالحب .. والأحاسيس
**

الله عليك .. يا رسول
جايب لروحنا كتاب
فى الأرض .. عرض .. وطول
بتنادي ع الأصحاب
**

فى كل بيت .. نلتاك
زي الضيّا .. موجود
نسبح فى بحر ضياك
ونسبح المعبود

يا مهجتي .. إسمك غالى
زى القمر .. فى السما على
يا طه .. لسه ضياك موجود
ينادينى .. لو هايميل حالى
**

يا ماشى بالقرآن دايم
يا مصطفى فوق السكه
بتاخذنا دايم للأحسن
يا نور .. مازال فى دروب مكه
**

انا جيت إليك .. علشان الله
يرحمنى .. وامشى بقلبي معاه
يا شفيعى .. لما لأصلى هاعود
يا حديث .. فى قلب القلب ضياه
**

يا طه .. كان الليل مفرد
على كل خلق الله يا رسول
نطق اللسان .. ربنا موجود
الخير صبح .. ع الأرض سيول
**

إنت الأمان .. علشان الناس
وانت الإيمان .. بره .. وجوه
وانت القمر .. مليون إحساس
وانت الحنان .. مليون قوه

يا فرحة الأيام
يا طه .. بالاسلام
صبحت حياتنا أمان
وحنان .. ونور .. وسلام

يا شلالات النور
يا ساقى أرض البور
بحديث .. معاه قرآن
من عند رب غفور

الآيه جوه الروح
بتصبر المجروح
نسمع فى عز الليل
تسابيح حمام الروح

يا طه .. جيت .. ومعاك
نهر الرجوع لله
لسه القلوب وياك
بتنادى ع اللى تاه

يا مصطفى المبعوث
من عند رب رءوف
نورك بيهدي نفوس
بالحب .. والمعروف

لما عذاب الليل ضناك
وجهت قلبك للاله
آيه .. هدايه .. ونور معاك
يا بدر بان .. لاجل الحياه

ناديت علينا كلنا
لبينا يا طه النداء
كل القلوب المؤمنه
صبحت زهور فى طريق هدي

يا نسمة .. للكون الجريح
يا طه .. يا ضي السما
إنت طريق .. للناس مريح
وقمر .. فى ليله مضلمه

الله عليك .. إنسان بسيط
زي النسيم .. فى طلعتك
موجود يا طه .. ف كل بيت
فى كل حته .. دعوتك

يا مصطفى .. والكون عرف
إنك ختام الأنبياء
نهر الأصول .. بحر الشرف
جبل القيم .. والكبرياء

بنردد القرآن معاك
يا طه يا قمر الصفا
أنقذت روحنا م الهلاك
بكتاب شريف .. يا مصطفى

جيت يا حبيب الله عشان
تبني عشان الناس ديار
قرآن .. دخل جوه الكيان
أصبح علي السكه عمار

يا خَيْرَ خلق الله .. يا روح
طاهره .. يا مُرشد للعباد
الآيه .. تشفى فى الجروح
والسجده .. تتحول ميلاد

يا مصطفى العدنن .. لقيت
الخير .. فى قربك .. يا حبيب
صليت عليك .. لله ناديت
قمر الوصول .. أصبح قريب

حبك فى روعي .. يا رسول
يا رمز خالد .. للإيمان
الكون .. بيحلم بالقبول
والجنه .. يا نهر الحنان

لما لقيتك قدامي
إرتحت من تعب العالم
صبح الحديث .. هو كلامي
وصبحت فى الدنيا مسالم

صليت عليك .. من روح صافى
يا طه .. يا ضيّ قلوبنا
صبحت خطاوي الليل دافيه
ويا آيات الله دوبنا

جينا المدينه .. يا شمس الكون
وفرحت جدا بلقانا
الآيه صبحت .. لنا العون
ونجوم هدايتك ويانا

يا اللى عليك الكون ملهوف
إشفعلي .. يا اللى معاك روعي
خليني لو فى الضلمه .. أشوف
واحلم بقربك .. وانا صاحي

يا حبيبي .. مش ممكن أنسي
آيه .. وحديث .. فى الروح ساكنين
كل العيون .. ع النور بصره
جوه مدينة الخير .. يا أمين

الجزء الثاني

نسايب الروح

ننادى حبيب الله
أنا ابن عبد الله
الشمس للمحتاج
والبدر للى تاه

الله عليك إنسان
صافى الضمير .. محروس
بتقابل الغلطان
بالرحمة .. يا مبعوث

دار الزمان ع الكون
وانت مازلت إيمان
الله همسلك : كون
لحماية الإسلام

يا بو ابراهيم .. صليت
فوق الحصا .. والنار
لاجل الفقير .. هليت
علشان تكون الجار

همى .. نسيته معاك
نزلت دموع العين
جوه المقام .. ويك
قلبي سجد .. يا أمين

نزل الضياء أطار
بالوحي .. يا مختار
الأرض قادت نور
والليل صبح أزهار

أسأل عليك يا حبيب
لولىله زاد همى
إنت " حنان " يا طبيب
بيفوق حنان أمى

داب الفؤاد فى ضياك
صبحت حياته ربيع
لما انوعد بلقاك
إرتاح معاك يا شفيع

يا جاهى .. بين الناس
بنباهى .. بيك الكون
يا منجم الإحساس
الطاعة .. كن .. فيكون

هرب الكلام م الروح
ساعة دخولى إليك
يا بلسم المجروح
لو صلى لحظه عليك

نورك دخل قلبى
نورك .. دا نور الله
طيفك .. سجد جنبى
يا رحمه .. للى تاه

ألقاك فى كل مكان
إنسان .. كريم .. وحنون
لوبان .. طوفان .. أحزان
بتكون .. فى عون .. الكون

دوبت روحى معاك
فى الدعوه .. يا مختار
سجد الوجود وياك
للواحد القهار

يا طه كان الليل
أصنام .. ويأس رهيب
لا كان معانا دليل
ولا كان لروحنا طبيب

هليت .. بقيت مكتوب
بالنور فى كل زمان
والجنه يا محبوب
موجوده فى القرآن

نامت يمامة ضوء
ع القلبه .. قلت الله
آه يا حمام الشوق
أنا قلبى داب فى ضياه

أحمد .. يا روح الروح
لان الحجر فى إيدىك
حتى حمام الدوح
فى الكعبه .. صلى عليك

دقيت بيبان الليل
فجأه .. شعاعك بان
مبعوث لروحنا دليل
يا شفاعه .. للإنسان

يا "أخ" للمحتاج
مشتاق يا تاج إحساس
إنت صبحت علاج
يشفى جميع الناس

همى يضيع لما
أمشى على سكتك
الله على اللمه
جوه مقام حضرتك

نازل لنهرك يا نبي
أتوضى من أظهر مطر
التوبه .. هى مطلبى
إشفعلى .. لوحان السفر

أهمس إليك يا مصطفى
إنت حبيب قلبى الوحيد
صليت عليك .. جرحى إختفى
وشاهدت نورك .. من بعيد

دايب .. وجايب ليك ورود
يزرعها قلبى ع المقام
الله على طول السجود
فى مسجد الله الحرام

يا طه مين غيرك ينول
لينا الشفاعه م الإله
قربنى منك يا رسول
لو قلبى جوه الضلمه تاه

هاسمع حديثك ليل نهار
واحفض آيات الله معاك
إنت بنيت لينا ديار
يا مصطفى .. من نور ضياك

نايم وقايم ع الحديث
يا نور ختام الأنبياء
لوفيه تعب .. إنت الجليس
وانت المطر .. نازل ضياء

أسأل عليك كل الكتب
يقولولى سيد الأنبياء
من ربنا .. أخذ الأدب
والمعجزات .. والكبرياء

دفيت عيونى المغرمه
بحروف حديثك والآيات
بصيت بروحى ع السما
شفتك رسول المعجزات

يا هادى .. إيدى ع الكتاب
وعنيّه دمعه ع الحروف
لما انتصرت على الدياب
قال الإله عنك رؤوف

هارجع اقلك يا نبي
إشفعلى يا عطر الحياه
إن ليله غرقت مركبى
إبعث لقلبى طوق نجاه

نورك نادانى وجيت
جوه المقام صليت
فى الساحة قلبى ناداك
وبنيت فى بيتك بيت

أرضى بحُكم الله
واصبر على المكتوب
القلب .. يلقى مناه
لما يا هادى يتوب

دوبنى جوه سطور
دافيه فى قلب كتاب
خلينى عبد شكور
بيدق أظهر باب

يا طه لمانا ديت
فى مدينة الأنوار
وسط النجوم هليت
علشانى يا مختار

هارضى .. واكون إنسان
بينادى ليك على طول
يا حامل القرآن ..
لينا .. يا أحلى رسول

ندمى .. يا طه خشوع
إشفعلى بالقرآن
الحب .. يعنى خضوع
يعنى .. دموع إنسان

الله ناداك .. لببيت
لما إصطفاك م الكون
يا أصل أهل البيت
يا قلب دافى .. حنون

دابيت قلوب و قلوب
فى هواك يا نور على نور
دا العبد لما يتوب
يصبح مطيع .. وشكور

يا دايس الأصنام
ومصحى قلب الناس
الله على الإسلام
يا سورة الإخلاص

هارضى بنار النار
ولا هارضى شئ يأذك
يا حبيبى .. يا مختار
القلب صلى عليك

نامت عيون الليل
وعيونى لم بتنام
يا مصطفى .. يا دليل
يا كعبة الإسلام

أسفى على اللى فات
قد الجبال يا رسول
لو أقرى فى الآيات
تنزل دموعى سيول

دافى يانور الله
يا عبد قلبه مطيع
نور الإله .. فى علاه
جوه عنيك يا شفيع

يا جى بالقرآن
شايل هموم الناس
لا قبلت يوم بهتان
ولا كنت غير إخلاص

هاشرب من الأحاديث
يا اللى قدومك ضوء
إنت ياطه جليس
للروح فى دنيا الشوق

نهر الصفا .. يا مصطفى
فات ع الجهات الأربعه
تحت السحابه .. نجوم وفا
بانت لنا .. مترصعه

أسبق خطايا ع المقام
ألقي الزحام .. بيشدنى
أرسم على القبه سلام
لله ياطه .. أنحنى

داب قلبى .. جوه حضرتك
وذكرت إسمك يا رسول
ياما قاسيت فى رحلتك
وكسبت خصمك بالأصول

يا طه دق القلب ليك
صلى عليك جوه المسا
لما اللى خان .. إحتاج إليك
أهديته كلمه مخلصه

هارجع أقول .. عنك واعيد
والمستفيد .. هو أنا
من بعد ربك .. إنت سيد
لاجل النفوس المؤمنه

ندمى على العمر اللي فات
خلانى تايه فى الدروب
يا طه جيت .. وياك آيات
علشان تخلي الروح تتوب

إسمك " محمد " يا حبيب
الله على الإسم الجميل
جرح القلوب .. محتاج طبيب
ومفيش لنورك .. نور بديل

دمعة عيونى ع الخدود
بتنادى ليك يا مصطفى
أيوه لمحتك فى السجود
ساجد على أرض الوفا

يا طه كل الكون ينام
وانا صاحى أقرى فى الكتاب
يهدى الجميع .. ليك السلام
من بعد ما طال الغياب

هرم المعاصى لما زاد
زورتك يا طه فى الميعاد
إتوضى قلبى بالدموع
وبدأ معاك .. أول ميلاد

نجده .. يا سجده ع البساط
أنا قلبى هايم فى النبى
إنتى شراعى .. يا آيات
والهادى .. رُبّان مركبى

ألقاك يا طه فى العروق
ألقاك فى وجدان الجميع
جوه الضلام .. إنت الشرق
وانت اللي كان .. لله مطيع

ذهب الحروف .. إنت الذهب
والغالى بين كل البشر
من ربنا .. خُدت الأدب
والدين بنورك .. إنت شر

يا صاحب الإسراء لقيت
الراحه .. جوه محبتك
إبنيلى عند الكعبه بيت
إزرعنى نور فى سكتك

هى الدروب .. نفس الدروب
بس إنت سابق كل شئ
يا اللي انت ساكن فى القلوب
وعشان جميع الناس صديق

ننادى المنادى بالأذان
قامت قلوبنا المتعبه
لما شعاع الفجر بان
وقفت يمامه ع الربا

اننت يا طه فى الحياه
الأم .. والأب الحنون
جيت م الإله .. ليننا نجاه
علشان تكون .. ضى العيون

دفينى يا أعظم شفيع
بالآيه .. والكلمه الحلال
لما الفؤاد .. فى الليل يضيع
خليه مطيع .. لأدان بلال

يا اللى انت فى الوجدان صلا
صلىنا بقلوبنا عليك
لمست إيديك .. ليل الخلا
طلع القمر .. من نور عنيك

هل الهلال .. لما ظهر
نورك يا طه فى الفضاء
ويا الآيات .. يحلى السهر
تتوضى ورده .. بالندى

نام السحاب .. على مدنتك
فى الروضه .. كان موجود زحام
صلى الجميع .. على حضرتك
يا طه .. يا مسك الختام

إسمك كتبتة ع الفضاضا
وزرعت وردك فى الكيان
فى الشده .. قلبى يقول رضا
ولا عمرى أندم ع اللى كان

دمعى ظهر .. فوق المقام
وسهرت ويا المغرمين
أحمد .. يا أكبرم الكلام
اننت الختام .. واننت الأمين

يا طه يا بدر البدر
يا حامى روحنا م الأذى
الشوك صباح .. فى ايديك زهور
صبحت حياتنا مُعززه

هلليت على الكون الفسيح
حبيت وجودنا ف حضرتك
لو يوم تشوف إنسان جريح
تداويه يا طه ببسمتك

نحميك يا طه م الضباب
من كل كلمه مؤلمه
انت فتحت لروحنا باب
وصلنا لنجوم السما

أستنى فى قدومك ضيّا
وأتهنى دايمًا فى المقام
قلبي يا سيد الأنبيّا
راسم هلاك ع الضلام

دوبنى أكثر من كده
يا كتاب مفيش بعده كتاب
خلينى أكتب ع الفضّا
طه شفيعى فى الحساب

يا ضىّ قنديل الدخول ..
لله .. فى حالة إنكسار
أنا جيت .. دموعى يا رسول
صبحت عشان الناس منار

هارضى يا طه بالنصيب
واذكر إله الكون واتوب
قبلك أنا .. كنت الغريب
وبقيت حبيب .. كل القلوب

نار الهموم .. كانت جبال
بيك يا حبيب .. الهم زال
علمتنا .. إن الحياه
هى السجود .. والإبتهاال

إسمك فى قلبى ليل نهار
وضياك بيسند خطوتى
الآيه .. ميت مليون منار
يا حب بان .. فى نظرتى

دايم وجودك فى الحياه
يا نسمة ساجده ع الشطوط
علمتنا .. إن الإله
هو الذى يملك فى البيوت

يممت وجهى للمقام
صليت عليك بدموع صفا
شفتك أمام الناس إمام
وسلام جميل .. يا مصطفى

هلّيت يا بدر على الجبال
هز الحجر نور الكتاب
دوست الضلال .. بالإبتهاال
وفتحت لنا ألف باب

نورك فى كل مكان شجر
أخضر .. مضلل ع اللى تاه
لما رآك .. لان الحجر
يا طه .. وابتدت الحياه

أنا مين أنا .. جنبك يا نور
من عند رب العالمين
مين اللى خلى الشوك زهور
مين خاف علينا يا أمين

دار الخلود .. هى السجود
يا مصطفى .. هى الهدف
يا أغلى حاجه فى الوجود
يا ضى .. عمره ما يتوصف

يا سيسبان .. ضلل على ..
كل اللى ساجد ع الدروب
رددنا إسمك فى الصلا
مع إسم علام الغيوب

هدينى لوزادت رباح
بالآيه طاهره .. والحديث
خلينى دايم بالسماح
أصبح بنور الله جليس

نورك .. وصل كل الجهات
الله عليك .. هادى البشر
جايب لكل الكون آيات
تحميه يا هادى م الخطر

أسمع أدان الله بشوق
ألقى شموع الخير تقيد
فى الروضه .. أندهلك .. أفوق
أصبح معاك .. إنسان جديد

دفينى باللقمه الحلال
بكتاب آياته معرفه
أقدر أجاب ع السؤال
يوم الحساب .. يا مصطفى

يا كلمه طاهره من رءوف
علشان وجودنا .. أرسلك
خليت عيون الكون تشوف
يا بدر نور .. ما أكملك

هاستنى يا طه الرجوع
فى كل لحظه .. عشان أعود
هارسم ملامحك بالدموع
يا رمز خالد .. للخلود

نادى وجودك فى الحياه
قادر تخلقى الكل فوق
يا كلمه من عند الإله
يا "وحى" خلقى الكون يفوق

أسمع آيات الله معاك
ألقانى ساجد فى السما
تتوضى روحى من سنائك
ويا النفوس المسلمه

دافى أذان الله .. أتيت
علشان تكون "مرشد" لنا
أنا جيت .. لأعظم بيت .. لقيت
أرضك ياطه حنينه

يا حبيبى .. مين يقدر فى يوم
ينسى كلامك مهما كان
الجو كان مليان غيوم
ضاعت غيومه بالأدان

هارب بروحى من ضلام ..
خدنى معاه من غير سبب
لما بكيته جوه المقام
ارتحت يا شمس الأدب

نادى المنادى .. قوم بقى
إسجد على أرض الرسول
الله على قمر اللقا
الله على نهر الأصول

أسعى ما بين "مروه" و "صفا"
واتوضى من زمزم معاك
ضى العيون يا مصطفى
مين اللى شال همى سواك

دوبتنى .. الله عليك
يا اللى معاك سجد الشجر
الشوك ياطه بين إيديك
أصبح زهور .. أصبح قمر

يا أخلقى خلق الله هنا
يا أغلى خلق الله هناك
كل القلوب المؤمنه
وياها ميت مليون ملك

هادى طريقى .. والرياح
صبحت نسيم بيك يا إمام
أيوه نسيت كل الجراح
لحظة دخولى ع المقام

نار البعاد .. نادى على ..
قلبي الذى حبك يا رسول
فى الروضه .. كان نور الصلا
نازل على روحنا سيول

أحمد .. ولا غيرك قدر
يهدم فى أصنام العدم
يا هديه طاهره م القدر
يا حبيبى .. يا أحلى نغم

دوبت قلبى فى الآيات
وياك يا قنديل الشفا
فى حضرتك .. نطق السكات
طه .. يا بحر المعرفه

يا طه جيت علشان أدوب
ويا الإيمان الذى ابتدى
دقيت على كل القلوب
وملكت روحنا بالهدى

هم القلوب .. زال يا حبيب
لحظة دخولنا حضرتك
مين الذى قال .. إنى غريب
وعنيّه فيها مدنّتك

نورك يا عبد الله صبح
سكه لكل المؤمنين
حتى الذى قلبه بينجرح
فى الدنيا .. جالك يا أمين

أستنى لما ضياك يبان
بين الجموع المسلمه
ألقاك فى كل مكان إيمان
يا نور بيوصل للسما

دمعى .. كتبت الآيه بيه
وندهت للنور العفيف
عمرى ما قولت ازاي وليه
ولا كنت غير إنسان شريف

يا طه يا ضى النجوم
ساعة سجودها لربها
يا طافى من روحنا الهموم
الدنيا إنت قلبها

هاجى المدينه عشان أشوف
نورك يا أنوار الوجود
مبعوث من الرب الرعوف
علشان تعلمنا السجود

نامت عيونى ع السحاب
فلمحت اسمك يا نبي
دقيت بروحى ألف باب
والتوبه .. هى مطلبى

أنا مين .. مع الهادى الأمين
إنسان بيتهجى الحِكم
مع كل سوره .. أقول أمين
يندهلى ربى .. أقول نعم

دايس صنم .. ووراه صنم
يا جايب القرآن لنا
جوه السكوت .. كان النغم
مالى القلوب المؤمنه

يا طه والإسلام صبح
هو الأمانى للجموع
لو عبد قلبه ينجرح
بيداوى جرحه بالخشوع

هاسجد فى روضه مقدسه
ويا القلوب المخلصه
يا هادى .. ونصلى عليك
وهاذكرك صبح ومسا

نورك ندهنى من بعيد
فجريت عليك .. من غير ميعاد
يا طه .. قلبى كان شريد
وبدا معاك .. أول ميلاد

ألقى فؤادى .. فى الزحام
بينادى ع الهادى الحبيب
واما تزيد نار الآلام
أجى المقام .. علشان أطيب

دفيت حياتى بالحديث
وقريت معايا فى الكتاب
الوحى كان وياك جليس
يا بدر بان .. رغم السحاب

يا طه مش هاقدر أفوق
إلا بألف صلاه عليك
يا حب جارى فى العروق
كل الخلايق روحها فيك

هاراجع مدينتك لاجل انول
من نورك الفايض نصيب
شرفت إسمى يا رسول
لما ناديتنى .. يا حبيب

ناسى ؟ .. لا يمكن اكون نسيت
إزاي أنا هانسى الرسول
لما بنيت .. فى الروضه بيت
أيوه انكتب .. لى القبول

أنسى جميع الكائنات
ولا عمرى أنسى محبتك
أسبح بروحى فى الآيات
يا طه .. واندده حضرتك

دوبى يا روح الروح معاه
عيشى فى أنوار البشير
الله حباه .. آه واصطفاه
خله عشان الكون (نذير)

يا طه جيتك أستغيث
من ذنب دايس فرحتى
داوى آلامى بالحديث
علشان أكمل رحلتى

هارضى بحُكم الله واكون
وياك يا سيدنا المصطفى
لك يا حبيب الله هاصون
يا اللى ملئت الروح صفا

نرجع إليك يا مصطفى
فى الروضه .. نسجد ع البساط
كل القلوب متشرفه
يا (وحى) جاب أعظم آيات

أحمد .. ولا أحمد سواك
يقدر يكون للكون شفيح
الكل شارب من ضيائك
يا مصطفى .. حتى الرضيع

دمعة عنيه ع الكتاب
بتنادى ليك يا حبنا
لما الفؤاد يا طه تاب
شفناك بتسجد جنبنا

يا طه ما اقدرشى أنام
إلا على سورة ياسين
ليك يا حبيب الروح سلام
من قلب كل العالمين

هاندده عليك بين الزحام
فى الروضه هاسجد يا إمام
يا حبيبى يا مبعوث يا نور
من قلبى ليك مليون سلام

نسأل عليك .. النور يقول
إزاي بتسأل ع " البشير "
نبكى .. نصلى عليك .. ننول
الرزق من عند " المجير "

إشفعلى يا سيد الرُّسل
وافتحلى أبواب القبول
وياك .. محيط النور وصل
وارتحنا جدا يا رسول

دى هديه من عند الإله
نورك يا قنديل الدروب
إننت ياطه فى الحياه
طوق النجاه .. لاجل القلوب

يا طه نور الله معاك
الله على النور العفى
لما يبان فى الليل ضياك
كل الضلامه تختفى

هادى القلوب .. يا نور مبين
يا رسول لكل العالمين
إننت تقول .. آية الكتاب
واحنا نقول .. بعدك آمين

نام اللي نام .. قام اللي قام
والكل صلى ع الشفيح
لما دخلنا ع المقام
صبح السلام .. لون الربيع

أنده بصوت .. مليان دموع
وضياك يجاوب ع النداء
جوه السجود .. جوه الركوع
شفناك شמוש جوه الفضا

" دا قلبى .. يا سيدنا النبى "
نطقت دموعى فى السكون
قولتلها يا الله إكتبى
الله على شعر العيون

يا طه .. يا صوت الإله
صلت نجوم الليل عليك
لما حاربت جيوش عصاه
نزلت سحابه تبوس إيديك

هدينى لو قللقان بنور
خارج وداخل للمقام
عمرك ما كنت ف يوم غرور
ولا كنت غير أجمل كلام

ندهة بلال .. جابت إليك
ملايين من الدنيا البراح
صلينا ليل ونهار عليك
وهمسنا لك .. نرجوك .. سماح

آجى وجوه القلب شوق
أدخل وأنا مرجوف إليك
تاخذ قلوبنا يا طه فوق
نلقى السحاب .. صلى عليك

دايم إله الكون لنا
يا مصطفى .. يا ضى بان
يا نظره .. ظاهره حنيه
يا أدان .. عشان .. فجر الإيمان

يا طه مش قادر أبوح
إلا فى نورك يا رسول
افتح لنا باب الفتوح
خلينا فى حبك نقول

هليت علينا بحر ضوء
بينادى لنا .. ليل نهار
يا حب جارى فى العروق
يا منار لروحنا وأحلى جار

ندمى .. مازال فى القلب نار
إشفعلى يا أغلى الأنام
خلى دموع الإنكسار
تشفينى من كل الآلام

أشرب وأعطش من جديد
وأصلى ويا الناس عليك
قلبي اللي كان عايش شريد
إتهنى لما جيبته لك

دستور حياتك .. كان كتاب
راسم عشاتك فى الطريق
فاتح عشاننا يا طه باب
كاره فى دقات المسى

يا طه جينا فى الميعاد
والقلب فيه الإشتياق
والله من أول ميلاد
نورك .. مفيش بينا فراق

هارب من الدنيا السراب
راجع إليك يا جبال أدب
إشفع لنا .. يوم الحساب
واحميننا من صهد الذهب

نَادَى الْفُؤَادُ يَا رَسُولَ
رَدِيْتُ فِي لِحْظِهِ نَدَاهُ
وَالدُّنْيَا .. عَرْضُ وَطُولُ
بِتَقْوَى مَعَاكَ اللَّهُ

إِنْتَ الَّتِي عَوَّدْتَنِي
عَ الْبِرِّ وَالْإِحْسَانِ
يَا طَه .. عَلِمْتَنِي
إِنَّ الْحَيَاةَ .. قُرْآنَ

دَائِبٌ فِي حُبِّ الْخَيْرِ
يَا حَبِيبِي .. يَا مُخْتَارَ
إِزَايَ هَارُوحَ لِلْغَيْرِ
وَأَنْتَ لِرُوحِي الْجَارِ

يَا مُصْطَفَى .. قَلْبِي
إِتْمَهَنِي لِمَا رَأَى
سَجْدَ الْقَمَرِ جَنْبِي
وَنَزَلَ فِي نَهْرِ ضِيَاكَ

هَانَدَهُ لَيْلَاتِي عَلَيْكَ
وَاحْمِيكَ مِنَ الْكَافِرِينَ
قَدَمْتُ رُوحِي إِلَيْكَ
يَا رَسُولَ كَرِيم .. وَآمِينَ

نَادَى عَلَى قَلْبِي
أَجَى إِلَيْكَ يَا رَسُولَ
أَنْسَى مَعَاكَ تَعَابِي
لِلْخَيْرِ يَا طَه أَنْوَلُ

اللَّهُ بَعَثَ نَبِيَّكَ
عَلَى شَانِ هِدَايَةِ الْكُونِ
أَهْدَيْتَ لَنَا خَيْرَكَ
وَبَقَيْتَ لِرُوحِنَا الْعَوْنَ

دِينُ الْقُلُوبِ .. هُوَ ..
نَعْبُدُ إِلَهَ الْبَنَانِ
وَالْقُلُوبِ مِنْ جُودِهِ
يَصْبِحُ نَجُومَ إِحْسَانِ

يَا طَه .. صَلَاتِنَا
فِي مَدِينَةِ .. لَيْلِهَا نَهَارُ
جَيْنَا .. وَزَكَاةِنَا
الْخَيْرِ صَبَحَ أَنْهَارُ

هَارِضِي بِحُكْمِ اللَّهِ
يَا شَفَاعَةَ الْمَلْهُوفِ
إِعْطِفْ عَلَى الَّتِي تَاهَ
خَلِيَةِ يَا طَه يَشُوفُ

نأيم أنا فى حماك
يا رعايه للملهوف
لو يوم أتوب .. ألقاك
جوه الكيان يا رءوف

أنا جى ليك علشان
أسجد ما بين أياديك
تايب .. مع القرآن
دايب فى شوقى إليك

دوبتنى فى النور
شرفتنى بقبول
عرفتنى يا غفور
إن الدُعاء مقبول

يارب .. أستغفرك
وأتوب إليك دايمًا
يا حبيبى .. لو أشكرك
تبقى الحياه أحسن

هارمى حمولتى عليك
وأتوب يارب الكون
فى كل شئ الأقيك
بتقوللى كن .. فأكون

نامت عيون الليل
وانا صاحى يا رحمن
الصبر .. لى دليل
فى سكة القرآن

أصبر .. تصبرنى
توهبنى باب النور
يارب قـدرنى
أوصل إليك يا غفور

داب الفؤاد ويـاك
وصبرت ع المـكتوب
يارب .. قلبى معاك
خليه يدوب .. ويتوب

يا عالم الأسرار
صبرنى مهما يكون
إرحمنى يا غفار
فى الشده .. كون العون

هارضى يارب الكون
مهما عذابى يطول
إنـت على حـنون
للجنه .. نفسى أنـول

نورك فى كل مكان
يا عالم الأسرار
جوه الكيان قرآن
إرحمنى يا غفار

إعفينى من أخطاء
واهدينى لو هانسك
إشفينى .. لو فيه داء
خلىنى اكون فى حماك

دوبنى .. يا الله
يارقيب لكل الكون
طه .. سحرنى ضياه
أصبح عشانى .. عون

يا اللى انت جوه الروح
يا شايفنى مهما أروح
إندهنى لاجل أتوب
واعفينى لو مجروح

همى فى يوم هايزول
طول ما الرسول موجود
الخير هايبقى سيول
الله على الموعود

نورك يارب الناس
مقسوم على الصادقين
مع سورة الإخلاص
قولنا بحب أمين

الصدق نور الروح
مركب فى قلب رياح
يشفينى لو مجروح
ويجينى لاجل ارتاح

داببت آيات النور
فى القلب .. قام يناديك
صادق معاك يا غفور
ساجد ما بين أياديك

يارب جيت لحماك
طاهر فى حبنى برئ
أشرب بقلبنى ضياك
تصبح عشانى صديق

هادى أنا .. علشان
إنسان .. وصدقى تاج
علمنى بالقرآن
كلمنى لو محتاج

ننادى الرسول لى
خالك فى عرض الله
التيقوى نور فى
بتنادى ع اللى تاه

أنا مش هاضع أبداً
جوه ضلام الليل
طعم الحياه أحسن
بالتقوى و .. التراتيل

دوبى يا شمس الخير
فوق سكة الإخلاص
قلوبى .. لربى أسير
مليان بنور إحساس

يارب .. كونلى طريق
للتقوى .. ليل ونهار
طه .. لروحى صديق
من أول المشوار

هادى النفوس يا إله
إهدينا بالآيات
أحمد .. سحرنا ضياه
إوعدنا بالحسنات

ننادى أكون وياك
وئكالى كله عليك
أتوضى من نجواك
يا اللى مالكشى شريك

أنا بيبك خاصمت كثير
أسلمت وجهى إليك
إزاي هـاروح للغير
وانا قلبى دايب فىك

دافى كتاب النور
شافى قلوب وقلوب
إنت (اليقين) يا غفور
إقبلانى لما هاتوب

يارازق الإنسان
بالحب .. والغفران
يا حى .. يا قيوم
نجينا بالقرآن

هاجى إليك بيقين
بالقلب ليل ونهار
كونلى يارب معين
لقلوبنا .. كون الجار

نورك .. يوضيني
آمنت بيك يار عوف
م الضلمه عديني
نفسى لطفه أشوف

آمنت بالقرآن
يارب .. والأحاديث
طه فى كل كيان
للروح .. ونيس .. وجليس

دايب يارب الناس
مع ضى أغلى رسول
وصلنى بالإخلاص
للجنة .. لاجل أنول

يارب .. ليك صليت
وفتحت باب النور
من زمزم اتوضيت
وناديت عليك يا غفور

هاندك عليك يا إله
بيقين يرد الروح
يا (بلسم) اللى تاه
يا (رعايه) للمجروح

نور اليقين باين
فى قلبنا الملهوف
إزاي هاكمون خاين
فى سكتك يار عوف

أنا بسألك على طول
نجينى م الأخطار
يشفعلى أغلى رسول
إرحمنى .. يا غفار

داوى جريح الروح
بيقين .. يرد الروح
يصبح رسولك نور
يارب .. مهما أروح

يارب .. قلبى ناداك
طمعان تكون ويأه
لوشفته يوم ويأك
هاتحبه .. يا الله

هاصبح معاك على طول
علشان ماتعطينى
الخير هايبقى سيول
ياضى لعيونى

نأاحت طيور النـدم
فى سكة العصيين
إنده .. هاقولك نـعم
أجى إلك يا أمين

أنا جوه قلبى كتاب
جواه آيات طاهره
فاتح لنا الأبواب
الله على القدره

دارت سواقى الليل
وانا صاحى بالآيات
صبح الرسول قنديل
فى سكة الحسنات

يارب " ذكرك " نور
وانا باذكرك على طول
نفسى أعيش مستور
يشفعلى أغلى رسول

هارجع يامكه عشان
أبكى مع التايبين
أنا قبلى قرآن
خالد .. لأنه مبين

نيجى لكل مكان
ننهي عن المنكر
يا باعث القرآن
جينا عشان نشكر

أقدر أكون إنسان
أبعد عن الأخطاء
إوعدننى بالغفران
يا أعظم الأسماء

دايب مع المعروف
" من خير أمه " .. أتيت
قادر بقلبى أشوف
لرسول كريم حنيت

يارب .. نفسى أكون
قادر لدينك اصون
إيدى وصوتى سلاح
مع قلبى .. للى يخون

هنينى بالآيات
إرضينى بالأحاديث
إحمينى م الزلات
من أى قلب رخيص

نَادَى الرَّسُولُ : سَيَبْغُم
مَ الْكَدْبَ وَالْأَبْطَاطِيلَ
الْأَيُّهُ فَوْقَ بَابِكُمْ
وَحَدِيثِي لِيَكُوا .. دَلِيل

أَوْعَد .. وَلَا أَخْلَفُ
وَلَا أَخُونُ فِي يَوْمِ دِينِي
عَلَى كُلِّ شَيْءٍ أَحْلَفُ
إِنَّكَ ضَيَّاعِيْنِي

دِينِي .. طَرِيقَ مَزْرُوعٍ
بِالصَّدَقِ .. وَالْخَيْرَاتِ
جَائِلِكَ وَكُلِّ خَضُوعٍ
أَقْطِفْ مِنَ الْحَسَنَاتِ

يَا رَبِّ نَجِّ الرُّوحَ
مِنْ سَكَةِ الْخَائِنِينَ
بِالْحَقِّ .. أَقْدِرْ ابْوَاحَ
وَابْكِي مَعَ التَّائِبِينَ

هَلْ الْقَمَرُ الْكَوْنُ
أَنَا قَوْلْتُ : يَـاهُ .. اللَّهُ
إِزَايَ فِي لِحْظِهِ أَخُونُ
وَأَنَا كُلُّ أَمَلِي لِقَاهُ

نَفْسِي فِدَاكَ يَا رَسُولَ
خَالِدٍ .. خَلُودَ الْكَوْنِ
قَلْبِي صَبَحَ مَسْئُولَ
لِلنَّاسِ .. صَبَحَ فِي الْعَوْنِ

أَنَا رَاعِي لَأَيِّتَامٍ
وَلِكُلِّ أَهْلِ الْبَيْتِ
مَا شِئْتُ طَرِيقَ إِسْلَامٍ
عَمَرِي فِي يَوْمِ مَا نَسِيتُ

دَارَكَ يَا عَبْدَ اللَّهِ
مِفْتَوحَهُ لِلْمَحْتَاجِ
حَتَّى كَتَبَتْ بَابَ اللَّهِ
كَانَ فَوْقَ جَبِينِكَ تَاجٌ

يَا خَالِقَ السَّمَوَاتِ
قَدَرْنِي أَكُونُ حِمَالِ
رِيحْنِي بِالصَّلَوَاتِ
لَمَّا يَنْادِي بِسَلَالِ

هَارَعِي الْجَمِيعَ بِالرُّوحِ
وَهَاشِيلَ هُمُومِ النَّاسِ
يَا حِمَايَتِي .. فَيَنْ مَا بَارُوحِ
كَمَلْنِي بِالْإِحْسَاسِ

نورك يا أمى مـازال
بين نور الطـرقـات
قلـبى بـفضـلك نـال
الجـنـه .. والـحـسـنـات

أمى .. فى قلب الروح
جـوايـالـيل ونـهـار
تـداوـيـنى .. لـو مـجـروح
بـالـدـمـع .. تـطـفـى النـار

دا أبـويـافـى الـوجـدان
صـوتـه طـوفـان أحـاسـيس
رـبـانـى .. عـ القـرآن
هـنـانـى .. بـالأحـاديـث

يا أبـه .. ولـا بـانـسـاك
للـجـنـه .. خـدـنى مـعـاك
أنـا جـوه قـلـبى حـنـين
إمـتى هـايـجـى لـقـاك

هـمـا الحـنـان خـالـد
وطـريقـى للـجـنـه
الأم والـوالـد
خـلـونـى أتـهـنـى

نور المحبه فى الإله
واضح على كل العيون
هو الذى باقى م الحياه
هو الذى خلى الروح تصون

أحمد حبيبى بـدون شريك
بعد الإله .. أصل الخلود
يا مصطفى .. صليت عليك
نزلت دموى فى السجود

دايم يا قنديل العطاء
فى قلب كل المؤمنين
نظـره يا سـيد الأنـبيـاء
لك فى القلوب .. أهـرام حـنـين

يا حبيبى فى الله الـرـءـوف
عمرى ما هـارجـع للذنـوب
حتى الحمام .. طـاير يـطـوف
والرب عالم بـالـقـلوب

هاكتب على باب المقام
بدموى .. إن الحب نور
وابعت لروح قلبى سـلام
والروضه .. أفرشها زهور

نعم القلوب .. قلب اللى تاب
ونده لرحمة ربنا
دا المصطفى .. عمره ما غاب
فى الروضه .. ساجد جنبنا

أشهد بأن الله غفور
غافر ذنوبى كلها
حامى قلوبنا م الغرور
من أى حاجه تذلها

دمعى شهّد إن الإله
هو الأحد .. مالهوش شريك
الله على طعم الحياه
لما بنيجى ياطه لىك

يارب .. كون للمتقين
آية نجاه .. جوه الرياح
بالمصطفى الهادى الأمين
إنقذ نفوسنا م الجراح

هو الحبيب .. مالناش سواه
طالبين رضاه .. جوه الحياه
الله نجاه .. الله صلاه
والمصطفى .. فى الروح سناه

ندهة غريب الدار عليك
يارب .. باننت فى السما
وهب الحياه .. والمال إليك
لما شكر .. قلبه سما

أخفض جناحى يا إله
للمؤمنين .. الصابرين
أفضل ألقى فى الحياه
ع المصطفى الهادى الأمين

دفتر حياتى يارعوف
بالسيئات .. كان اتملا
جيتك .. قدرت معاك أشوف
الجنه .. واضحه فى الصلا

يارب .. علمنى أكــــون
زهر التواضع فى الطريق
دمع الإيمان .. جوه العيون
طه الحبيب هو الرفيق

هاتطق بصوت مليان إيمان
" العفو عند المقدره "
وان ليل دخل جوه الكيان
تصبح حياتنا ممره

نوفى بعهد الله .. نكون
الحب .. فى كل العيون
لا نفشى سرف يوم لناس
ولا فى الأساس .. نقدر نخون

أنا هاوفى عهدى .. مهما كان
إرضاء لرب العالمين
هاصبح نجوم .. جوه المكان
واصبح على الأسرار أمين

دايب ياطه .. قلبى فيك
محتاج إليك .. فى رحلتى
لما الفؤاد .. صلى عليك
ظهر القمر .. فى سكتى

يارب .. نورك فى القلوب
يا حبيبى .. يا أصل الحياه
لما نفوس الناس تتوب
الجنه تفتح يا إله

هليت ياطه بالكتاب
بحديث سحرنا يا شفيع
بيقول لنا .. إن التراب
هو النهايه للجميع

نكظم فى غيظنا .. نكون نسيم
ونحب بعض بدون حدود
يارب .. يا أكرم كريم
شفناك جميعا فى السجود

إعفى يا قلبى عن المسئ
كون الطريق .. مليان أدب
هاتلاقى كل الكون مضى
ويزول من الدنيا التعب

دربت قلبى ع السماح
يهرب من القلب (البذئ)
بحر الغرور .. مليان رياح
(حُسن الخُلق) .. أظهر طريق

يارب .. يا " سر القلوب "
ريح قلوبنا المتعبه
خلينا فى القرآن ندوب
والجنه تبقى قرىبه

هايم فى نورك يا جبال ..
من حب .. يا هرم الوفا
لما وصلنا أذان بلال
زورناك يا سيدنا المصطفى

نَاوَى أَكْوَن صَادِق
وَأَصَادِق السَّاجِدِينَ
بِحَرِّ النَّفَاقِ حَادِق
يَارَب كَوْنَلِي مَعِين

إِزَاي هَاكُون خَايِن
وَأَزَاي هَاكُون كَدَاب
نُور الرِّسُول بَايِن
بِيَدِق عِ الْأَبْـوَاب

دُوبِنِي لِأَجَل أَكُون
مُسْلِم .. شَرِيف .. وَرَقِيق
فِي خِصَامِي حَتَّى .. حَنُون
طَه لِرُوحِي صَدِيق

يَارَب .. لِمَا هَاقُول
هَآوْفِي وَآكُون إِنْسَان
فِي قَبْـوَل .. وَأَصْـوَل
شَارَب مِّنَ الْقُرْآن

هَادِي الْقُلُوب .. يَا حَبِيب
عَلِمْنِي بِالْأَحَادِيثِ
لِلدُّنْيَا .. إِنْتَ طَبِيب
بِالْحَقِّ .. وَالْأَحْسَاسِيسِ

نَارِ الْمَعَاصِي جِبَال
نُطْفِيهَا بِالْحَسَنَاتِ
الْجَنَّةِ .. كَلِمَةٍ حَلَال
وَاصِلِهِ إِلَى السَّمَوَاتِ

أَنَا بِالْكَلامِ .. لَوْنُور
بِأَوْصَل إِلَيْكَ يَا إِلَه
لَوْ قَلْبِي كَانَ مَغْرُور
خَلِينِي يَوْمَ الْقَاهِ

دَافِيَه يَا كَلِمَةَ خَيْر
صَافِيَه .. وَشَافِيَه الرُّوحِ
يَارَب .. وَأَنْتَ مُجِير
إِسْنَدْنِي .. لَوْ مُجْرُوحِ

يَارَب .. يَا رَحْمَن
خَلِي اللِّسَانَ مُحْفُوظِ
إِوْعَدْنِي بِالْغُفْرَانِ
بِالْجَنَّةِ أَقْدَرُ أَفْـوُزِ

هَانِدُهُ عَلَيْكَ عَلَى طُولِ
يَا خَالِقَ الْأَكْـوَانِ
مَآشِي فِي ضَلِّ رِسُولِ
أَحْيَانِي بِالْقُرْآنِ

نور السلام زايد
فى دنية الإسلام
نهر الإيمان فايض
علشان ما بينا سلام

أنا فوق طريق صافى
مادد إيديه بشوق
مخلص .. رقيق .. دافى
بسلامى .. طالع فوق

دايم يارب الكون
فى قلوبنا نورك بان
خلينى قلب حنون
فوق اللسان .. قرآن

يارب .. روحى فداك
ما انت السند والعون
يدخل فى روحى ضياك
يسجد معايا الكون

هاجى معايا الزاد
لكل .. لاجل ارضيك
فى القلب .. خيرك زاد
وسجدت بين أياديك

نهرك يارب الناس
بينادى ع اللى تراه
العلم .. نور إحساس
باصص عليك يا إله

الحب .. والصدقات
مليون طريق للخير
يا خالق السموات
إحمينى م الأعاصير

دا ابنى .. بعد ما اروح
فى الكون هايدعيلى
طه يا روح الروح
الجنه .. شئ غالى

يارب يا موجود
طهرنا ليل ونهار
يا أصل أصل الجود
إحمينى م الأشرار

هاتده عليك على طول
يارب .. يا ستار
وادى الرسول .. بيقول
خلونى ليكم جوار

نور الوضوء بايين
فى القلب .. والوجدان
أنا قلبى ليك صاين
يارب .. يارب

أنت الصلا والصوم
قادر تنجيني
قلبي الذى كان محروم
إرتاح يا نور عيني

دفينى يا صلوات
إشفينى .. من جرحى
الله على السجودات
لما تزيده فرحى

يا خالق السموات
والأرض .. والأكوان
إشفينى بالحسنات
إسترنى يارب

هايم من المملكات
محتاج إليك يا رءوف
للجنة .. نفسى أفوت
للهدى .. نفسى أشوف

ندمى على اللي فات
جوده الضمير موجود
الله على الصلوات
للخالق المعبود

أنع البساط مبهور
ساجد فى نور النور
فى القلب لسه ذنوب
يارب .. وأنت غفور

دينى صلاه وصيام
وزكاه .. وحب .. وخير
فى دنية الإسلام
إزاي هاروح للغير

يارب .. ساجد ليك
إعفينى يارب
دايماً أناذى عليك
يا ساكن الوجدان

هاسجد وأقول الله
وانده لهدى أميين
والقلب لو هالقاء
القاء مع الساجدين

نور الصلا مبـدور
دايمافى كل مكان
أنا قلبى ضد الزور
والكذب .. والبهتان

أجى لبيبت الله
ألقى الكتاب مفتح
القلب يلقى مناه
تنهنى بيه الروح

دايم سجود الناس
طول ما البشر عايشين
مع سورة الإخلاص
ويا النجوم ساجدين

يارب كون المعون
خاينى خير على طول
إملى أراضى الكون
بوصايا أغلى رسول

هـدينى بالغفران
بقراءة القرآن
بركوعى جوه الليل
وسجودى .. يارحمن

نام الوجود .. والروح
صاحبه بتسجد ليك
يا قبله المجد روح
رايحين جماعه إليك

أنا نجمه جوه الليل
بتنادى ع التايهين
طه لقلبى دليل
الله عليك يا أمين

دايم يا وجه الله
ساجد فى دنيا ضياك
نورك فى ليل ألقاه
لحظة ما اكون ويـاك

يارب .. ذنبى كبير
خاينى عبد شكور
أنا بأسألك يا مجير
أنا باتدهك يا غفور

هـى حياتنا حياه
من غير سهـر لله ؟
نفسى (مقام محمود)
إمتى فى يوم ألقاه

نور الإله جاتا
الله يا ضى البدر
اله هادى ويانا
سهران فى ليلة قدر

أنا تحت عرشك .. جيت
بالقلب والوجدان
أنده لاهل البيت
سامحنى ع النسيان

دعوة أمل يا مجيب
الليلة نور مذكور
صبحت عشائى طبيب
وسجود طويل يا شكور

يارب قدرنا
نوصل إليك دايما
مع طه سهرنا
خلى الوجود أحسن

هلت ليالى النور
داست غيلان الغدر
لما يجينا الدور
هاتروح فى ليلة قدر

نادى علينا كمان
يا طه .. يا هادى
فطرنا فى رمضان
على قلبنا نادى

أنا بالصيام محفوظ
م الضلمه .. والبهتان
بالجنه .. روحى تفوز
قدرنى يا رحمن

دار الخلود .. دارك
يا خالق الأكوان
نفسى أكون جارك
إعطف على الإنسان

يارب يا موجود
نور لنا السكه
خلىنا تانى نعود
للكعبه .. فى مكه

هافطر على ضيک
يا مصطفى العدنان
مين فى الوجود زيک
ياراحه للوجدان

نام الوجود .. ويا الآيات
صبح السجود .. واحدة صفا
ربك بيمحى السيئات
لو يوم نتوب .. يا مصطفى

أوصل إليك .. مليون حنين
واسجد فى بيتك لئلا
إشفع لروحى يا أمين
عُمرى خلاص .. فى مُنتهاه

دايم إله الكون لنا
واهب عشاتنا .. كل شئ
أدى القلوب المؤمنه
ساجده لنوره ع الطريق

يارب .. مين غيرك يكون
قنديلنا .. فوق جسر الحياه
الآيه .. رايه فى السكون
ونجوم عشان قلب اللى تاه

هائده عليك .. وسط الجموع
تشفعلى .. لـو أن الأوان
فوق الخدود .. نزلت دموع
صبحت فى قلب الليل أدان

ننده بصوت مليون ندم
يارب .. سامح قلبنا
قلنا لأعلى رسول نعم
شوفنا الملايكه جنبنا

أنا إيه أنا .. أنا فى حماك
يارب .. محتاجك سند
إزاي هنادى يوم سواك
وانت الأحد .. وانت الصمد

دابت حياتى فى الكتاب
توبه .. يارب العالمين
راجع أنا .. بعد الغياب
أسجد مع طه الأمين

يارب .. وانت النور على ..
أرواح رقيقه .. حنينه
الدمع بان جوه الصلا
جوه العيون المؤمنه

هايم .. فى مُلكك .. ليل نهار
دايم .. يا علام الغيوب
الحرف فى الآيه .. منار
فى الليل بيهدى فى القلوب

نسمع أذانك فى الخلا
نتوضى من نهر القبول
ساجدين جماعه فى الصلا
الله على نور الرسول

أرضيك يارب العالمين
بالحب .. واللقمه الحلال
أمشى مع الهادى الأمين
واهرب من السكه الضلال

دوبنى ياسند العباد
فى كل (لمحله) من ضياك
خلى مماتى .. يكون ميلاد
واهدينى يا الله رضاك

يارب .. يا نور القلوب
يا هدايه طاهره للبشر
لما العباد .. تقدر تتوب
الليل يبان جواه قمر

هاسمع أذان فجرى واقوم
أسجد .. واردد فى الآيات
القلب .. ينسى فى الهموم
والروح .. تسبب السيئات

ننده عليك .. جوه السكوت
الندهه تتحول صلا
يا طه .. يا نور البيوت
يا هلال .. بيضوى فى الخلا

أسهر فى نورك يا حبيب
واشكر إلهى ع النعم
يتحول القرآن طبيب
تنده على .. أقول : نعم

داوى جراحى بالكتاب
هدينى بحروف الحديث
قلبى غريب .. إفتحله باب
خلى الآيات .. لى ونيس

يارب .. يا حامى الحما
إحمينى من نار الضنا
خلينى باصص ع السما
ويا الجموع المؤمنه

هو الحبيب .. ولا لنا غير ..
نوره .. فى كل الدنيا بان
فى الآخره .. قرآنك مجير ..
لينا .. ووياه الإيمان

نجرى عليك يا مصطفى
ساعة وصولنا للمقام
جوه الحديث .. نور معرفه
يا أغلى من كل الكلام

أمشى .. إذا سمعت الأذان
وادخل فى بيتك مستقيم
أسجد .. يريحنى المكان
واشكر فى فضلك يا كريم

دايب فى ضيّك يا مجير
إحمينى من غدر القلوب
إنت السند .. وانت القدير
واللى نادانا عشان نتوب

يارب .. سلمت الفؤاد
لك يا حبيب كل البشر
إحنا هاتوصل فى الميعاد
إرحم نفوسنا فى السفر

هم القلوب .. بيدوب .. إذا
سجدت فى مُلكك يارعوف
تصبح قلوبنا معززه
فى سكتك .. نقدر نشوف

نفرد سجايد الصلاه
ونصلّى ع الهادى الشفيع
يرضى على قلوبنا الإله
ويخلى لنا الشوك ربيع

أفرد فى سجادة صفا
أسجد وفوق التوب دموع
أنده حبيبى المصطفى
بحروف خدوع .. ويا الجموع

دوبى يا نفسى .. فى الرسول
توبى .. وخلقى الكون يروق
دمع العيون .. زى السيول
ساعة ما خدنى الشوق .. لفوق

يارب .. لى مين سواك
خلقى ضلام الليل نهار
إسقينى من جنة لقاءك
واحمينى شر الإنكسار

هليت علىّ يا هلال
خلّيت عشان الكون ضيّاً
إحمى حياتى م الضلال
حقق لقلبى الأمنيه

نفهم آياتك يا رءوف
من بعد ما طال الغياب
حوالين بيوت نورك نطوف
ونشوف راحتنا فى الكتاب

إحمينى من شر الغيوم
من كل نظرة شوك لعين
خلينى اسيب للناس (علوم)
وأقول إذا شففتك (أمين)

دفينى بحروف الكتاب
صفينى للمؤمن آيات
خلينى لاجل الكل باب
واحمينى شر السيئات

يارب .. كون لى المعين
مهما طريق الليل يطول
لو قلبى يوم .. هايبات حزين
فرحنى دايم بالرسول

هادى عبادك ع الدروب
باعت رسولك للجميع
خلى الفؤاد .. قبل الغروب
يصبح يارب الناس مطيع

نشرب من النهر الحلال
نتوضى من بحر الرسول
نصحى على ندهة بلال
نسجد على شط القبول

أسأل عليك نجم السما
يهمسلى .. شوفه فى كل شئ
جوه ليالى مضلمه
تبععلى ألف هلال مضئ

دينى فى قلبى .. دين أصيل
إسلام .. سلام لاجل البشر
لاجل الأنعام .. هو الدليل
هو اللى ساب فى الكون أثر

يارب .. والمخلوق ناداك
لما اتجرح بين الهموم
يترجى " لمح " من سنائك
فى الفجر .. لاجل رضاك .. يقوم

هاسرح يارب مع الآيات
وهادوب مع حروف النبى
ها رسم شرع المعجزات
فى رحلتى .. على مركبى

نسجد .. وجوه الروح آيات
الله على نور الكتاب
نمشى على أظهر بساط
ندخل معاك .. من أغلى باب

إهدينا فى كل الدروب
واسقينا " زمزم " سلسبيل
إشفيننا من نار العيوب
خلى الشفيح لنا دليل

دارى بقلبى يا إله
يا خالق الكون الكبير
علمتنى ان الحياه
محتاجه عطفك يا مجير

يارب .. جيت علشان أتوب
وابكى بقلبى فى المقام
تحمينى من كل الذنوب
تهدينى بنجوم السلام

هارضى بحكمك .. مهما كان
سلمت أمرى إليك يا نور
يا مالى أرجاء المكان
بالضىّ دايما .. يا غفور

نرمى ذنوبنا .. نعود إليك
يارب .. يا حامى الحمى
لما صبحنا بين إيديك
بالنور .. وصلنا للسماء

أرتاح مع نور الكتاب
أسجد بقلبى ع الشطوط
الجنه ليها ألف باب
والحب فى كل البيوت

دوّينا فى نور الرسول
واشجيننا دايما بالأدان
إكتب لنا .. قمر القبول
لما يئنون .. لنا الأوان

يارب .. يا نور الأنام
يا خالق الأيام لنا
الدمعه .. شمعته فى المقام
علشان نفوسنا حنينه

هابدا مع القرآن حياه
إقبلنى بالقلب الجديد
ظهر طريقى يا إله
واندهنى .. لوفى الليل شريد

نعلنها دائما فى الوجود
إن الرسالة مقدسه
نلقى راحتنا فى السجود
مع طه .. أعظم مدرسه

أعلنها فى الكون البراح
إن الرسول .. هو الخلاص
شافى نفوسنا .. م الجراح
بأنى عشان الناس أساس

دفينى .. فى نهر الآيات
خلينى .. لاجل الناس مدد
إحمينى شر السيئات
خلى الإيمان لى سند

يارب .. ياسر القلوب
وصلنى لشطوط الضيّا
خاينى فى القرآن أدوب
ويا إمام الأنبيّا

هاشرب بقلبى .. من محيط
مليان محبه .. ومعرفه
فى كل قلب .. وكل بيت
ألقي حبيب المصطفى

نحلم يارب بجنتك
نرضيك إذا طال السجود
إحنا اتجهنا لقلبك
وحلفنا للقرآن .. نعود

أسعى لنورك .. بالكتاب
وارجع بخيرك .. ليل نهار
نورك كريم .. ويا اللى تاب
للى ناداك .. إنت جـار

دفينى بكتاب الخلود
عرفنى فىن هو الطريق
ع العاملين نقدر نسود
لو " طه " كان .. للناس صديق

يارب .. طالبين رحمتك
ولا لينا غيرك فى الحياه
لو يوم مشينا سكتك
هاندوس " عدوك " يا إله

هارحم عبادك .. لاجل أنول
الرحمه منك يا رحيم
قلبى فى مدرسة الرسول
إنت اللى وحدك بيه عليم

نندم على كل اللي فات
نرجع إليك يا ربنا
تهدي قلوبنا بالآيات
والراحه تدخل قلوبنا

أندم .. واجيالك مستكين
واكتب على صدر الفضأ
إن الشفاعة .. للأمين
والجنه .. للي يقول (رضا)

دوبى يا روحى فى الندم
واتعلمى معنى الرجوع
عودى لربك يا قـدم
واتكلمى .. يا دمـوع خـضوع

يارب .. إقبل دمعـتى
من بعد ما آن الأوان
لك يا حبيبى رجعتى
خلينى جـوه الليل أدان

هم الذنوب .. زى الجبال
شايل أنا هم الذنوب
إحمينى من ذل السؤال
واقبلنى .. لو أقدر أتوب

ناسى ؟ .. لا يمكن اكون نسيت
يا طه .. يا شمس الحياه
أنا سيبت كل الكون وجيت
أسجد بقلبى للإله

أكبر .. كتير من كل قول
أغلى كتير .. من كل شئ
إنت النبى .. وانت الرسول
وانت الطريق .. وانت الصديق

دايب مع كل الجموع
عمرى فى يوم .. ما نسيت هواك
تنزل على خدودى دمـوع
يا مصطفى .. ساعة لقاءك

يارب .. خلى النور جبال
فى سكه قايده بالإيمان
فرحنا دايمـا بالحلال
ريحنا بحروف الأدان

هم القلوب .. بيزول معاك
يا طه .. يا قمر الوجود
الله على سكه ضيـاك
الله على أعظم سـجود

نكتم فى دمعات الندم
نطلب حماك .. ياذا الجلال
القلب يهمسك ناعم
ويطول علينا الإبتهاال

أسفى على العمر الذى راح
باين فى دمه ع الخدود
فى السجده .. بتزول الجراح
عوذنا طهه ع السجود

دريت روحى ع الصمود
مهما يكون صوت الرياح
لو لحظه هاتخطى الحدود
أرجوك يارب الكون .. سماح

يارب .. يا أعظم معين
إسندنى لو طال الضياع
خلينى بالهادى الأمين
جوه محيط الناس شرع

هارجع مدينتك يا رسول
أشبع من الضى المبين
يارب .. إوعدنى القبول
واشفعلى يومها بالأمين

نقدر على بحر الظنون
نوصل بنورك لليقين
المصطفى .. جوه العيون
والدنيا .. بتقولك أمين

أنا من زمان بانده عليك
واسجد على طول الدروب
أنا متجيه بالروح إليك
"مسك الختام" .. إنى أتوب

دايم يارب العالمين
قرآن بيهدى فى الجميع
جوه نفوس المؤمنين
الآيه .. ومعها الشفيع

يارب .. عالم باللى كان
واللى مسيره راح يكون
إحمينى من غدر الزمان
وانده على "كُنْ" .. أكون

هايم فى أنوار المكان
يا مدينه غاليه بالرسول
"السجده" .. من قبل الأذان
كانت بتسعى للقبول

نسبِق خطانا ونيجى ليك
الدمعه باينه ع الخدود
فى كل حين نننده عليك
يارب .. يارمرز الخلود

أسبق خطايا للمقام
ألقاك هناك ياذا الجلال
أرمى على المختار سلام
وابكى فى نورك بابتهال

دافيه القلوب فى حضرتك
يا هادى روحنا للصواب
لما وصلنا سكتك
شفنا فى كل مكان كتاب

يارب .. إقبلنى .. أنا
نادم على العمر الذى كان
ويا القلوب المؤمنه
خلىنى أبكى مع الأدان

هارمى ذنوب الروح واتوب
وارجع حماك ياذا الحما
إنت الذى عالم بالقلوب
والأرض .. ومعها السما

نلاوى أزورك يا حبيب
وأصلى فوق أرض الضيّا
إنت عشان الروح طبيب
يا ختام لكل الأنبيّا

أنده .. تزورنى فى المنام
أبكى بدمعى .. يا حبيب
لو يوم تزيد فى الآلام
تصبح عشان الروح طبيب

دوبنى .. فى الحب الحلال
عرفنى .. فين هو الطريق
سمعنى يا مختار بلال
خلى الآيات لى صديق

يارب .. كون لى صديق
فوق الطريق الذى ابتدى
إنت دليلنا فى الحياه
وانت الكتاب .. ملىّان هدى

هو الإله .. هو الرعوف
هو الذى عالم بالعباد
جوه المدينه .. صفوف .. صفوف
واقفين على شط الميلاد

نحمى قلوبنا بالسلام
والفجر يملئ قلوبنا
إحنا ابتدينا بالسلام
ع المصطفى .. ياربنا

إحمينا يارب البشر
من كل ضلمه فى الوجود
إخلق لنا .. فى الروح قمر
يضوى فى لحظات السجود

دارى فؤادى من ضباب
بينادى للقلب الذى تاه
إفتحلى ألف وألف باب
واشرحلى صدرى يا إله

يارب .. يا سند الذى ضاع
جوه الدروب المُبهمه
إوهبنى لوطال الضياع
راحه .. تجينى م السما

هايمه عيونى فى النجوم
جوه الدموع سورة ياسين
يارب .. يا أغلى العلوم
صلى على طه الأمين

نورك .. وصل كل الجهات
سجد الوجود .. يا مصطفى
يا رسول .. معاه المعجزات
جايب عشان الروح دفا

آدى النجوم .. فوق الدروب
بتنادى ع القلب الذى ضاع
يا طه .. يا نور القلوب
إحمينا من ليل الضياع

دافى يا نور المصطفى
صافى .. يا قلب المسلمين
" المروه " بتنادى " الصفا "
واحنا بننده ع الأمين

يارب .. مين يقدر يكون
لينا المجير .. من همنا
طه الحبيب .. هز السكون
خلى الإيمان .. فى دمننا

هالقى نجومك .. مهما روح
يا طه .. يا شمس الشمس
نورك ظهر .. فى كل روح
ظهر يا هادى فى النفوس

نرضى بحكمك .. مهما كان
يا مالك الكون البراح
المصطفى .. جوه الكيان
أرجوك يارب الكون .. سماح

أرضى .. وإيه أمك أنا
غير الرضا .. غير الخنوع
إسند قلوبنا المؤمنه
يارب .. فى دروب الدموع

دمى .. آياتك ساكنه فيه
وحديث رسول المعجزات
إزاي هاقول " إزاي " و " ليه "
و " الرد " كله فى الآيات

يارب .. إرضى الروح بنور
يفضل معاه ليل نهار
إشفى النفوس .. واشفى الصدور
بمحبتك .. إملى الديار

هليت علينا يا ضياء
ربانى .. من أرض الرسول
الهادى .. سيد الأنبياء
الحب .. ومحيط الأصول

ننعم بقرآنك .. نعود
للحب .. يا نور الحياه
على دمعتى .. كان السجود
كان اتجاهى .. للإله

أنعم بجاهك .. يا نعيم
يا خالق الأكوان لنا
مهما نغيب .. نلقاك كريم
ويا النفوس المؤمنه

دى نعمتك .. نعمة إله
قادر على الدنيا .. مجير
إحنا اتخلقنا فى الحياه
علشان بجاهك نستجير

يا " نعمه " لاجل الكائنات
يا اللى انت للإنسان غفور
مهما تكون السيئات
إنت على الغفلان صبور

هنيئى بالنعمة الحلال
واسقيني من زمزم صفا
خليئى فى لحظة جلال
ألمس مقام المصطفى

نورت فى كل الوجود
علمتنا .. معنى الحياه
ارتحنافى دنيا السجود
يا طه .. يا سر الإله
**

ألاقيك نجومى لو أتوه
يا بدر قايد فى السفر
نورك على كل الوجوه
وانت نجوم مليون قمر
**

دارى بعبدك .. مهمراح
على سكه مليانه ضباب
إحمينا من عصف الرياح
ومن الألام .. ومن العذاب
**

يارب .. كان الليل عنيد
أرسلت طه .. بنور مبین
جانا وخلقى الدنيا عيد
لما صبحنا مسلمين
**

هاجى المدينه .. عشان أنول
الراحه .. واوصل للرضا
القلب .. سيبتة يارسول
فى الروضه .. ينعم بالهدى

نفرد فى سجادة صفا
نسجد على أرض الخلود
الله عليك يا مصطفى
الله على نور السجود
**

أفرد فى سجادة قبول
واقرى كتابك فى الزحام
ألمح بقلبى فى الرسول
جوه المقام .. بره المقام
**

دفينى يا سجدة خشوع
فى الروضه .. دقى مهجتى
يجى السجود .. بعد الركوع
عشان يتمم بهجتى
**

يارب .. شديت الرحال
على مكه .. جيتك بالهدى
جوه المدينه .. نده بلال
على قلبى .. رديت الندا
**

هاطلع على جبل الصفا
للمروه .. هاتده بالدموع
ويا حبيبى المصطفى
يارب .. هاحلم بالرجوع

نسعد فى أرض المصطفى
نبكى فى أرجاء المكان
القلب يشعُر بالدفا
والتقوى .. تسرى فى الكيان

أسعد فؤادى بالدُعا
إقبل دعايا يا غفور
الآية .. شمس المنفعة
وحديث حبيب المولى نور

داير على كل الديار
يا طه .. بتنادى اللى تاه
الحرف منك .. ميت فنار
يا هديه من نور الإله

يارب .. إمحي السيئات
لويوم نويناع الرجوع
من يوم ميلادنا .. للممات
شايقين عظمتك فى خشوع

هادى الجميع .. ياربنا
ياذا النعم .. ياذا الجلال
نور الرسول .. فى قلبنا
والنفس .. فيها أدان باللال

نشقى بذنب رهيب .. رهيب
ونعود يا رحمن الوجود
المصطفى .. هو الحبيب
هو الرسول .. رمز الخلود

أسمع كلام طه .. أدوب
فى معجزاتك يا إله
ألقاى فوق كل الدروب
آيه بتنده ع اللى تاه

دايب .. ومين هايدوب فى نور
إلا اللى تاب .. إلا اللى عاد
إغفرلى ذنبى يا غفور
واحمينى من شر العباد

يارب .. يا غافر لنا
كل الذنوب والسيئات
إزرع رضاك .. فى قلبنا
بالمصطفى .. ويا الآيات

هاو هب حياتى لكل جار
محتاج لايد تسند خطاه
حسنه .. بميت مليون منار
إسئرننا دايم يا إله

نيجى .. ونروح لمكه
نرتاح جوه المدينه
نسجد على ألف سكه
على دمه من عينا

أرسى على شط الصفا
واقرى آياتك يا إله
طه .. محيط المعرفه
الهادى .. قنديل الحياه

دقيت على باب الرسول
إتفتحت .. لى البيبان
جيت المقام .. وقدرت اقول
وسجدت من قبل الأدان

يارب خلى الخطوه نور
مرسوم على كل الجهات
إحمنى من ليل الغرور
ومن الضلام .. والسينات

هارضى برزقى .. لوقليل
إوعدنى دايم بالرضا
صبحت دموى يارب نيل
الله على دمعى الهدى

نشفى قلوبنا بالخضوع
نرجع إليك .. فى الروح ندم
يارب .. ما أحلى الرجوع
للفجر .. من ليل العدم

إشفى القلوب المخلصه
من أى حاجه مؤلمه
لو تذكرك .. صبح ومسا
توصل بذكرك للسمما

دقيت على باب الشفا
وطابت جنة رحمتك
جانى حبيبى المصطفى
علمنى أعرف سكتك

يا شافى .. فى القلب الجريح
ومسهل الأحوال لنا
الكون هايصبح شئ مريح
لو تبقى روحنا مؤمنه

هاشفيك يا قلبى بالرسول
بالمصطفى الهادى الأمين
إحنا ابتدينا بالأصول
وهمسنا للرحمن : آمين

نرتاح فى روضه حنينه
تنده دموع العين عليك
تسجد قلوبنا المؤمنه
قبل الأذان .. تيجى إليك

أرتاح مع الهادى الأمين
أوصل بقلبى للشفاه
مع قلب كل المسلمين
أنده لروح المصطفى

داب الكتاب .. فى كل روح
صبح الوجود .. واحة ربيع
يا شافى من قلبى الجروح
عايز أروح أرض الشفيع

يارب جيت .. من ليل شحيح
علشان تنادى الروح عليك
كان الفؤاد .. فى الليل جريح
وصل الشفا .. وانا بين إيديك

هاتسى اللى فات .. وابدأ معاك
رحله جديده .. بدون حدود
أسمع مع القرآن نداءك
مع دق قلبى فى السجود

نكتب على باب القبول
إقبلنا يارب الأنعام
يشفع لنا نور الرسول
يا حمايه لينام الحرام

أكتب بدمعى ع الصراط
إنت إله العالمين
باعت لنا كل الآيات
علشان هداية المؤمنين

دايمه يا آيات الوفا
دايم يانور سيد البشر
الهادى .. هو المصطفى
حامى نفوسنا .. م الخطر

يارب .. كون لنا الطريق
مزروع بأشجار الإيمان
أحمد حبيب الروح رفيق
والآييه للوجدان .. أمان

هدم النبى .. بيت الدمار
وبنى بيوت .. مالهش عدد
كل الخلا .. اصبح ديار
يارب .. يا أعظم سند

نقري آيات الله .. ننول
كل الرضا .. والمغفره
نمشى على سكة أصول
نلقى الأمور .. متيسره

أقري فى قرآن الوجود
تنزل دموع العين سيول
يرتاح فؤادى بالسجود
وبنور صلاته ع الرسول

دينى انا .. دين الإيمان
دين القلوب المسلمه
الحب .. ساكن فى الكيان
والروح قمر .. جوه السما

يارب .. افتحلى الكتاب
خلينى ليل ونهار معاه
اكتبلى جوه الجنه باب
وارحم دموعى يا إله

هدينى بالقمه الحلال
واكفينى بالهدى الأمين
إبعدينى عن بيت الضلال
واسعدنى بالحق المبين

نرجعك .. يا رسولنا
نناديك جوه الزحام
كتاب الله دليلنا
يا أكبرم الكلام

أبدا .. لا يمكن يوم أبيع
ولا هاتسى فضلك .. مهما كان
إهدينى دايمًا .. لو أضيع
واشبعنى من أرض الإيمان

دابت نفوسنا فى الآيات
صبحت لطفه مغرمه
من يوم ميلادنا .. للمات
باصين على قمر السما

يارب .. صفينا القلوب
من كل حاجه تذلهها
لما نويناف يوم نتوب
الدنيا سجدت كلها

هينى بالقمه الحلال
دوبنى فى الهدى الأمين
صحينى ويا أدان بـلال
مع كل آيه .. أقول : آمين

ننزل بحورك يا شفيع
نتوضى .. نسمع فى الأذان
قلوبى .. بحكم الله مطيع
وآياته .. ساكنه فى الكيان

أنزل .. وأتوضى .. واقول
إنك رسول كل البشر
فى عنيك قبول .. ونجوم أصول
فى إيديك بشوق .. نطق الحجر

دفينى من نهر الصفا
واشفينى يا سر الحياه
إزاي يكون بيننا جفا
وانا قلبى عبدك يا إله

يا هادى .. والقرآن معاك
من عند رب العالمين
الكون فرح من نور ضياك
ما بقاش ياطه خلاص حزين

هانزل بحور كل الدروب
واكتب على صدر السحاب
إنك يا (أحمد) فى القلوب
قمر الإيمان .. رغم الضباب

نرضى بنورك يا رسول
نسجد على الأرض البراح
الرزق .. يتحول سيول
والضلمه .. تتحول صباح

إيدى .. على ثوب المقام
ساعة صلاة الروح عليك
لاجل الأنام .. إنت الإمام
والورد فتح بين إيديك

دفيت فؤادى بالحديث
بالآيه طاهره .. والصلا
صبح الكتاب أغلى جليس
وصلنى ساجد .. للُعلا

يارب .. يا هادى البشر
إهدى نفوسنا للصواب
إبعت لقلب الليل قمر
وافتح (لثوبه نصوحه) باب

هادى القلوب المتعبه
بآيات بتتحدى الخطأ
روحك ياطه طيبه
ما قالتش يوم للمولى : " لا "

نسبح فى " ملكوت " الإله
نلقى الحياه .. قارب نجاه
الله على نور الرسول
لما يبان لنا ضياء

أسبح وأسرح فى الوجود
وانده حبيبى المصطفى
ينده على فى السجود
يرمى على توب صفا

دوّبت روحى فى الحروف
وشربت من زمزم آيات
قلبى فى مكه .. فضل يطوف
ويشوف جبال المعجزات

يارب .. كون لى نصير
ساعة ما اضيع جوه الزحام
سلمت روحى يا مجير
لك يا حبيب كل الأنام

هادى يا قلبى مع الكتاب
بتنادى فى وسط الجموع
راجع أنا .. بعد الغياب
فوق الخدود .. بحرین دموع

نشبع محبه .. ومعرفه
منك يا قنديل الوجود
نيجى إليك .. يا مصطفى
يحلّى معاك .. طول السجود

أشبع يا علام الغيوب
من بحرك المليون صفا
أنسى .. وأرجع لك .. أتوب
واسجد على شطوط الوفا

دافيه يا كعبه بالجموع
شافيه القلوب المخلصه
ضىّ الدموع .. فى عيون خشوع
بتطوف بشوق صبح ومسا

يارب .. طالع رحمتك
محتاج لعطفك لاجل اعيش
ساجدين بشوق .. فى سكتك
غيرك لقلب الكون .. مفيش

هارضى بشمسك يا حبيب
وهنادى ليل ونهار عليك
الله عليك .. أجمل طبيب
كل النفوس .. بتنادى ليك

ناديننا .. يا مُحمد
تلاقيننا .. فى المدينه
فى " الروضه " .. لمانسجد
تهدى الروح الحزينه

أعطيك روحى وحياتى
أجى لحد بيتك
إنى يا طه ذاتى
عمر الفؤاد ما فاتك

دين الإسلام ندهنا
جيت والقرآن معاك
قبلك يا طه ثوہنا
والفجر .. كان ضياك

يارب الكون يا دايم
أنا هايم فى الآيات
فى كل وقت صايم
عن كل السيئات

همى .. نسيته .. لما
دخلت عشان أصلى
فى مقامك .. ألف " لمه "
بتصلى عليك تملى

نسجد على أرض الحبيب
تنزل دموعنا ع البساط
السجده .. ليه صبحت طبيب
عشان دفيننا بالآيات

أسجد على جبل الحصا
أرتاح من الهم الرهيب
لو كان فى يوم قلبى عصا
إشفعلى بالهدى الحبيب

دايم يارب العالمين
هايم أنا فى المعجزات
ويا جميع المسلمين
أنا دويت فى أعظم آيات

يارب .. راحتى .. سجده لىك
وصلاه بروحى .. ع الأميين
قلب الوجود .. ينده عليك
يا هادى كل المؤمنين

هاسجد وادوب فى سكتك
يا اللى هداك جوه الكيان
لما ندهت لحضرتك
يارب .. نور الفجر بان

ناييم أفكر فيك يا نور
قاييم أنادى عليك بشوق
الشوك صبح فى إيديك زهور
والضلمه صبحت دنيا ضوء

أهدى فى بيتك يا إمام
مبعوث عشان كل البشر
لوحتى كل الكون ينام
أسهر فى ضيِّك يا قمر

دقيت على بابك .. وجيت
عشان أزورك يا حبيب
جوه المدينه .. لى بيت
جوه المقام .. لى طبيب

يارب .. مش عايز أضيع
جوه الحياه .. عايز أكون
بالروح .. أصلى ع الشفيع
عمرى فى يوم ما اقدر أخون

هادى الجموع .. يا مصطفى
ناده علينا .. ليل نهار
إننت جبال المعرفه
والشمس .. ونجوم العمار

نرجع .. ونرجع للأصول
ننسى ذنوبنا فى الصلاه
لو يوم نصلى ع الرسول
نتهنى من فضل الإله

أركع .. وأسمع حضرتك
واسجد بشوق .. ساعة لقاك
تحيينى لمسة نسمتك
تسقينى من أنهار ضياك

دابت قلوب المؤمنين
فيك يا حبيب كل البشر
القلب زاد فيه الحنين
ورسم على الضلمه قمر

يارب .. لك .. نور الركوع
إفتحلى أبواب الدخول
أنا إيه أنا .. من غير خنوع
من غير صلاتى ع الرسول

هاركع وهاسجد بين إيديك
إقبلنى يا حامى الحما
ندهت فى قلب الليل عليك ..
كل القلوب المغرمه

ناديت عليك بروحى
وقريت وياك آيات
ضاعت فى النور جروحى
يا رسول المعجزات

إسمك .. صبح نهارنا
للناس .. ملىان ضيّا
يامنور ليك ديارنا
ياشمس الأنبيّا

داس الشيطان قلوبنا
لكن رجعنا ليك
يارب .. لماتوبنا
سجدنا بين إيديك

يارب الكون يا قادر
تهدى قلب العباد
الشر .. صوته هادر
والظلم .. بحرّه زاد

هابدأ بنفسى دايمّا
قلوبى محتاج هدايه
محتاج يارب جدا
لحرف بسيط فى آيه

نصبح على صوت الآيات
نفرح جماعه بالحديث
ننسى جميع السيئات
يصبح لنا القرآن جليس

أصبح على ضيّ الصلا
على ضوء .. ونور .. ياربنا
أرتاح فى سكة (بسمله)
يدخل شعاعها قلبنا

دفينى .. دايمّا بالخضوع
خلينى .. مخلص مهما كان
ظهرنى .. بمحيط الدموع
واذكرنى .. لـو أن الأوان

يارب .. يا حامى العباد
من أى شئ جارح لهم
لـو بان فى قلب الروح سهاد
نورك بيشفى قلبهم

هى كده أرض الحياه
سكة عباده للجميع
الله على القلب اللى تاه
لما يعود ويا الشفيع

نيجى .. وكل الروح ذنوب
نرجع .. ونورك ع الجبين
النور دخل كل القلوب
مع طلعة الهادى الأمين

أندم على ذنبى اللى راح
وأتوب من الماضى الأليم
كان الطريق .. مليون جراح
قبل الرساله .. يا كريم

دار الزمان .. فضل الأمان
خالد على طول الزمن
طول ما الوجود .. مليون إيمان
يفضل كتاب الله وطن

يارب .. دفيت الطريق
برساله طاهره .. مقدسه
أصبح بلال .. لينا صديق
والهادى .. أعظم مدرسه

هاستنى لحظات الرجوع
علشان أشوفك يا نبى
توب المقام .. مبلول دموع
يانور عنيّه .. ومكسبى

نقفل فى أبواب الضلام
نفتح فى أبواب الوفا
ندخل بروحنا للمقام
عاشقين يا سيدنا المصطفى

أقفل بببان السيئات
آجى إليك .. مجروح .. ذليل
فى الضلمه .. شمس المعجزات
تطلع .. عشان تصبح دليل

دا فجر .. جينا إليه ننول
حسنات مفيش ليها حدود
نبدأ صلاتنا ع الرسول
الدمع فى " الروضه " يسود

يارب .. يافتاح .. يانور
افتحلى أبواب الرجاء
الشوك .. هايتحول زهور
والرممل .. يبقى بنفسجه

هربان من الذنب القديم
قرآن فى روحى المتعبه
يا قلب تاه .. ربك كريم
حامى القلوب الطيبه

نرتاح فى مكه .. نيجى
بروحنا ع المدينه
" محمد " .. هو تاجى
ورسالتة .. خالده فينا

أرسم على السحابه
آيه .. قد الوجود
أقري عن " الصحابه "
يطول بى السجود

دخلنا لك يا غالى
ودموعنا ع البساط
طلعنا فى العلالى
ويانا كل الآيات

يارب .. كون نصيرنا
لوزادت الشجون
لو قلب عنيد كسرنا
خلى الجراح تهون

هاستنى كل لحظه
لقاك يا نور مبین
قلوبى مليان بعزه
بيقول لضيائك : " آمين "

نفتح بيبان الذكريات
نلقاك رسول كل البشر
حامى نفوسنا بالآيات
من كل طوفان الخطر

أفتح فى شباك النجاه
ألمح بلال .. ع المأذنه
الله .. بعث لى ضيائه
جوه القلوب المؤمنه

دى روحى .. يارب العباد
جايه عشان تطلب سماح
إحميها من ليل السهاد
واشفيها من كل الجراح

يا فاتح الدنيا لنا
إسمح لنا .. ندخل حماك
إحنا قلوبنا حنينه
ولا لنا إلا بحور ضيائك

هادى النفوس .. إنت الإله
وانت اللى مالك أمرنا
بينادى نورك ع اللى تراه
الله يا عالم سرنا

نور الإله معانا
بيطم من القلوب
كتاب الله سفينه
لويوم فى ضياه ندوب

أستننى النور يجينى
يجى قبل الميعاد
تفرح جدا عيونى
بالحظة الميـلاد

دوبت الروح فى آيه
عشان أقدر أشوف
إرزقنى بالهدايه
يا قادر .. يا رءوف

يارب .. قلبى صاين
مبادئك .. مهما كان
عمرى ما كنت خاين
من يوم نورك ما بان

هاجى إليك .. أصلى
واسجد بين الجموع
فى ليلة التجلى
تتكلم الدموع

نسرح فى أنوار الرسول
نفرح إذا شفنا الضيـا
تتهنى روحنا بالقبول
من قلب سيد الأنبيـا

إسمحلى يارب الأنعام
أقرى كتابك لأجل اعـود
جيتك .. ومش لاقى كلام
أقدر أقوله فى السجود

دا قلبى يا قمر الشفا
بيدق بابك ليل نهار
بينادى ليك يا مصطفى
يا جار .. عشان كل الديار

يارب .. إقبل عبدا تاب
طالب رضاك .. إرضى عليه
مهما يطول بيه الغياب
راجع معاه .. دمهعة عنيه

هاسمع فى قرآن الوجود
يا مبدع الكون الفسيح
للمصطفى .. لازم أعـود
يا قلبى .. صبرك .. يا جريح

نتقابل جوه مكه
ونصلى ع الحبيب
الحزن .. يبقى ضحكه
والهدى يكون طبيب
**

أقابل كل ناسى
فى مكه .. والمقام
عمرى ما كنت قاسى
يارمزل للسلام
**

داوينى بالتسامح
بالحب للجميع
أقدر يارب اسامح
وأكون للناس ربيع
**

يارب الكون سامحنى
مهما كانت ذنوبى
ليل الندم جارحنى
ريححنى .. يا حبيبى
**

همى .. وياك نسيتك
يا عالم بالصدور
طه .. فتحلى بيتك
خلانى نور .. فى نور

نسكن .. ديارك يا نبى
نرسم نجومك ع البيبان
الجنه .. هى مطلبى
هاوصل إليها بالإيمان
**

أسكن فى نورك .. ليل نهار
يا طه .. يا شمس الضياء
تصبح عنيه بيك منار
نظره .. يا قمر الأنبياء
**

دارك .. دى (روضه) يارسول
جنه .. لرب العالمين
علمتنا .. إن الأصول
هى اللى خالده .. يا أمين
**

يارب .. صلى ع الشفيع
وارزقنا توبه .. بدون رجوع
لما العباد .. فى الليل تضيع
يظهر لها .. قمر الخشوع
**

هارجع مدينتك لاجل انول
الراحه .. للقلب الحزين
الله عليك .. سكة قبول
طاهره .. على طول السنين

نهر المحبه فايض
مع نورك يا شفيع
لوشوك ع الدنيا زايد
هايجيب لنا الربيع

أسرار الكون .. فى آيه
جاي بهام الإله
" الوحي " .. كان هدايه
يا طه .. للحياه

داسنى الطريق ياربى
جيتك والجرح فى
طه الحبيب فى قلبى
والآيه .. نور عنيه

يارب الكون يا خالق
الدنيام العدم
خلى قمر المبادئ
يقول للناس : " نعم "

هالقاك فى كل ناحيه
لوزاد إيمانى بيك
فى مكه .. الدنيا صاحيه
يا اللى اتجاهى ليك

نسمة محبه طاهره
وياها حديث أمين
خالت قلوبنا قلادره
تهزم فى الكافرين

أفديك بنور عنيه
يا طه .. يا حبيب
لوزاد الحزن فى
بتكون لى الطبيب

دلىلى .. كان هلالك
فى زحمه الحياه
" المصحف " .. كان دليالك
ورعايه الإله

يارب .. كون طريقى
لوجوه الليل أضيع
خلى الرسول صديقى
خليه للروح شفيع

هادى القلوب يا أحمد
ياساكن المدينه
الليل لويجى .. نسجد
ترتاح روحنا الحزينه

نادينا .. يا نور عينا
رديت على الندا
إتهزت المدينه
بطلوع قمر الهدى

أهديك يا طه قلبى
أفديك بكل شئى
الله بنوره حسبى
حامينى م الطريق

دايب فى كل كلمه
كانت منك يا طه
" صدقه " .. فى كل بسمه
يرتاح القلب بيها

يارب .. مين هايقدر
غيرك .. يرحم عذابى
ع الليل .. خلىنى أصبر
وافتح للهدى بابى

هايم دايمافى سيرتك
يا أحمد .. يا إيمان
كانت دايمافى سيرتك
بتسبق الزمان

نسعى ما بين " مروه " .. " وصفا "
تهدى قلوبنا المغرمه
أنده عليك .. يا مصطفى
نلقى قمرنا فى السما

أسعى .. وجوه القلب شوق
والدمعه .. شمع ع الخدود
أنده عليك .. قبل الشروق
النور يجينى .. بدون حدود

داب الجميع .. فى محبتك
يا طه .. يا أظهر دوا
ماشيين جماعه ف سكتك
ساجدين يا نور الله سوا

يارب .. خلى " السعى " نور
ونهايه لليل الطويل
إزرع طريق الروح زهور
كون لى تاه .. أعظم دليل

هاسقى اللى يعطش .. من محيط ..
زمزم .. واكون دايمامعاك
الآيه صبحت .. لى بيت
ونسيت شجونى .. بنور ضياك

نادى .. يا هادى قلوبنا
خلينا نرجع للأصول
ساكن ياطه جنبنا
يا حبيبى .. يا أعظم رسول

الله ناداك .. فى " غار حراء "
خلاك رسول .. لاجل البشر
آه يا حبيب الأنبياء
حارس نفوسنا من الخطر

دوبى يا روح الكون كمان
فى حب طه بدون حدود
خلى الدموع .. تصبح أذان
خلى الدُعاء .. لله سجود

يارب .. يا باعت لنا
طه .. يطهر فى العباد
خليت قلوبنا المؤمنه
مشتاقه دايما للميلاد

هاكتب على كل الفضا
بدموع إيمان .. " سورة ياسين "
فى الشده اقول .. لله : رضا
وأصلى ع الهادى الأمين

نجوى القلوب يا مصطفى
بنصلى ليل ونهار عليك
يا محيط صفا .. وشطوط وفا
أوهب حياتى .. وعمرى ليك

أذكر إله الكون .. وابات ..
مرتاح .. وروحى معززه
أقرى حديثك .. والآيات ..
تحمينى من شر الأذى

دورت جوه النفس .. لقيت
نورك ياطه فى القلوب
لما باسم الله ناديت
الإسم .. خلى الكون يدوب

يارب .. إقبل قلب تاب
ساعده يكون .. فى الكون ضيا
إفتح عشاته أغلى باب
يشفعله .. شمس الأنبياء

هم النفوس .. راح باللقا
جوه المدينه .. لقينا ضوء
كل القلوب .. متشوقه
تطلع معاك .. ياطه فوق

نام الوجود .. والقلب قام
يسجد على شط الصفا
" الغار " .. على بابه الحمام
باصص عليك .. يا مصطفى

إندهنى .. فى الليل الطويل
أسجد معاك .. جوه السكون
يا طه .. يا أعظم دليل
إنت اللى ساكن فى العيون

دوبتنى .. جوه الضيّا
عرفتنى .. معنى الحياه
إنت ختام الأنبيّا
وهديه من عند الإله

يارب .. كون لينا مدد
جوه خطاوى مضلمه
غفار .. رعوف .. عالم .. أحد
فى الأرض نورك .. والسما

هادى العباد .. لوفيه ضباب
مالّيه قلوبنا محبتك
يا طه .. لوطال الغياب
أسجد معاك .. على سكتك

نور يا بدر لينا
على الأحباب تفوت
طه .. جوه المدينه
باتى للكون بيوت

أنده عليك بدمعى
واتمنى تكون معايّا
ساعة سجودى أدعى
تجعل طريقى آيه

دارى دايم عيوى
وارحمنى ليل نهار
خلينى .. يا حبيبى
فى الليل .. أضواء منار

يارب .. كون فى عونى
لوزادت الآلام
إنت دايم معينى
يا أعظم م الكلام

هاروح لمين ياربى
مفيش بديل لبيتك
أحمد ساكن فى قلبى
وجوه الروح آياتك

نسهر فى ضوء حديثك
ونطول كل النجوم
كان الكتاب جايك
يحميك من الهموم

الاقبيك .. فى كل نظره
مليانه بالدموع
فى كل خطوه طاهره
فى كل طريق خشوع

دفينى بالمحبه
بحديثك .. والكتاب
لويوم حسيت بغربه
افتح لقلبي باب

يارب .. خلى احمد
جوه قلوب عبادك
الكون وياه بيسجد
وكل شئ بإيدك

هاجى المدينه تانى
واحشنى يا حبيب
يا أعظم الأماني
انت أجمل طبييب

نناديك .. والدنيا ضلمه
كل النجوم تبان
طه .. يا أغلى كلمه
يا أكبرم الزمان

الله جابك لروحنا
علشان نوصل إليه
لما زالت جراحنا
سجدنا بين يديه

دلىلى .. هو نورك
ونورك فى زاد
جوه الزحام منارك
بيجيب للكل زاد

يارب .. خلى طه
ساكن جوه العيون
يحمينا .. المتهاهه
والنار .. ويا الظنون

هادى القلوب تملئ
يا مصطفى الحبيب
بفضل الله تلى
النور يصبح قريب

نُومى .. مع قومى سجدود؟؟

الله .. إله العالمين

يارب .. يارمز الخلود

بتصلى روحنا .. ع الأمين

ألقاك فى كل مكان هنا

ألقاك فى كل مكان هناك

الشقوق .. ببصيح سوسننه

علشان أنا .. محتاج لـقـاك

دافى .. كتابك فى القلوب

صافى .. على جـبـل الشفا

يارب .. لـو عايزين نتوب

نسمع حديث المصطفى

يا خالق الأكوان لنا

إودنا بالجـنـه البـراح

إحنا قلوبنا حنينه

محتاجه من عطفك .. سمح

هادى قلوبنا ع الـدروب

نادى علينا يا إله

خلينا بالقرآن نتوب

علشان حياتنا .. تكون حياه

ندهة رسولك ع الجموع

يارب .. ندهه مقدسه

إحنا سجدنا ع الدموع

وبكىنا لـك .. صبح ومسا

أسمع فى آيات الخلود

تنزل دموعى ع الخدود

يارب .. يا أصل الإيمان

أنا حـبـى لـك .. مالهوش حدود

دافيه .. يا " بحه " فى الأدان

صافيه .. يا آيه فى الكتاب

جوه الحروف .. نهـرين إيمان

بيساتدوا روحنا .. فى الحساب

يارب .. ياسند الضعيف

يا حامى روحنا المتعبه

لما وصلنا للخريف

الصبر .. كان المركبه

همى .. نسيتـه لما جيت

للبيت .. عشان أوصل إليك

تنسأتى روحى .. لو نسيت ..

أسجد ليلاتى بين إيديك

نايم وصاحى .. أنادى ليك
يارب .. يا سند الأنام
جوه الفؤاد .. مالك شريك
يا حقيقه .. أكبرم الكلام

أسجد على بساط الشجن
تنزل دموعى المخلصه
" سور " الكتاب .. لى وطن
ورسولنا .. أعظم مدرسه

دمعه على سورة يس
والعرشه مالیه مُهجتى
جوه المنام .. زارنى الأمين
زادت ياربى بهجتى

يا عالم الأسرار أنا
سرى فى قلبى .. نار فى نار
إرزقنى سكه حنينه
الهادى فيها يبقى جار

هى كده أصل الحياه
سكة عباده للجميع
سلمت روحى للإله
وصبحت للمبعوث مطيع

نورك يارب الكون صبح
فى القلب .. ترنيمه إيمان
لما زرعت النور .. طرح
فى الرحله ورد .. وسيسبان

أناديك يا علام الغيوب
يا باعث الأرواح فى يوم
تهدى لنا .. كل القلوب
تحمينا من عصف الهموم

دفيت فى أرواح العباد
بالنسمه .. واللقمه الحلال
الموت صبح لنا ميلاد
لما نسينا فى الضلال

يارب .. كون لنا الممدد
مين غير رسول الله معين
الآيه .. فى الضلمه سند
بس الشفيع .. هو الأمين

هاو هب حياتى ليك يا نور
يا هادى فى قلوب البشر
لا هاقول فى ليله حرف زور
ولا يوم هاخاصم فى القدر

ناسى المعاصى فانور ضياك
جايلك وقلبى تاب خلاص
لما اتوعدت بنور لقاك
أيوه لقيت لى خلاص

أشرب .. ونهرك كله فاض
ع القلب .. جفف دمعتى
يارب .. جايلك فى الميعاد
قابلنى .. ساعة دخلتى

دوّيت روحى لما جيت
أسجد على دموع الخشوع
إزاي هاقول .. إنسى نسيت
وانت آياتك فى الضلوع

يامنقذ الكون الفسيح
من أى شر .. وأى نار
أنا قلبى تاب .. لكن جريح
محتاج رسولك .. يبقى جار

هارمى حمولتى عليك واقول
إنك إله العالمين
صليت على أعظم رسول
المصطفى الهادى الأمين

نور الكتاب .. لمالمس
قلبى .. ناديتك يا إله
المصطفى .. لى همس :
(يا عبد .. إبدأ بالصلاه)

أنا من سنين .. ساجد على ..
جرحى .. يا شافى فى الجروح
الآهه .. بانى فى الصلا
والهادى .. بان فى كل روح

دا قلبى .. ترنيمه إيمان
يارب .. يا حامى الغريب
لما أدان الفجر بـان
قؤمننا على صوت الأمين

يانورنا .. لوزاد الضلام
وديارنا .. لـو حان السفر
خلينا لاجل الجار سلام
خلينا للإسلام قمر

هى الحياه .. إيه غير سجد ..
للمولى .. علام الغيوب
جـوه الكتاب .. نور الخلود
بيدارى روحنا .. م العيوب

نادى يا قلبى ع الإله
يفتح لنا .. باب القبول
نسجد على أرض الحياه
وإماننا .. مولانا الرسول

إسقينى .. يا الله إيمان
وأهدينى .. للسكه الصواب
قبل الأذان .. بعهد الأذان
نلقى راحتنا فى الكتاب

دفينى .. دايم باللقا
واشفينى .. من نار الجراح
بالنور .. داوينى م الشقا
وارضينى .. دايم بالسماح

يارب .. سهل أمرنا
فى سكة الليل الطويل
إشرح بعطفك صدرنا
خلى الكتاب .. لنا دليل

هم النفوس .. بيزول معاك
يارب .. يا حامى الوجود
قلوبى الجريح .. لما رآك
أنا شوفته فى حالة سجود

نادى المنادى ع الغريب
قوم صلى .. قوم .. قبل الأذان
صليت على طه الحبيب
وفتحت فى كتاب الإيمان

إسلامى .. كان إسلام قلوب
بتدق فوق باب القبول
لما الفؤاد .. لله يتوب
ينده عليه .. أعظم رسول

دقيت على باب الرجاء
يارب .. إقبل شكوتى
من نور رسول الكبرياء
إملى طريقى وسكتى

يا دارى بالقلب الحزين
دارى دموعى ع الجميع
مهما تطول .. بى السنين
خلينى .. حاسس بالربيع

هاضى بحكمك يا "ملك"
ولا ليك شريك فى مُهجتى
لما اتجهت بقلوبى ليك
الهادى .. بان فى سكتى

نور الجبين .. لما ظهر
صليت على الهادى الأمين
فى الضلمه .. كان لى قمر
الله يا بدر المؤمنين

أسمع رسولك فى الصلاه
تشجىنى بنجوم المنى
إنت حبيبى يا إله
ساند قلوبنا المؤمنه

دايبه فى أنوار الإله
ياروحى .. يا ساكنه الهدى
الله بعث لى ضياه
رُدْ على أشرف نِدا

يارب .. كل المؤمنين
ساجدين على شطوط الإيمان
إشفع لروحى بالأمين
وارحمنى .. لو أن الأوان

هام اللى هام .. فى معجزات
إشفىنى يا سـر الوجود
لو سيئات .. إمحى اللى فات
خلينى احافظ ع العهود

نور الإيمان موجود
فى نظره الصادقين
يارب .. يا معبود
خاينك .. ساجدين

الصدق .. ودانى
للجنه .. ليل ونهار
م الكذب .. نجىنى
واحمنى م الأشـرار

دى هدايه م الرحمن
لو هابقى عبد " صدوق "
دا الصدق فى الإنسان
يطالع بقلبه لفـوق

يارب .. املنى الروح
بالصدق .. والإحساس
خلينا .. فى مـا نـروح
للناس .. نجوم إخـلاص

هاصدق معاك .. والقـاك
سنـدى فى كل مكان
لو اتـوه .. الألقى ضياك
يارب .. فى القـرآن

ننــــــدده عليــــــك .. ونــــــتــــــوب
يــــــارب .. يــــــا تــــــواب
يــــــا طــــــه .. يــــــا مــــــحبــــــوب
إفــــــتح لــــــروحــــــنا البــــــاب

أفــــــلــــــح بــــــتــــــوبــــــتى .. واعــــــود
لــــــكــــــتابــــــك المــــــحــــــفــــــوظ
يــــــارب .. يــــــا مــــــوجــــــود
بــــــالــــــجــــــنــــــه .. نــــــفــــــسى أفــــــوز

دو بــــــنى .. فــــــى الغــــــفران
إغــــــفر لــــــى .. ذنــــــب قــــــديم
أنــــــا فــــــى الحــــــياه .. إنــــــسان
بــــــاســــــتــــــغــــــفــــــرك يــــــا كــــــريم

يــــــارب .. ثــــــوبــــــنا إــــــليك
إقــــــبلــــــنا بــــــالدــــــعــــــوات
لــــــمــــــا نــــــدــــــهــــــنا عــــــليــــــك
صــــــبــــــح الطــــــريــــــق حــــــســــــنــــــات

هــــــارــــــجــــــع إــــــليك تــــــايــــــب
إقــــــبلــــــنى لــــــاجــــــل اــــــرتــــــاح
لــــــو شــــــوقــــــتــــــى غــــــايــــــب
أرــــــجــــــوك يــــــارب .. ســــــمــــــاح

نــــــورك .. نــــــدده لــــــى
ســــــاعــــــة مــــــا قــــــلــــــت الــــــاه
والصــــــبــــــر .. كــــــان فــــــى
أجــــــمل ســــــنــــــد .. يــــــا إــــــله

أصــــــبر .. أكوــــــن أــــــبــــــوب
اللــــــه عــــــلى الصــــــابــــــرين
هــــــو الشــــــفا لــــــقــــــا
فــــــوق جــــــسر .. كــــــله أنــــــين

دقــــــينــــــى بــــــالأحــــــاديــــــث
بــــــالصــــــبر .. والــــــآيــــــات
أحــــــمد حــــــبــــــيبــــــى " جــــــليس "
و " و نــــــيس " .. مــــــع الصــــــلــــــوات

يــــــارب .. خلــــــى الــــــروح
صــــــابــــــره عــــــلى المــــــكــــــتــــــوب
دا الصــــــبــــــر .. للــــــمــــــجــــــروح
فــــــى الدنــــــيا .. أجــــــمل تــــــوب

هــــــاصــــــبــــــر .. ولا هــــــاشــــــك
إلا لــــــرب الكــــــون
جــــــوه الســــــجــــــود .. هــــــابــــــك
دائــــــمــــــا لــــــحــــــبه .. هــــــاصــــــصــــــون

نورك ندهنى .. أقوم
أذكر .. وأشكر فيك
لما صحيت م النوم
وجهت روحى إليك

أمنت بيك يا رءوف
ومشيت مع الآيات
بس الفؤاد مرجوف
من سكة الزلات

دى ملايكة الرحمن
حارسه خطايا إليك
تشفينى م الأحزان
ساعة نديا عليك

يارب .. لوشياطين
هاتخذنى سكه حرام
بيجينى هادى أمين
على دنية الإسلام

هاجمع إليك ندمان
جوايانهر إيمان
للجنة ماشى بشوق
بغلاوة القرآن

نايم .. على المغفره
قايم .. عشان أشكر
الجنة .. متصوره
قدامى .. لو أذكر

إغفرلى لاجل ارتاح
من ذنوب داس ع الروح
يا خالق الأرواح
إشفى على مجروح

دى جنتك يا إله
بابها لنا مفتوح
بتقول يا طه الله
ع الزهر .. لما يفوح

يارب .. كان الهوى
أيام زمان .. غلاب
لما صبحنا سوا
الجنة .. فتحت باب

هاستغفرك .. وأعوذ
يارب .. للملكوت
يا أصل أصل الجود
يا حياتنا .. بعد الموت

نورك .. زرع فى الكون
" البر " .. و " التقوى "
كون للفقير العون
كون للضعيف قوه

" التقوى " .. هى الزاد
و " البر " .. هو الخير
بحر " الأثم " .. لوزاد
هانضيع فى نار .. يا مجير

دفينى .. بالسجدات
خلينى .. قلب حنون
طايبر مع الآيات
لحديث رسولنا أصون

يارب .. نفسى أدوس
ع " الإثم " .. و " العدوان "
فى سكة " المبعوث "
أقرى معاه قرآن

هارب .. من " العدوان "
شارب .. من الأحاديث
لوزادت الأحزان
انت يارب .. مغيث

نهيك عن المنكر
يا قلبى .. أحلى طريق
إصحبى عشان تشكر
وتكون لطفه صديق

الأمير بالمعروف
هو ودوب الخير
للمؤمنين .. موصوف
وصلنا ليه يا قدير

دايب فى حب رسول
أحمد .. أمين .. محمود
الحب .. كنز أصول
وداننا للمعبود

يارب .. جيت بذنوب
تقدر تغطى الكون
خلينى لاجل أتوب
للدين .. أصبح عون

هاسمع بقلبى نـداك
وامنع آثم وأثم
وهاموت ياربى فداك
فى سكة الإسلام

ننادى المنادى على ك
يا مصطفى .. يا أمين
نور الآيات فى عينك
أصبح عماد للدين

أوعد .. ولزم اكـون
قد الوعود يا رءوف
للعهد .. روحى تصون
مهما يارب هاشـوف

دا الكـدب ليل بيـطـول
ويدوس على الكـداب
علمتـنا يا رسـول
إن الخيـانه عـذاب

يارب .. عمري ما اخون
مهما يخون الناس
بإيمانى هاصـبـج عـون
واتوضى بالإخـلاص

هاشـرح لكـل الناس
إن النفـاق مكـروه
والحبـب .. والإخـلاص
بيـبانوا .. لو هانتـوه

نـاوى أكـون برضـاك
"إصـلاح" ما بين الناس
شرفتـنى بضيـاك
عرفتـنى بالإخـلاص

أجـى إلـيك .. والـروح
صدقه .. ونور معـروف
يا منقـذ المجـروح
من بحر نار .. يا رءوف

دوبـنى فى كـلام
نـازل معـ المختـار
إهديـنى بالإسـلام
واكفـنى شر النـار

يارب .. نفسى أكـون
بحرين من الحسنات
لكـلام شفيعـى أصـون
واسهـر مع الآيـات

هارجـع أكـون .. لكـون
مُصلـح .. واكـون إنسـان
عمرك فى يوم ما تهـون
جوابـا .. يا رحـمن

ننادى اليتيم لى
مدينت إيديه إليه
شفقت الرسول فى
باست عنيه إيديه

أجى إليك يا يتيم
ويايان نور الله
وصانار ب كرىم
على كل مؤمن تاه

دافى دراع ممدود
للسائل المحروم
يا بحر فاض بالجدود
إرضينى بالمقسوم

يارب .. قلبى شريد
من غير رسول الخير
خلنى ندايا يزيدد
ع المحتاجين .. يا مجير

هاصبح حنان على طول
ليتيم .. بدون جناحين
وصاننا أغلى رسول
على قلب كله أنين

" نفقه " .. فى سكة خير
ع " الأهل " .. و " المساكين "
تشفى القلوب يا مجير
وتعلى قصر الدين

أهلى .. طريق سعدى
يحمونى م الزحمة
إبنى .. سجد بعدى
الله على الهمه

دول ناسى .. هاديهم
من كل شئ لى
بالعمر .. هافديهم
وبروحى .. وعنيه

يارب .. لقمه حلال
بتشبع الأحباب
لما ينادى بـلال
للعلاه .. نفتح باب

هاجى إليكوا بشوق
يا أهلى .. واصحابى
لاجل الليالى تروق
هافتح لكم بابى

نَعطى لوجـه اللـه
كل اللـى ويانـا
أحمد .. سحرنا ضياه
لما بنور .. جانا

أعطيك .. ولا أنسـاك
يا صاحبـى .. يا عايـز
لو يوم وقفـت معاك
بالجنـه اكـون فايـز

دا المـلك لك يا مليـك
يا اللـى ملكـش شريك
اللـه علـى " الإنفـاق "
لو ليـك .. عشـان نرضيك

يارب .. زيـد فضلك
ع المؤمنـين بضـيك
إعطـى لمن سألـك
واللـى سجد لعـلاك

هارمـى فى أرض الخيـر
بـنـره .. تـكون فـدان
اللـه علـى المشاويـر
فى سـكة الغـفران

نعطى لجاننا حنـان
يرزقنا رب الـى
اللـه علـى القـران
لو نسمعه من جـار

أنا بـاعـبك يا إلـه
وبنـادى ع الخـلان
لو جـارى قـال الآه
أجـرى علـيه بـحـان

دافـى يا بيت جـارى
بالحـب .. والإخـلاص
زارع فى أزهارى
فـوق سـكة الإحـساس

يارب .. جـارى منـار
فى طريقـى مهمـا يطـول
فى الروح .. زرع أنـوار
فى طريق " قيم " .. و " أصول "

هـى الحـياه من غير ..
جـارى .. هاتـصبح إيـه
خليـنى اكـون يا مجـير
دايمـا فى ضـى عنيـه

نُوصِّل فِى أَرْحَامِنَا
اللَّهُ عَلَى الْوَالِدَيْنِ
إِسْلَامِنَا .. عَلِمْنَا
نَصْبِح نَجْوَمَ لِلدِّينِ

أُمِّى وَأَبِىَّ أَسَاس
فِى السَّكَنِ .. لَوْ هَاتَطُولُ
وَكُنْزٍ مِنَ الْإِحْسَانِ
وَأَيْمَانٍ .. وَنُورٍ .. وَأَصُولُ

يَا أَبَاهُ .. غَلَابَهُ .. بِدُونِ ..
الْأُمِّ .. وَبِدُونِكَ
فِى حَيَاتِى .. كُنْتُ الْعَوْنُ
وَالرَّبِّ .. كَانَ عَوْنُكَ

يَا أُمِّى .. نُورِكَ فَاضَ
عَ الْقَلْبِ .. وَالطَّرْقَاتِ
يَا جَابِيَهُ لَيْنَا الْبُزْدَانِ
مِنْ دُنْيَا الْحَسَنَاتِ

هَلِّى كَمَا .. هَلِّى
يَا نَجْمَةَ " الْأَرْحَامِ "
عَلَى سَكَنِ صَلِّى
هَنِينًا بِالْإِسْلَامِ

نُورِكُمْ يَا أَهْلَ الْبَيْتِ
بَيْنَ الطَّرِيقَاتِ
لِيَكُمْ .. بِرُوحِى نَادِيَتِ
يَا أَجْمَلَ النَّفَحَاتِ

أُنَادِيكُمْ .. لِيَلَّ وَنَهَارُ
يَا أَهْلَ بَيْتِ النُّورِ
يَا مَنْبِغَ الْأَسْرَارِ
يَا أَرْضَ خَيْرِ رُزْهَوْرِ

دَا قَلْبِى .. جَاءَ مُشْتَاقُ
لِيَكُمْ .. يَا أَهْلَ الدَّارِ
يَا أَعْظَمَ الْأَسْمَاءِ
فِى رَحْلَةِ الْمُخْتَارِ

يَا أَهْلَ بَيْتِ الشُّوقِ
أَنَا جِئْتُ أَبُوسَ الْبَابِ
لَوْ قَلْبِى كَانَ مَخْنُوقُ
يُشْفِيهِ لَقَا الْأَحْبَابِ

هَاسَجِدُ فِى أَرْضِ اللَّهِ
وَأَدْعِيكُمْ بِالرَّحْمَةِ
لَوْ قَلْبِى ضَلَّ .. وَتَاهَ
قَابِلُونِى فِى الزَّحْمَةِ

نرجووك يا علام الغيوب
تغفر ذنوبنا يا غفور
يا سجدته طاهره للقلوب
ورجاء ورحمه وضوء ونور

ألقاك فى كل مكان حنان
فاتح إيديه دايماً لنا
إشفيناً بالقرآن .. عشان
إحنا قلوبنا مؤمنه

دايماً بتنده للجميع
فجأه .. يعودوا للطريق
باعث لنا .. طه الشفيع
عشان يكون للكون صديق

يارب .. دايماً رحمتك
ورضاك .. فى قلب المسلمين
واللى هايوصل جنتك
هو اللى قال لضياك آمين

هاطلب يارب المغفره
تسامحنى عن كل الذنوب
إحنا حياتنا قصيره
للجنة .. خُذ كل القلوب

نهديك حياة الروح
يارب .. ياستار
نيجى إليك .. ونروح
توهبنا " أحمد " جار

أنا مستحيل يارعوف
هاصبح فى لحظه بخيل
خلينى أقدر اشوف
نورك فى عز الليل

دار الخلود فاتحه
للى قدر يعطيك
الله على " الفاتحه "
واحنا ما بين أياديك

يارب .. إعطينى
" خلفاً " ونور .. وأمان
م الجنة .. إسقينى
واشفينى .. بالقرآن

هاعطى الجميع مالى
المال ده .. مال الله
صباح المقام عالى
لما مشينا معاه

نوهب جميع ممالك
للصاحب المحتاج
ييارب .. ونجيك
توهبنا .. أعظم تاج

أننا للجميع هاعطى
كل الذى كان لى
ألقى السما تشتى
على قلبى .. حنىه

دارى ييارب الكون ..
بى .. واننا محتاج
للناس .. هاكمون فى العون
إوهبنى فضلك تاج

يارب .. قدرنى
أوهب جميع مالى
فى الآخره .. إنكرنى
علشان يروق بالى

هاصبح سند لعباد
واقفين على بابك
باركت لنا الزاد
علشان لأحبابك

نيجى إليك .. نذكرك ..
الموت .. ونسجد لىك
على كل شئ نشكر
ونصلى بين أيديك

أننا ضيف .. على أرضك
إرضينى بالقـرآن
قدرنى اصون فرضك
علشان أكون إنسان

دفتـر .. وفيه اسمى
إغفرلى .. يا غفار
حرم جميع جسمى
يانور مبين .. ع النار

يارب .. جينا نـول
الجنه بالحسنات
وشفيـنا .. أغلى رسول
يحمينا م الزلات

هم القلوب بيـزول
لو نذكر " الديان "
ننـده لأغلى رسول
الصـادق .. الإنسان

نمشى فى أرض الله
بتواضع الإنسان
يا سكه .. للى تاه
إهدينا بالقـرآن

أناع الغرور شاطب
إوعدننى بالغفـران
أناع الببـيان كاتـب
المجد للإنسـان

دقيـت على بابـك
إفتح لعبـد ضعيف
خـادم فى أحبابـك
عايش كأنتـه ضيف

يارب .. مهما هـاكـون
عمرى ما اكـون مغـرور
بضياك .. هـاكـون فى العون
وهاـلى أرضـك نـور

هاجـى إليـك محنـى
علشان أنا محتـاج
فى الزحمـه .. تلمحنـى
توهبـنى عطفـك تـاج

نورك .. رفيق جـدا
خيرك .. " رفيق " للناس
ما اقـدرش اكـون أبـدا ..
قاسـى .. بـدون إحسـاس

السـيئه .. سيئه
إرزقنا بالحسـنات
سـكك " العـداء " ضيقـه
يا خالق السمـوات

دقيـت على خصمـى
أصبـح " ولى .. حميم "
يارب .. صـون إسمـى
لاجـى إليـك يا كريم

يارب .. كـون عونـى
خلينـى بحر نسيم
من فضلـك اعطينـى
وارضينـى بالتكـريم

هاصبـح " رفيق " على طول
علشان أنـول النـور
علمنـى أحلـى رسـول
أرفـض طريـق الـزور

نوفى بعهد الله
ونصاحب الصادقين
اللى بيخالف .. تهاه
فى سكة الضالين

أوفى .. ولا أخلف
ولا اخون فى يوم مبدأ
مهما الكذب يحلف
م المستحيل يُصدق

دقنى بالحسنات
بالصدق .. لاجل أنول
بالحب و الصلوات
يشفعلى أحدى رسول

يارب .. مش معقول
أكذب وأنا إنسان
إجعلنى بحرقبول
فيه الشراع .. قرآن

هاجى .. فى قلبى عهد
أوفىها مهما يكون
الخير ضرورى يسود
وهايملى كل الكون

نستأذك فى دخول
الروضه .. بالأرواح
الجنه .. بابها رسول
جواب للبشر مفتاح

إسمحلى أدخل لىك
جوده العروق قرآن
أسجد ما بين أيديك
توهبنى فى الغفران

دقيت على الأبواب
قبل الدخول لىك
واقف مع الأحباب
نشرب بروحنا ضيك

يارب .. يا علام
علمتنا الأحاديث
بالحب .. والإسلام
عشنا الحياه يا مغيث

هادخل عليك ملهوف
واستأذك فى سجود
قلبى صبح يار عوف
ساعة لقائنا .. ورود

نتعلمك يا حديث
ونعلمك يا رسول
الله على الأحاسيس
لو تبقى جوه القبول

العلم سكة نور
للجنة .. ليل ونهار
لما هايجي الدور
تحمي القلوب م النار

دليلى جوه الليل
يانجوم على الطرقات
العلم أغلى دليلى
وصلنا بالآيات

يا علم .. كونلى صديق
يا نعمه م الرحمين
الجهل .. بحر غريق
للجاهل .. الغفلان

هارب من الظلمات
لاجئ لعلم حبيب
إحمينى م السزلات
كون للى ضاعوا .. طيب

نشكر .. فى فضل الله
نذكر .. رسوله بشوق
الله .. وهبنا ضياه
خدنا معاه .. على فوق

أشكر .. ولا أنسى
أذكر .. بقلب رقيق
الحمد ده .. مرسا
وصديق .. فى أغلى طريق

دا " ذكر " .. خدنى معاك
فاكر ضياك .. شاكر
الله على نجواك
لياسة ما اكون ذاكر

يارب .. قدرنى
ع الشكر لك على طول
لو تهت .. فكرنى
فى الليل بأحلى رسول

هاذكر .. ومش هانسك
يارب .. يا موجد
هاشكر .. واموت فى هواك
إقبلنى لما هاعود

أرجو .. تسامحنا
لو يوم لساننا يخون
الليل .. ييجرحنا
يارب .. كون في العون

أحفظ لسانى عشان
أسلم من الأخطاء
أنا مش هاكون إنسان
والقلب فيه الداء

دايم يارب الناس
فى قلوبنا ليل ونهار
نور الأمانه أساس
لازم نصون الجار

يارب .. إحمى الروح
نار " النميمه " دمار
اننا لما اكون مجروح
أجأ لدار الجار

هنيئى جوده دروب
فيها الأمانه نجوم
إوصل قلوب بقلوب
خلى المحبه تدوم

نسعى إليك على طول
وبنتا عرم عبداك
علمنا أغلى رسول
دايمنا نصون عهدك

أنا باحترم جارك
مهما يكون مجروح
علمنى أسرارك
واهدينى فين ما أروح

دينك .. دا دين النور
ضد " الفسوق " والنار
لو عبت فينا .. يجور
على اخوه .. يكون جبار

يارب .. عمري ما أقول
على صاحبى .. أى كلام
قلب الرسول بيقل
إن السلام .. إسلام

هاذكر جيرانى بخير
ما اقدرش اكون ظالم
خلينى عون للغير
يارب .. يا عالم

نغـلـط .. وتغفر لنا
يارب .. يا غفار
لسـه القلوب مؤمنه
هيمنـه .. فى استغفار

أستغفرك .. وأتوب
تقبلنى لاجل أعوذ
قلـبى معـاك بيدوب
يارب .. يا معبود

دافى الكتاب .. محفوظ
فى جنته بارتاح
بالجنه .. قلبى يفوز
لو ليك همست .. سماح

يارب .. إقبـل روح
جائـه .. بتستغفر
خلينى لو مجروح
مع حضرتك أسهر

همى نسيته معاك
يا عليم بكل الناس
لمـا نادانى ضيـاك
صبـح الفؤاد حساس

نرضى بحكمك يا إله
يا محدد الأرزاق لنا
تظهر بنورك لى تاه
فى سكه طاهره .. حينه

ألقاك معايـا .. ع الطريق
ساند خطايا لو أتوه
جوه السجود .. شفت البريق
يارب .. مالى فى الوجوه

دورى .. ودورى يا حياه
وخدينى دايما للاله
أتوضى من نهر الإيمان
وابدا مع طه صلاه

يارب .. مش هاقدر أكون
غير عبد .. راضى بكل شئ
الدمعه باينه فى العيون
والسجده .. نجده فى الطريق

هارضىك يارب العالمين
واناديك بروحى ليل نهـار
إشفع لقلـبى بالأمين
واحمينى من ليل الدمار

نورك يارب الكون هنا
مالى حياتنا ليل نهار
ويا القلوب المؤمنه
الهادى لنا .. أعلى دار

إندهنى .. لو لحظه أتوب
يارب .. يا سر الحياه
يا نور على كل القلوب
يا هادى روحنا بالصلاه

دارك .. دخلت الدار لقيت
نورك بيملى فى الجهات
بيتك يا قادر .. أعلى بيت
وعنيّه نورها .. م الآيات

يارب .. جمع شملنا
يا نور عيونى ومهجتى
إوعدنى نسمة حنيه
تقدر تنشف دمعتى

هارجع أتوب .. مهما جرى
كاره جميع السيئات
السكه لسه ممرره
محتاجه لنجوم الآيات

ندمى عليك يا عمر ضاع
من غير دليل .. فوق الدروب
خسران حياتك .. يا اللى باع ..
النور .. ومش قادر يتوب

إسعدنى يارب الأثام
بالحب .. واللقمه الحلال
إحمينى من شر الآثام
صحينى ويا أذان بلال

دَوَّبْتُ رُوحِي فِي الْإِمَامِ
أحمد .. رسول العالمين
فى الليل سجد .. جنبى الحمام
وقريت آياتك .. قال (أمين)

يا عالم الأسرار .. لقيت
راحتى معاك .. ياذا النِّعم
على كل شئ منك رضيت
يا حامى رُوحى .. م الندم

هارجع حماك .. لاجئ إليك
ناده عليك .. بدموع سيول
لما سجدت ما بين إيديك
قلبى وصل .. شط القبول

نورت لنا سكتك
وندعت روحنا .. عشان نعود
لما اجتمعنا ف حضرتك
ما شبعنا من كُثر السجود
**

أسجد على أرض الحلال
واتهجى فى سورة ياسين
أصحى على " بحة " بلال
ويا جميع المسلمين
**

دوبت روى فى الشفيق
قربت قلبى من سماك
يا خالق الكون البديع
الجنه .. بابها .. نجوم رضاك
**

يا خالق الإنسان برئ
إحمينا من شر الحياه
خلينا نسمة ع الطريق
رعشة سجود .. جوه الصلاه
**

هارضى .. ولا يرضينى شئ
إلا رضاك .. يا نور مبين
واضح لنا .. فوق الطريق
قادر .. أحد .. موجود .. معين

نورك يارب الكون براح
مالى الأراضى بالضيا
إوعنا بنجوم السماح
مع طه .. شمس الأنبياء
**

أنده .. إذا طال الغياب
على رحمتك .. علشان أعود
تفتح عشائى .. أغلى باب
ترزقنى .. يارب الخلود
**

دفتر حساب روى اتملى
يارب .. إغفر لى تاه
خلينى دايب فى الصلا
واقبلنى تانى يا إله
**

ياذا الجلال .. ياذا النعم
إسترنى فى نص الطريق
إحمينى .. من أرض العدم
خلى الرسول للروح صديق
**

هاسبق خطايا .. واوصلك
يارب لاجل معاك أتوب
ساعة سجودى .. أسألك
فى غرام رسول الله أدوب

ثَوْرَنَا بَيْتَكَ بِالْأَدَانِ
عَطَرْنَا رَوْحَنَا بِالْآيَاتِ
الذِّكْرُ نُورٌ .. جَوْهَ الْمَكَانِ
وَمَفِيشٌ فِي رَوْحَنَا سِينَاتِ

أَرْضِي بِحُكْمِكَ يَا رَعُوفَ
وَاصْبِرْ عَلَى حُكْمِ الزَّمَنِ
الْمُؤْمِنِينَ مَاشِيِينَ صَفُوفَ
وَالْكَعْبَةِ .. لِقُلُوبِهِمْ وَطَنَ

دَا قَلْبِي .. يَا رَبِّ الْإِنَامِ
سَاجِدٌ عَلَى أَرْضِ الْحَمَا
عَمْرُهُ مَا دَقَّ فَيَوْمَ حَرَامِ
وَلَا شَافَ سِوَاكَ .. جَوْهَ السَّمَاءِ

يَا مُنْقِذَ الْقَلْبِ الْعَلِيلِ
مَنْ أَى سَكَّةَ ضَيْقِهِ
نُورَ الْكِتَابِ .. لِلرُّوحِ دَلِيلِ
بِيَدَاوَى رَوْحَنَا .. مِ الشَّقَا

هَارِجَ عَشَانَ أُنْدَهُ بِشَوْقِ
يَارَبِّ .. يَا أَعْظَمَ مَعِينِ
خَلِينِي وَيَا النُّجْمَةَ فَوْقِ
أَسْمَعُ فِي "نُورٍ" سِيدَى الْأَمِينِ

نَدَى الضِّيَاءِ .. لِلْقَلْبِ قَوْمِ
إِذْكَرُ فِي رَبِّ الْعَالَمِينَ
كَانَ الْقَضَا .. مِلْيَانَ نَجُومِ
جَوْهَ طَرِيقِ الْمُسْلِمِينَ

أَلْمَحْ آيَاتِكَ فِي الْعَيُونِ
أَبْكِي وَرَوْحِي تَذْكُرُكَ
فَجَاهٌ .. تَضِيعُ كُلَّ الظُّنُونِ
يَارَبِّ .. تَتَانِي أَشْكُرُكَ

دَابَّ اللَّيْلِ دَابَّ .. جَوْهَ الدَّرُوبِ
وَلَا حَدَّ غَابَ .. عَنْ سَكَّتِكَ
كُلَّ اللَّيْلِ ضَاعَ .. رَاجِعَ يَتُوبِ
عَلْشَانَ يَدُوبُ فِي جَنَّتِكَ

يَا مُنْقِذِي .. مِنْ كُلِّ خَوْفِ
يَا مُطْمِنَ الْقَلْبِ الْحَزِينِ
إِرْحَمْ قُلُوبَنَا يَا رَعُوفَ
وَاشْفَعْ لَنَا .. بِرَسُولِ أَمِينِ

هَمَّ النَّفْسِ .. بِيَزُولُ إِذَا ..
السَّجْدَةَ كَانَتْ عِ التَّرَابِ
تَصْبِحُ قُلُوبُنَا مَعَزَزَهُ
لَوْ عَوَدْنَا .. مِنْ بَعْدِ الْغِيَابِ

نامت عيوني .. وقلبي نام
ينده عليك .. بدموع ندم
يا حامى روحنا .. م الحرام
إشفينا من دنيا العدم

أسمع بلال .. م النوم .. أقوم
أتوضى .. وأذكر حضرتك
لو يوم تفيض بى الهموم
قلبي يدوب .. فى " حضرتك "

دافى يا قنديل الرجوع
للمولى .. ونجوم الأصول
نزلت على الشباك دموع
ساعة دخولنا ع الرسول

يا شافى قلب اللى انكوى
بالذنب .. توب ع المذنبين
خلينا بالقرآن سوا
واشفينا بالهادى الأمين

" هل من مزيد " .. النار هنا
فى الدنيا باينه للجميع
لاجل القلوب المؤمنه
إسندنا يومها يا شفيع

نرضيك يارب الكون إذا
صبحت قلوبنا مؤمنه
إحمينا من ليل الأذى
ومن العذاب .. ومن الضنا

أرتاح فى بيتك يا مجير
وانسى الآهات المؤلمه
للمصطفى .. قلبي أسير
ويا القلوب المُغرمة

دق الجميع على باب ضياك
والكل نادى بشوق عليك
لما القلوب سمعت نداك
سجدت ياربى .. بين إيديك

يارب .. يا حامى البشر
من ليل شيطان .. أخرس .. رجيم
خلى الآيات .. لنا قمر
يهدينا دايمًا يا كريم

هاصبح على السكه دليل
دايمًا يصاحب فى اللى تاه
يرضىنى من رزقك قليل
يا كريم على .. يا إله

نبنى بيوتك يا مجير
وندوب فى حب المصطفى
على كل شئ .. إنت القدير
والآيه جوه الروح دفا

أبنى فى مكه الطاهره بيت
جوه المدينه .. شطوط ورود
عند المقام .. بالروح لقيت
نور الرسول .. مالى الوجود

" دعوه " .. وجانا النور طوفان
وعرفنا أسرار الوجود
قرآن .. بيغسل فى الكيان
وبيحى روحنا بالسجود

يارب .. قدر قلبنا
يصبح حبيبك .. يا إله
الهادى .. يسجد جنبنا
فى كل أنحاء الحياه

هاسمع كلام المصطفى
وأقرى آياتك ليل نهار
مصحف شريف .. فيه معرفه
الحرف فيه .. مليون منار

نرتاح مع القرآن .. ندوب
ونتوب من الذنب القديم
يارب .. يا هادى القلوب
إهدى نفوسنا يا كريم

أسهر مع الذكر الحكيم
تنزل دموعى ع الكتاب
إرحم فؤادى يا رحيم
وافتحلى يوم الزحمه باب

دايب فى أنوار الشفيق
شايل حديثه فى الدما
إزاي فى ضلمة ليل أضيع
والبدر قايد فى السما

يارب .. لما الذنب زاد
إحنا لجأنا للصلا
نهر الإيمان والحب فاض
والقلب بالنور اتملا

هارضى ولا هاقدر فى يوم
أتحدى فى حكم الزمان
مهما تزيد فى الهموم
ما أقدرش اخالفك مهما كان

نجم المحبه .. ظهر وبان
عشان قلوبنا الطيبه
تظهر نجومك فى المكان
تهدى عيوننا المتعبه

أسجد على جسر الخضوع
ألقانى سابح فى الفضاء
سجادتى تتحول دموع
ودموعى تتحول ندى

دمى .. ببجى فيه آيات
فى كل لحظه .. ببشرك
يا حبيبى .. كل السيئات
بتسيبنى .. لما أذكرك

يارب .. مش قادر أعيش
من غير حمايتك ليل نهار
غيرك يارب الكون ماليش
إلا شفيع الدنيا جار

هاندہ إذا طال المسا
واسجد إذا زاد الألم
جوه القلوب المخلصه
صوت الأذان .. أجمل نغم

نشأتق اليك .. ياذا النعم
يا خالق الكون البراح
فى السجده .. بنقولك نعم
فجأه .. تزول كل الجراح

أهرب من الأرض السراب
للجنة .. وسحاب المُنَى
يُحُضن جبينى فى التراب
ويا النفوس المؤمنه

دافيه دموعى .. ع الخدود
صافيه حروفى .. بالدعاء
نفسى ورود الخير تسود
ويعود معاها الكبرياء

يارب .. ضاعت سكتى
إهدينى دايمًا يا مجير
إجعل ندايا ودعوتى
لك يا إلهى .. يا قدير

هنا أو هناك .. نورك خرج
يهدى جميع الكائنات
جانب عشان روحنا فرج
طهر قلوبنا بالآيات

نشرب يا زمزم .. ليل نهار
الحب يجرى فى العروق
مكه .. لكل الناس منار
ومقام حبيب الروح .. شروق

أسرح يا خالق كل شئ
فى الأرض دايمًا والسما
نور الكتاب .. يصيح طريق
حاضن قلوبنا المغرمه

داب الفؤاد فى محبتك
أصبح غريب الدار .. حبيب
سجد الجميع .. فوق سكتك
نور الآيات .. كان الطبيب

يارب .. جففت الدموع
وأتيت إليك .. مليون بشوق
رددت إسمك فى خشوع
وطلعت ويا الآيه فوق

هرم الذنوب .. مين يهدمه
غير السجود .. تحت السحاب
لو قلبى تاه .. بتكلمه
تفتح عشانه ألف باب

نسبح فى أنهار الوجود
ونصلى ع الهادى الشفيع
إنت الإله .. رمز الخلود
لو يوم نسينا ضيائك .. نضيع

أشرب بروحى م الآيات
وأتوب .. وجوه النور أدوب
حققت لى الأمنيات
يا عليم بأسرار القلوب

دايم يارب العالمين
حافضين آياتك للأبد
والمصطفى الهادى الأمين
جايب لنا " المصحف " .. سند

يارب .. رافع فى الزحام
إيدى اليمين .. لاجل اذكرك
باعث لنور طه سلام
فى كل لحظه باشكرك

هجر الفؤاد .. كل الذنوب
وأناك يارب المؤمنين
لما نويت يا كريم أتوب
جوه المنام .. زارنى الأمين

نكتب على كل السحاب
إنك عشان روحنا مدد
طه مازال .. وياه صحاب
للمسلمين .. هُما السند

أفضل أنادى ع الرسول
واقرى كتابك للجموع
ليه المطر .. نازل سيول ؟
دا مش مطر .. دا طوفان دموع

دم الوريد .. ببسبحك
الله على اللقمة الحلال
فى كل يوم .. باستسمحك
ترحمنى من نار الضلال

يارب .. بيتك فيه عباد
فى كل لحظه بيذكروك
وانا قلبى من يوم الميلاد
بيصلى .. يا " ملك الملوك "

هاجرت من " أم القرى "
رايح على " أغلى المُدن "
الله يا شمس المقدره
جوه عنيك .. " جنة عدن "

نتمنى يارب العباد
ترضى علينا .. ليل نهار
يوم الرحيل .. يصبح ميلاد
تحميننا من نار الدمار

أرضى بحكمك مهما كان
واستنى عطفك ليل نهار
قلبي يدق على البيبان
والهادى يصيح لى جار

دارى يا قلبى فى الجراح
بكره جراحتك تنمحي
ياروحى .. لو قاسيين .. سماح
إوعى لمؤمن تجرحى

يارب .. ساعد قلب ضاع
ع التوبه .. ساعد ع الوصول
إحميه بفضلك .. م الضياع
خليه يصاحب فى الرسول

هافرح .. إذا زُورت الشفيع
عشان يجفف دمعتى
يهدينى .. لو فى الليل أضيع
ويكون دليل فى سكتى

نطلع على مدنة إيمان
صوت الأذان .. يملئ الفضاء
النور .. زهور .. جوه المكان
والدمع كان .. زى " الندى "

أمشى على جسر الصفا
تحرسنى من ليل الجحود
ألقى حبيبى المصطفى
جنبى .. إذا طال السجود

دقيتى يا إيد الوصول
على باب حبيب كل البشر
بعته الإله لينا رسول
فى جيوبه ميت بليون قمر

يارب .. قنديل العطاء
قايد لكل العالمين
علمت قلبى الكبرياء
بالمصطفى الهادى الأمين

هاسبق .. واجيلك يا رءوف
متوضى من نهر القبول
إزاي هادوق يارب خوف
وانا م الشفاعه .. خلاص هانول

نفضل نزورك يا شفيع
طول ما القلوب بصه عليك
الشوك صبح .. فى إيدك ربيع
لما وصلنا يا طه ليك

أكتب على قلب السحاب
إنك حبيب كل البشر
القلب ويا السجده داب
يا طه .. يا أظهر قمر

ذهب الحروف .. جوه الكتاب
ألماظ .. ولؤلؤ .. يا إله
إسندنى فى يوم الحساب
وارحمنى فى قلب الحياه

يارب .. قرآنك صبح
لينا المناره .. والأصول
لو قلب م الدنيا انجرح
يشفيه .. صلاته ع الرسول

هاصفى لكل الناس هنا
واصفى لكل الناس هناك
الشوك هايصبح سوسنه
والعاصى ليك .. هايكون ملاك

نُقرى بشوق سورة ياسين
نسجد على أرض الضياء
ننده على الهادى الأمين
طه .. إمام الأنبياء

أرجع بشوق أندة عليك
وأصلى ع الهادى الحبيب
تسجد دموعى بين إيديك
وصلاتى تتحول طبيب

دوبت قلبى فى الآيات
وشربت من نهر الوفا
فى حياتى .. ظهرت معجزات
ويا حبيبى المصطفى

يارب .. مش قادر أكون
غير " عبد " خاشع فى الركوع
مين اللى يقدر يوم يخون
مين اللى يهرب م الخضوع

هاعمل لدنيايا .. واقوم
أسجد لجاهك يا معين
إرتحت من كل الهموم
بصلاتى ع الهادى الأمين

نمشى على درب الرسول
نلقى الهدايه بدون حدود
القلب .. لو وياك .. يئول
ويشوف ضياك .. جوه السجود

أطلع بروحى للسحاب
ألمح ضياك فى كل شئ
إحنا مصيرنا .. للتراب
إحمينى من شر الطريق

دفيت عنيه بالكتاب
وسهرت ويا صحبتك
إنت فتحت عشائى باب
ورسمت لى سكتك

يارب .. جيت .. فى القلب نار
والسكه غامقه .. مؤلمه
لما الرسول .. أصبحلى جار
قمرى ظهر .. جوه السما

هارفض جميع السينات
واسجد على طول المدى
هاكتب ياربى فى الآيات
على كل حته فى الفضاء

نرجع إليك .. علشان نتوب
ننده عليك .. جوه الطريق
جوه الآيات .. روحنا تدوب
ونكون عشان الناس صديق

أقرئ آيات الخير واعد
قلبي بينده ع الشفيع
بالروح .. أحافظ ع العهود
علشان أكون .. إنسان مطيع

دقيت .. على باب الأصول
وناديت .. بدمعى ع الضيّا
فجأه .. فتح لى الرسول
طه .. إمام الأنبيّا

يارب .. يا حامى الحما
إقبلنى .. لو عايد إليك
الروح بحبك مغرمه
والقلب ساجد بين إيديك

هانداه ليلاتى عليك بشوق
واترجى تقبل دعوتى
أوصل يارب بقلبي فوق
ألقانى شايف جنتى

نغديك بروحنا يا أمين
ما انت حبيب كل الأنام
يارسول لكل المؤمنين
الله عليك .. أشرف إمام

أبكى إذا زورت المقام
تصبح دموعى نجوم وفا
مين اللى أكبر م الكلام ؟
هو الشفيع المصطفى

دين المحبه .. ظهر معاك
يا طه .. يا بحر المنى
المؤمنين .. ماشيين وراك
علشان قلوبهم مؤمنه

يارب .. خلى المصطفى
هو خليلي فى السفر
إسقينى من حوضه شفا
يحمينى من جبل الخطر

هنينى .. بالنسمه الحلال
واعطينى نورك سلسيل
وجهنى ليك .. ياذا الجلال
خلينى جوه الكون دليل

نرضى برزقك لو قليل
نقرى آياتك يا حفيظ
المصطفى .. هو الدليل
وانت الرعوف .. وانت العزيز

أنده عليك .. بين الزحام
واسجد لنورك ع الجبل
تنده لروحي .. بدون كلام
تزرع فى وجدانى .. أمل

داير يا قلبى ليل نهار
علشان تساعد فى الجميع
داقق على كل الديار
بتصلى ع الهادى الشفيع

يارب .. خلى القلب نور
يملى النفوس الطيبه
يصبح هلال .. ع الكون يدور
ويكون فى نهرك .. مركبه

هديت يا طه فى الضلال
عديت بحور .. مالهاش عدد
زارع لنا .. شجر الحلال
جايب لنا قرآن مدد

نلقى كتابك فى الكيان
الآيه .. شمس منوره
نصحى على صوت الأذان
يصبح طريقنا .. مغفره

أتهجى فى كل الآيات
واسهر على ضىء الحروف
إمحي جميع السينات
وارحم دموى .. يا رعوف

دوبى يا روح المؤمنين
فى حب أنوار الرسول
المصطفى الهادى الأمين
شمس الفضيله .. والأصول

يارب .. مش قادر أقول
غير إنى .. مش قادر أقول
خلينى أقدر انول رضاك
واتهنى بنجوم القبول

هاستنى أيام الرجوع
علشان شفاعه من نبى
كاتب آياتك بالدموع
يارب .. حقق مطلبى

نسمع آياتك يا إله
ترتاح نفوسنا المتعبه
القلب فى بحر الحياه
هو شراع المركبه

أسمع حديث نور الأنام
أسرح فى ملكك يا إله
أبعت إليه .. مليون سلام
يوصلنى جوه الليل ضياه

دربت روى ع الوصول
لحماك .. يارب العالمين
سلمت ع الهادى الرسول
وآمنت بالحق الأمين

يارب .. قلبى نده عليك
ساعة ما ضاع بين المحن
لما قدر يوصل إليك
صبح الرسول لى وطن

هارجع إليك .. تايب .. ذليل
واطلب حماك .. بدموع مطر
أنا كنت تايه جوه ليل
يا حامى روى م الخطر

نتهنى .. لو زارنا الأمين
تفرح قلوبنا بطلعته
نوره .. فى أرض المؤمنين
والكل ماشى ف سكته

أسبح فى أنهار الحديث
والمصطفى .. هو الدليل
الآيه .. للمجروح جليس
والحب .. للمؤمن خليل

دورى يا دنيا بالعباد
صحى اللى كان .. ناسى الفروض
خلى الممات .. لينا ميلاد
وخلاصنا .. فى دمع السجود

يارب .. سامح عبد تاه
جوه الحياه .. واعطف عليه
لطريق صواب .. رجع خطاه
إملى بنور عطفك عنيه

هارب إليك .. من كل شئ
ناده عليك .. بدموع ندم
لما سجدت .. على الطريق
كل الوجود .. قاللى : نعم

نهدى فى بيتك يارسول
تنزل دموعنا بدون حدود
علمتنا معنى الأصول
وازاي نشوفك فى السجود

أسمح لنفسى بالدخول
تنزل دموعى ع المقام
إوعنى دايم بالقبول
واشفينى من شر الحرام

دوبى يا روحى فى السحاب
واتهنى بالنسمه الحلال
كونى لنور المولى باب
واحمينى من نار الضلال

يارب .. لو ضاع الطريق
نورك هايتحول دليل
لما الرسول .. يصبح صديق
الروح هاترضى بالقليل

هارضى بحكمك .. مهما كان
يا اللى خلقت الكون لنا
خالد على طول الزمان
جوه القلوب المؤمنه

نور الإيمان .. جوه الوجود
الله على نور الهدى
يارب .. يا أصل الخلود
إقبلنا لو طال النداء

أسهر مع ضى الكتاب
أنده حبيبى المصطفى
الجنه .. تفتح لى باب
مكتوب عليه .. (باب الصفا)

دوبتنى .. جوه الحديث
عرفتنى .. معنى " القيم "
خليت رسول الله جليس
لو يوم ناديت .. بيقول نعم

يارب .. مش محتاج لشي
طول ما انت جنبى فى الحياه
خلينى اسامح فى المسئ
واعرف حدودك يا إله

هاجى إليك .. علشان أدوب
واتهنى بكتاب الخلود
إنت اللى عالم بالقلوب
بتحب عبدك لو يعود

نهرك .. إذا اتوضينا فيه
ترتاح نفوسنا م العدم
والقلب .. لما تنادى ليه
الدقه تهمسلك : نعم

الله .. يارب المعجزات
يا خالق الكون البراح
طهرنا بحروف الآيات
قدرنا دايما ع السماح

دفينى يا كتاب الخلود
خلينى واقف ع الجبل
لو ثوht .. قول لى أعود
وازرع كيانى بالأمل

يارب .. جيت لحماك جريح
إسقينى من نهر الشفا
خلينى بالقرآن فصيح
يصبح طريقى معرفه

هادى قلوب المؤمنين
بالآيه .. ونجوم الحديث
لما نطقنا بشوق .. أمين
صبح الرسول .. لينا جليس

نسهر مع أعظم آيات
وندوب فى حب المصطفى
إنت أساس المعجزات
يارب .. وانت المعرفه

أرتاح فى بيتك يا مجير
واشتاق لأنوار الإمام
الله .. يا عالم بالمصير
إسعدنى فوق جبل السلام

دوب فى جمال المعجزات
يا قلبى .. واتوضى بنور
خليك على جبل الثبات
زارع مكان الشوك زهور

يارب .. يا هادى القلوب
إهدينا للسكه الحلال
خلى اللى تاه .. فى الليل يتوب
يرجع إليك .. ياذا الجلال

هايم .. ونائم ع الإيمان
يارب .. نُور سكتى
خلينى اشوف .. بعد الأدان
طه الحبيب .. فى سجدتى

نفرح إذا .. دخل الفؤاد
ع الروضه .. يهدى قلبنا
الله على شمس الميلاد
لما بتسجد جنبنا

أفرح يارب المعجزات
بزياره طاهره للرسول
هنينى .. بهلال الآيات
خلينى .. لنجومك أطول

دُومى يا ندهه مقدسه
على كل ضايع فى الدروب
الهادى .. أعظم مدرسه
هو حبيب كل القلوب

يارب .. قنديل الصفا
قايد فى روحى من زمن
وحبيب حياتى المصطفى
خلى الحديث .. لى وطن

همى يزول .. وبيا الكتاب
ألمح ضياك فى وحدتى
تفتح لقلبى ألف باب
لو ليله نزلت دمعتى

ننده عليك .. فى كل آن
نسجد فى كل مكان بشوق
خالد على طول الزمان
واهب لنا .. شمس الشروق

الله يا علام الغيوب
إرضى قلوبنا بالحلال
قادر تخلق الروح تتوب
قادر على ليل الضلال

دارى بقلبى يا إله
عارف أمورى كلها
لو لحظه اتوه جوه الحياه
لخطاوى عمرى تدلها

يارب .. إقبلنا إذا ..
عودنا إليك .. شايلىن ذنوب
إحمى نفوسنا م الأذى
وارحمنا من شر القلوب

هامت نجوم الليل .. وبان
قمر الأدان .. جوه الخلا
بالمصطفى .. صبح المكان
ساحه مريحه للصلا

ندى الفجريه .. خلانى
أقوم يارب .. أتوضى
واسجد .. ويا خلانى
وبالرزق القليل .. أرضى

أنا مرتاح .. بقرآنك
ومتهنى بأعلى رسول
دموعى .. ويا خلانك
بتصبح .. فى صلاتنا سيول

دفيت يارب بالآيه
لمست بروحى فى السموات
ونور أحمد .. لنا حمايه
بيحمينا من الزلات

يارب العزه .. خلينى
أتوب واسجد على بابك
توضينى .. دموع عينى
وادوب فى دنيا أحبابك

هموم القلب ياربى
بتصبح فرحه .. لو هارجع
إذا سجد الرسول جنبى
آلاقى عنيه بدمع

نامت عيونى ع المقام
نزلت دموعى ع البساط
حافضين كلامك .. يا إمام
عايشين على صوت الآيات

ألمح ضياك .. جوه الفضاء
تنزل دموعى .. ع الخدود
جوه السما .. قمر الهدى
يارب .. قايد بالسجود

دوب فى نجوم مالهاش عدد
توب لاجل يرضى الله عليك
يا قلبى .. آدى النور مدد
والمصطفى .. بينادى ليك

يارب .. مين يقدر سواك
يرحم قلوبنا م العذاب
إروينا من أنهار ضياك
وافتح لنا .. فى الجنه باب

هنا .. أو هناك .. إنت الإله
وانت العزيز .. وانت البصير
القلب .. لو صادق نداه
بتكون إذا أخلص .. مجير

نداك يارب .. بان لى
ضياك .. خلى الطريق صافى
" محمد " .. ندهته فى
وآيتك .. حرفها شافى

أنادى عليك .. بحنّيه
ترد على .. يا مختار
فى نورك .. روحى محمّيه
وقادره تهزم التيار

دوايا .. نورك الهادى
رعايه ظاهره .. وهدايه
على قلبى الجريح نادى
يا هادى فى .. بالآيه

يارب الدنيا .. ريحنى
بسوره غاليه .. م القرآن
إذا ما الدنيا تجرحنى
تفرحنى بنهر إيمان

هاجيك والدموع واضحه
على خدودى .. بتنده لىك
بقلبى .. ماسك السبحه
وناده بالمحبه عليك

نجينى يارب الأتام
من كل خطوه مضلمه
صفينى من كل الآتام
خلينى نجمه فى السما

إدينى من فضلك سند
واحمينى لو بان الخطر
طه الرسول .. بىكون مدد
ويكون نجوم .. ويكون قمر

دايس على كل الضلام
رايح لفجرك يا رءوف
الله إيمان .. الله سلام
نوره فى أرواح الصفوف

يارب .. يا سر الحياه
يا باعت القرآن لنا
إحنا عبادك يا إله
إشفى قلوبنا المؤمنه

هليت كأنك نور طوفان
بيطهر الأرض البراح
قرآن يزلزل فى المكان
وحديث يداوى فى الجراح

نناديك .. إذا طال العذاب
نطلب حماك .. ياذا الحما
تفتح لشمس الحب باب
لو شفت روحنا مضلمه
**

إحمينا يارب الأنام
من كل نظره آثمه
ريحنا من لون الضلام
وصلنا لنجوم السما
**

دارى .. ديار سيدى الرسول
جوه المدينه لى دار
علمتنى معنى الأصول
وازاي أكون فى الكون منار
**

يارب .. مهما نغيب .. نعود
نطلب حماك .. ياربنا
نرجع بروحنا للفروض
علشان ننول .. أعظم منى
**

هرب الضلام .. لما خرج
طه الحبيب .. بالمعجزه
جايب معاه ليننا الفرج
خلى حياتنا معززه

نهدى مع ضى الآيات
نجى إليك .. بدموع ندم
إغفر لروحنا سينات
أخذتنا لشطوط العدم
**

أسفى على العمر اللى راح
خلانى أبكى ليل نهار
لما شاهدت الفجر لاح
حسيت بفرحه .. وانبهار
**

دمى .. لقيت نورك ماليه
يارب .. يا أغلى سند
إسم الرسول .. أنا شفته فيه
يا اللى عليك .. كل المدد
**

يارب .. مهما العمر طال
لازم هاترجع فى الميعاد
المصطفى .. هو الكمال
وحديثه لاجل الدنيا زاد
**

هالقى خلاصى فى الكتاب
وانده بروحى ع الرسول
الجنه ليها ألف باب
ما بيفتحوا .. غير للأصول

نفديك بروحنا مهما كان

نحمى كتابك م التراب

إرحمنا من غدر الزمان

رجعنا من بعد الغياب

أشتاق إليك قبل الصلا

تدخل في روعي المغرمه

حبك .. ياخذني للغلا

أسجد مع قمر السما

دوبى يا أرواح العباد

فى ضىّ علام الغيوب

التوبه .. للمؤمن ميلاد

والصدق .. راحه للقلوب

يارب .. ساجد فى حماك

طالب رضاك .. فى سكتى

خلينى بالقرآن معاك

واقبل ندايا .. ودمعتى

هاسمع فى قرآنك واعود

للكعبه .. أبكى فى الزحام

فى مكه .. بيطأول السجود

ويا الإمام .. ويا الحمام

ننده .. ترد على اللى قال ..

يارب .. جايلك مستكين

يشبع من اللقمه الحلال

ويصلى ع النور المبين

آجى إليك .. " خالى الوفاض "

أرجع وجوه جيوبى زاد

تنده على .. من قريب

ألقي محيط الرزق زاد

دفينى يا سند الأنام

على كل أعباء الحياه

فى دنياه القرآن .. أنام

واصحى عشان أبدا صلاه

يارب .. لو طال الطريق

هاقرى آياتك فى الزحام

نور الحديث .. لى صديق

يا حقيقه .. أكبر م الكلام

هى الحياه إيه غير خشوع

لله .. إله العالمين

الله على أظهر رجوع

لمدينه طاهره بالأمين

نسمع بلال .. نيجى إليك
فى البيت نكون صحبة ورود
لما سجدنا بين إيديك
الجنة بانت فى السجود

أبكى .. تجفف دمتى
أسجد .. ياخذنى نور لقاك
يارب .. تسمع شكوتى
وتاخذنى جوه النور معاك

دورت عن أعظم معين
ولقيت خلاصى فى الآيات
يارب .. بالهادى الأمين
إغفرلى كل السيئات

يارب .. يا باب الرجاء
يا نور قلوبنا فى الضلام
إزأى يكون بينا فراق
وانت اللى جوه الروح سلام

هو الكتاب .. أعظم جليس
هو الرسول .. أعظم صديق
يتزول همومنا بالحديث
يا آيه .. يا أظهر طريق

نرمى حمولة الروح عليك
تساعدنا ع الحمل الثقيل
لو عبد ضايع بيناديك
تصبح عشان قلبه دليل

أرمي حمولتي عليك واقوم
عشان أصلي ركعتين
النعمة .. بالقرآن تدوم
فى قلب كل المؤمنين

دافيه يا سكه حنينه
بالمصحف المليان حكم
إحنا قلوبنا المؤمنه
بتقول لرب الكون نعم

يا رب .. لما الذنب زاد
أنا جيت عشان أطلب رضا
فى الرحله .. كان الهادى زاد
إرضينى يا بحر الهدى

هل الهلال .. فى الضلمه بان
مصحف يبهدى فى الوجود
خالد على طول الزمان
زى الركوع .. زى السجود

نشقى .. إذا ضل الفؤاد
ونتوب .. ونرجع للصواب
التوبه للمؤمن ميلاد
تحميه يارب .. من التراب

إرضنى بالرزق القليل
خلينى عبد فقير .. شكور
إشفينى .. لو قلبى عليل
واحمى الضعيف .. من كلمه زور

دابت قلوب العابدين
فيك يا إله الكون بشوق
بالمصطفى الهادى الأمين
نورك أخذ أرواحنا فوق

يارب .. طالت شكوتى
وأنا الضعيف .. محتاج إليك
إزرعلى دائما سكتى
بنجوم .. بتسجد بين إيديك

هاجى .. وهارجع ليل نهار
فى سكه ملياته آيات
خليت رسولك لنا جار
علشان نشوف المعجزات

نور المعين .. هو المعين
لينا .. على تعب الحياه
صليت على طه الأمين
شاهدت نُوره فى الصلاه

إسمك يارب العالمين
هو معينى والدليل
يا حامى كل المسلمين
من ضلمه كافره .. فى ليل طويل

دوبنى فى نهر الآيات
سهرنى فى بحر الحديث
فى " السوره " .. كل المعجزات
يا هادى .. يا أعظم جليس

يارب .. يا حامى الدروب
من ليل طويل .. مالهوش حدود
لو يوم نبص على القلوب
نلقاها فى حالة سجود

هينى بيك .. يا نور ميين
خلينى فى حبك أسير
المصطفى .. هو الأمين
وانت يارب الكون .. مجير

نورك فى قلبى ليل نهار
مالى حياتى بالنعم
خلى رسولك لى جار
واحمينى من ليل العدم

آجى إليك .. فى القلب شوق
والروح بتطلع فوق إليك
هنينى بنجوم الشروق
واسمحللى أنه عمرى لك

دوبى يا دمعته فى العيون
فى حب رب المعجزات
إحمينى من هم الظنون
من شر كل السيئات

يارب .. مش طالب أنا
غير الهنا .. غير النجاه
ويا القلوب المؤمنه
دايما أشارك فى الصلاه

هاجى .. فى قلب الروح حنين
وانا راضى دايما باللى كان
بالمصطفى الهادى الأمين
كملى بنجوم الإيمان

ندهة فؤادى ع الرسول
وصلت فى لحظه للمقام
يارب .. يا أصل الأصول
وصلنى لشطوط السلام

إسقينى يارب العباد
من نهرك الفايض نعم
خلينى أوصل فى الميعاد
وتنادى لى .. أقول نعم

دوبنى فيك .. أكثر .. كمان
أنا عبد .. مش محتاج سواك
كملى دايما بالإيمان
سهرنى طول الليل معاك

يارب .. مين غيرك يكون
لى سند .. فوق الدروب
تصبح عشان القلب عون
تحمينى من ليل الغروب

هارجع لنفسى .. واعود إليك
تايب .. ودائب بين إيديك
إرحمنى .. يا سند الضعيف
خلينى أقدر آجى لك

نجينى من ليل الهلاك
خلينى عبدك فى الحياه
لا كان لقلبى يوم سواك
ولا لى غيرك يا إله

أسمع آياتك يا معين
آجى إليك .. فى الروح دموع
يرعشنى نور سورة ياسين
أسجد على أرض الخشوع

دافى كتابك فى الكيان
صافى حديث سيدنا النبى
مهما يطول بى الزمان
التوبه هى مطلبى

يارب .. قتديل الحياء
واضح .. بيضوى جوه ليل
عرفتنا إن العطاء
علشان جميع الناس دليل

ها ارجع أتوب .. علشان أدوب
فى حب سيدى المصطفى
جايلك يا علام الغيوب
علشان ألقى معاك شفا

نعمة إيمانى بيبك نجوم
شايقاتى فى الليل الطويل
لما بقوم .. م النوم .. أعوم
فى بحر نور فايض .. أصيل

أغرق .. تمد إيدك لروح
تنقذها من بحر الضياع
مجروح .. ولازم يوم أبوح
واندم على كل اللى ضاع

دوبى يا روحى فى الحبيب
خليه معاكى ع الدروب
هو الرسول .. هو الطبيب
هو اللى شافى .. فى القلوب

يارب .. مش عايز أنول
غير الشفاعه م الرسول
علمتنا .. إن الإيمان
هو المعامله والأصول

هليت يا بدر بدون ميعاد
صليت وانا جنب المقام
الله على قمر الوداد
لما يعوم .. فى بحور سلام

نورت روحى بالكتاب
يارب .. ونسيت الشجون
وصلت قلبى للسحاب
طهرت فى دمع العيون

أسمع فى قرآن الخلود
تنزل دموعى .. ع الخدود
أسجد .. أقرب من سماك
وأحب طه .. بدون حدود

دُفِيت فى روحى بالرسول
وقريت آيات المعرفة
دَوِبت قلبى فى الأصول
وحديث رسولنا المصطفى

يارب .. يا سند الضعيف
يا نور قلوبنا البصه ليك
أنا لسه فوق السكه ضيف
نفسه فى يوم .. يوصل إليك

هايم .. فى آيات الكتاب
نايم .. أفكر فى اللى فات
يارب .. فى يوم الحساب
إغفرلى كل .. السيئات

نورَ حياتى .. ثور سناك
يارب .. يا عالم بنا
لما غريب الدار ناداك
السجده .. صبحت سوسنه

أناديك يا علام الغيوب
والقلب تايه فى الزحام
تحمينى من ضلمة غروب
تسقينى من حوض السلام

دقيت على بابك بشوق
وشربت من نهر الأصول
حبك يارب .. أخذنى فوق
فلقيتنى قدام الرسول

يارب .. بتزيد الرياح
فى سكة الإنسان هنا
أجى إليك .. أطلب سماح
توهبنى نسمة حنيه

هيمن فى أنوارك .. وجيت
لحنا مدينه منوره
لما دخلت البيت .. لقيت
كل الوجوه متعطره

نسمه خدتنى إليك .. نسيت
أنا فين .. وفيه هو المكان
فى الروضه .. كان للقلب بيت
يفتح .. إذا سمع الأذان
**

أنده .. ولا هانده سواك
يا مالك الكون الكبير
بين السحاب .. أسمع نذاك
تساعدنى دايما .. يا مجير
**

دايب فى نورك يا رعوف
مشتاق أكون دايما معاك
بصيت على كل الصفوف
الفرد .. ميت مليون ملاك
**

يارب .. مهما الليل يجور ..
على قلبى .. إنت فرحتى
وانت الطريق .. مليون زهور
ونجومه .. هسى سبحتى
**

هاسمع آياتك فى السكوت
وارجع إليك مهما أغيب
طه فى نور كل البيوت
صلوا على الهادى الحبيب

نايم .. اصلى ع الرسول
صاحى .. أقول يا مصطفى
تنزل دموع العين سيول
على طرف سجادة صفا
**

أنده عليك وانت الحبيب
وانت الطيب .. وانت الدوا
من قلب أحبابك قريب
فى الجنه .. نفسى نكون سوا
**

دورت فى كل الحياه
عن حاجه تشبه طلعتك
يا طه يا نور الإله
قلبى ما زال فى سكتك
**

يا رب .. لما الليل يطول
نقرى كتابك يا رعوف
نمشى على شط الأصول
نسجد لجاهك فى الصفوف
**

هاجى إليك يا " سراج منير "
أشرب بقلبى من ضياك
الشوك صبح فى إيدىك حرير
والقلب صلى بشوق معاك
**

نار الهموم اتجمعت
فى قلب تايه ع الدروب
واما عيونه دمعت
خلاله إله الكون يتوب

أنده عليك .. يا ذا الجلال
لو لحظه اتوه جوه الطريق
يوصل لقلبى أدان بلال
ألقى الإيمان لى صديق

دوبى يا روحى المخلصه
فى سكة الحق المبين
الهادى أعظم مدرسه
هو إمام المتقين

يا رب .. مهما العمر طال
إحنا مسيرنا نعود إليك
إعفينا دايما م السؤال
يا اللى قلوبنا وروحنا فيك

هليت يا بدر المؤمنين
بالآيه طاهره .. والحديث
الله على طه الأمين
لما يكون لنا ونيس

نو الأدان .. لما ظهر
بصيت بقلبى للسما
أنا شُفت فى قُوك قمر
جوه العيون المُغمه

أسبق خطايا .. عشان أكون
عبدك يا علام الغيوب
إحمينى من عصف الظنون
خلينى نجمه .. ع الدروب

دَوَّبْت نفسى فى الحديث
عَوَّدْت روحى ع الوصول
طه صبح للروح جليس
الله على أعظم رسول

يا رب .. عبدك فى السجود
نادم على الذنب القديم
بكره يا رب الكون يعود
لحماك ونورك يا كريم

هادى قلوبنا لو تَتُوب
حامى نفوسنا م الأذى
إسندنا .. لو حان الغروب
خلى نفوسنا معززه

نامى يا شمس النور على ..
مكه .. فى أيام الصفا
الله على أعظم صلا
فى الروضه .. ويا المصطفى
**

أسجد بقلبي فى الزحام
يوصل دُعايا للسحاب
أهدى الرسول .. أعظم سلام
وارتاح بقلبي م الغياب
**

دمعه بتنزل فى الدخول
الله على أعلى مقام
جينا نصلى ع الرسول
ونقول عليه أغلى كلام
**

يا رب .. دمع العين نطق
ساعة سجودنا ع الدموع
شوفنا هلال الخير برق
لما ابتدينا فى الركوع
**

هادى العباد المؤمنه
بتنادى لينا .. لو نغيب
السكه طاهره .. حنينه
يا رب .. صلى ع الحبيب
**

نور الرسول .. جوه القلوب
بينادى ع القلب الأصيل
لما القلوب .. قدرت تتوب
صبح الكتاب ليها دليل
**

أستنى فجر النور يعود
علشان أصلى ركعتين
الخير يزيد .. جوه السجود
فى حضرة الهادى الأمين
**

دايم يا قرآن الهدى
باقى فى روحنا المخلصه
إنت طريق .. مالهوش مدى
مع طه .. أعظم مدرسه
**

يا رب .. سلمت الأمور
لك يا إله كل البشر
الدمع جوه الروح بحور
يا حامينا من ليل الخطر
**

هديت فى أصنام الخطأ
وبقيت هدايه بدون حدود
نورك فى كل زمان برق
يا طه .. يا رمز الخلود
**

نورك .. على كل الجهات
الله على نور الحياه
يا رب .. ماشى ع الصراط
ساجد فى بيتك يا إله
**

أنده .. ندايا يكون نجوم
بتسبحك .. يا ذا الكرم
تشفى حياتى م الهموم
تنده على .. أقول نعم
**

دايبه يا روحى فى الرسول
ساجده على أرض الإيمان
الهادى علمنا الأصول
خلانا نصحى ع الأدان
**

يا رب .. لو قلبى يميل
خلى الرسول .. لى إمام
خلى الكتاب .. لى دليل
وازرع طريقى بالسلام
**

هايم فى أرضك .. والآيات
هى نجومى يا حبيب
إغفر لى كل السيئات
خلى رسول الله طبيب
**

نامت عيونى والفؤاد
سهران يا رب ببيذك
مع طه .. كان بدء الميلاد
والكل قايم يشكرك
**

آجى إليك قبل الميعاد
أسجد على أرضك بشوق
قلبى بيتعب فى البعاد
من " زَمَزَمَك " .. نفسه يدوق
**

دايب فى نورك يا شفيع
يا رسول عظيم للمعجزات
العمر مش ممكن يضيع
طول ما احنا ويانا الآيات
**

يا رب .. وانت وجهتى
وانت طريقى فى الوجود
حارس بنورك سكتى
إحمينى ديمام الجحود
**

هادى القلوب يا مصطفى
نادى على لو أضيع
ليل الذنوب .. مليون جفا
إشفع لروحى يا شفيع
**

نور الآيات .. مالى المكان
الله على نجوم الضياء
لما دخل روحنا الإيمان
جينا لسيد الأنبياء

أنده عليك .. لما الوجود
يسجد على شط الحنين
ألقى حياتي فى السجود
وأصلى ع الهادى الأمين

دمع الخشوع .. فوق الخدود
جوه العيون .. بحر الصفا
حبك يا طه .. مالوش حدود
جوه الوجود .. يا مصطفى

يا رب .. جيت علشان أتوب
إشبعنى باللقمه الحلال
باتت خلاص شمس الغروب
إحمينى من غدر الضلال

هادى القلوب .. لو يوم تئوه
عالم بأحزان الغريب
نورك على كل الوجوه
إشفع لروحي بالحبيب

نامت عيون الكون .. وانا
صاحى .. مع نور الآيات
وادى القلوب المؤمنه
ويايا .. شايفه المعجزات

أنده على أعظم رسول
الله على أجمل ندا
فى سكته .. قمر الأصول
الله على نجوم الهدى

داب الفؤاد فى محبتك
وشربنا من نهرك دفا
سجد الفؤاد .. فى سكتك
ويا حبيبى مصطفى

يا رب .. يا أصل الوجود
إحنا ابتدينا بالصلاه
الروح سعيده بالسجود
صبحت مناره للى تاه

همى يزول .. لو يوم ناديت
ع الهادى .. يا رب العباد
جوه المدينه .. أغلى بيت
مرسوم عليه .. شمس الميلاد

ناديت .. بالقلب يا رحمن
وكان الرد .. نور زايد
مليت روحى .. من القرآن
صبح نهر الإيمان فايض

أنا يا رب .. مش محتاج ..
لغيرك يا إله الكون
رضاك هو الأمان والتاج
وهو النور .. وهو العون

داريت دمعى وجيت أناديك
يا عالم كل شئ فى
أنا ساجد .. ما بين أياديك
وراسم آيه فى عنيه

يا رب الدنيا والآخرة
أنا عايش بقرآنك
ضياك خلى القلوب طاهره
يا رب قدره .. غفرانك

هلال الكعبه نادانى
وخلانى أنام مرتاح
ونور الهادى ودانى
لدنيا .. كلها أفراح

نامى يا روح المؤمنين
على أغلى سجادة صلا
صلى على الهادى الأمين
طه .. قناديل الحياه

أحمد رسولنا .. يا إمام
إشفع لنا .. يوم الحساب
افتح لنا جوه الزحام
بالحب ألف وألف باب

داوى فؤادى بالآيات
واسقينى من نهر الضياء
أهجر طريق السيئات
مع طه .. سيد الأنبياء

يا رب .. يا سند الجميع
إوعدنا دايما بالهدى
خلى الرسول لينا شفيع
وارزق نفوسنا بالرضا

هادى الجموع يا مصطفى
يا شمس فى السكه الحلال
لو لحظه بان .. ليل الجفا
يدخل قلوبنا أدان بلال

نده الفؤاد .. ما أجملك
يا طه .. يا شمس الوجود
الله بثوره كملك
يا سكه خالده .. بدون حدود
**

أنده .. وقلبي يقول يا ريت
أرجع مقامك يا شفيع
للى يتوب .. الكعبه بيت
والدنيا بالمختار ربيع
**

دابت حياتى فى الكتاب
الله على أعظم سور
عبدك حبيبك لما تاب
صبح الضلام جواه قمر
**

يا رب .. إهدى فى اللى تاه
نور طريقه بالحديث
دى نجوم آياتك يا إله
للمحتاجين .. هى الجليس
**

هم النفوس .. بيزول إذا
سلمنا روحنا للرءوف
إحمينا من نار الأذى
نقدر لأنوارك نشوف
**

ندمى على العمر اللى فات
أصبح دموع فوق الخدود
دوّبت قلبى فى الآيات
طهرت روحى بالسجود
**

ألقاك يا رب الكون هنا
ألقاك يا نور خالد هناك
ويا القلوب المؤمنه
قلبي شرب من نور سنك
**

دارى بروحى مهما اغيب
شايف خطايا ع الدروب
الآيه تتحول طيب
يا رب .. لو بالروح أتوب
**

يا رب .. إفتح لى باب ..
التوبه .. أقدر ع الحياه
رجعنى من بعد الغياب
لنجوم كتابك يا إله
**

همى يزول .. ويا الرسول
أهدى وأرضى باللى كان
يا رب .. آدى الخير سيول
لما الرضا .. دخل الكيان
**

نورك سحر كل الوجود
خيرك فى كل مكان هنا
يا رب .. يا سر الخلود
إرحم قلوبنا المؤمنه
**

أرض المحبه نورت
يا رب .. بالهادى الأمين
كل القلوب اتطهرت
لما صبحنا مسلمين
**

دافيه يا روضه بالقلوب
ساجدين وجوه الروح صفا
القلب لو محتاج يتوب
يمشى طريق المصطفى
**

يا رب .. إرحم قلب تاب
وصلنا دائما للرضا
إهدى نفوسنا للصواب
كَمَلْ حياتنا بالهدى
**

هى كده اللقمه الحلال
تشفى من الليل الشحيح
الله على ندهة بلال
فى الفجر .. للقلب الجريح
**

نادى رسول الله لنا
الله على أشرف ندا
خلى قلوبنا مؤمنه
وزرع حياتنا بالرضا
**

آجى إليك فى محنتى
يا رب .. وارجع نور فى نور
أحمد .. إمام فى سكتى
الشوك صبح فى إيديه زهور
**

دمى نطق بحروف آيات
دق الفؤاد .. باب الوصول
جانا رسول المعجزات
المصطفى .. أعظم رسول
**

يا رب .. يا سند الضعيف
إسند خطايا برحمتك
خلى الفؤاد .. دائما شريف
وصل قلوبنا جنتك
**

هليت علينا يا شفيع
بآيات عظيمه مع الحديث
إزاي ربيع الكون يضيع
والمصطفى .. هو الجليس
**

نادى الرسول على قلبنا
فى لحظه .. لبينا النداء
أبو بكر .. صلى جنبنا ..
الفجر .. فى أرض الهدى

إرحمنى لو طال البعاد
رجعنى تاتى للصراط
نورك ما زال جوه الفؤاد
كاتب على روى آيات

دايم .. وكل الكون سراب
خالد يا رب العالمين
إحنا اتخلقنا من تراب
إهدينا بالحق المبين

يا رب .. مين يقدر سواك
يحمينا من ليل الهموم
قلبى بيشرب من ضياك
وبيشرك .. فى كل يوم

هم القلوب .. لازم يزول
لو يوم قرينا فى الكتاب
إنت حبيبنا يا رسول
وشفيغنا فى يوم الحساب

نهرك بينده للى تاب
يتوضى م الميه الحلال
التوبه .. ليها ألف باب
ببيانوا .. ويا أدان بلال

أسمع آياتك .. يا رءوف
يهدى الفؤاد .. ويا الضياء
إزاي تحس الروح بخوف
ومعها سيد الأنبيا

دافيه آياتك فى القلوب
صافيه أحاديث الرسول
جوه الأدان .. روحنا تدوب
تنزل دموع العين سيول

يا رب .. يا حامى البشر
من كل أعباء الحياه
كان الطريق مليان خطر
لكن رسول الله .. أتاه

هاجى إليك .. مهما يزيد
ذنبنى .. يا علام الغيوب
قلبى لا يمكن يوم يريد
غير " طه " .. يا هادى القلوب

نطلع جبل المعاصى
ونعود بالروح إليك
العاصى .. قلبه قاسى
يا اللى مالك شريك

الله .. ولا لينا غيرك
يساعدنا فى الحياه
فى كل حته خيرك
بيجينا .. يا إله

دارى بالقلب دايمًا
وعالم بالعباد
ساعة ما الفجر يدن
بنفرح بالميلاد

يا رب .. وانت شايف
قلبى اللى روحه فيك
عمرى ما كنت زايف
لحظة سجودى ليك

هايم دايمًا فى نورك
والعمر كله فات
فى الشوك .. طلعت زهورك
ليلة ما قرئت آيات

نقى .. وننسى دايمًا
ونعاند الزمان
لكن .. لو فجر يدن
نصحى على الأدان

أصحى .. والدنيا ضلمه
أسجد ما بين إيديك
الدنيا تبقى نسمة
لحظة ندايا ليك

يا رب .. الهم ساكن
فى القلب .. ليل نهار
ليل المعاصى .. داكن
ليل المؤمن عمار

يا رب .. جيت لبيتك
والروح بتستجير
جوه القلوب آياتك
مكتوبه يا قدير

هادر صوت المحبه
يا قادر .. يا رءوف
طه .. خلى الأحبه
فوق الدروب صفوف

نسمه .. محمدية

بتخلي الروح تفوق

والآيه .. ربانيه

بتاخذنا معاها فوق

أرجوك تقبل دعايا

يا خالق القلوب

تظهر لعيونى آيه

وحديث .. ليلة ما اتوب

دوبت قلبى شمع

للناس .. جوه الضلام

نزلت ع الأرض دمع

صبحت ورود ونام

يا عالم باللى بى

وشايف كل شئ

قرآنك .. كان هديه

للكون .. فوق الطريق

هاجى إليك يا ربى

تايب .. والقلب دايب

طه الحبيب فى قلبى

بيجمع الحبايب

ننده عليك يا شايف

قلوبنا بتناديك

م الذنب لسه خايف

وانا واقف بين إيدك

ألقاك فى روحى دايم

إله .. عزيز .. قدير

الدنيا بتبقى أحسن

فى طاعتك .. يا مجير

دين الإسلام محبه

وسلام .. وإيمان .. وطاعه

نلقى كل الأحبه

لك يا إله مطيعه

يا هادى كل عاصى

ودارى بالجميع

لو كنت لفرضى ناسى

صحينى بالشفيع

هادى القلوب كتابك

الله على الآيات

فاتح لكل بابك

برسول المعجزات

ننادى .. لو ننادى
الهادى يجيب كتاب
حروف إسمك يا هادى
مكتوبه ع السحاب

أنده عليك فى نومى
تهدينى بالكتاب
يا أعظم الأسامى
يا فاتح لينا باب

دعايا .. فى صلاتى
يحمينى م الضلال
يخلى لى بيتى
مسجد .. وفيه بلال

يا مُرسل من إلهك
الله دايمًا حاميك
المصحف .. هو جاهك
وصلاة الناس عليك

هدايه .. جوه آيه
أكبر من النجوم
إنت أصل الهدايه
والتقوى .. لو تدوم

نحميك بنور عيوننا
يا إمام المتقين
يا فاتح أعلى جنبه
لجميع المسلمين

أستنى تيجى لى
تزرونى فى المنام
تنزل دموع عنيه
فى لحظة السلام

دليلى .. نور هلاك
يا صاحب البراق
قلبى .. لو حتى جالك
بيزيد الإشتياق

يا مصطفى الى خدى
م التوهه .. للطريق
بكل شئ وعدنى
لو اكون للكون مضى

همى بيضيع فى لحظه
لو اصى ع الرسول
القلب كله عزه
وماشى بالأصول

نلتقاك فى كل ساحه
بتسجد للاله
نلقى فى الآيه راحه
الله .. على الصلاه

الله عليك حبيبنا
هادينا للاله
نغيب .. تدق بابنا
وتظهر الحياه

دفينى بنور حديثك
صحينى لو أنام
إشفع لكل ناسك
كون للأنام .. إمام

يا سكة الشفاعه
فى دنيا المؤمنين
الروح لله مطيعه
بتنادى ع الأمين

هارب .. وجى أرضك
ألمس توب المقام
أطلب يا حبيبى ودك
توهب للروح سلام

نورك .. خليه ونيسنا
فى سكة الضلام
طه .. يصبح جليسنا
ويعلمنا السلام

آجى إليك يا جاهى
والقلب دافى بيك
أقرى كتاب إلهى
وأصلى بشوق عليك

دايما ألتقاك معايا
بتنور الطريق
من نور حديث .. لآيه
الله عليك صديق

يا هادى .. قلبى حبك
والروح .. يا نور مبين
ساكن فؤادى جنبك
مع كل المؤمنين

هاجيلك المدينه
أبكى جوه المقام
تهدى النفس الحزينه
ويا دموع الزحام

نفرح بلقائك يا غالى
يا أول الرسالة
الكون .. كان قلبه خالى
خليت الكل عيله

ألقاك فى قلبى ساكن
مطرح ماروح معايا
جوه كل الأماكن
جايب يا طه آيه

دايب دايمافى نورك
يا أول الحبايب
موجود يا حبيبى خيرك
للحاضر .. واللى غايب

يا طه .. كون طريقى
لما الألوان يئون
يبقى " الحديث " صديقى
يا ساكن فى العيون

هادى القلوب تملئ
واخدنا للنعيم
واقفين وراك نصلى
فوق الدرب القويم

نادى على البرايا
يا إمام المتقين
جوايا .. يا طه آيه
فيها إسمك .. يا أمين

أنادى ليك يا غالى
الصوت يصبح نجوم
مهما تقسى الليالى
بنسى فى الهموم

دوبت قلبى ياما
فى حبك يا رسول
ظهرت مليون علامه
بتخلى الروح تنول

يا سيد الحبايب
وخاتم الجميع
طه .. لو قلب غايب
لازم فى الكون يضيع

هدّينى بنور كلامك
دفينى بالحديث
كان الكتاب إمامك
وحب الله ونيس

نتهنى فى أرض الرسول
ونصلى ليل ونهار عليه
جوه المقام .. النور سيول
والقلب دايمًا بيناديه

أنا جيت إليك .. مليون بشوق
وندهت ليك .. يا مصطفى
بعد الضلام .. خرج الشروق
ويا الأدان .. مليون دفا

دايب فى حبك .. يا حبيب
سلمت كل القلب ليك
أتعب .. تكون لى الطبيب
لو اتوه فى يوم .. أنه عليك

يا حبيبى .. والعمر ابتدى
ساعة دخولك للقلوب
إنسان .. عنيه شلال هدى
خالى تماما م العيوب

هارجع إليك .. مهما يكون
أرتاح من الحزن الثقيل
القلب يهدى م الظنون
والأقى جوه الليل دليل

نزلت دموى ع الخدود
رددت فى كل الآيات
ساعة بكايا فى السجود
ضاعت جميع السيئات

ألقاك يا رب الكون هنا
ألقاك يا رب الكون هناك
الشوك .. بيصبح سوسنه
والعاصى .. يتحول ملاك

دوبنى فى نور الكتاب
علمنى اكون شلال إيمان
إحمينى من طول الغياب
صحينى دايمًا بالأدان

يا رب .. يا رب الأنام
هنيئا دايمًا فى الحياه
ع المصطفى أعظم سلام
و المُلْك .. مُلكك يا إله

هارضى يا رب بكلمتك
ولا هانحنى غير فى الصلا
إفتحلى باب .. فى جنتك
خلينى أوصل للغلا

نلقاك فى كل مكان نجوم
يا طه فوق مليون طريق
الآيه .. بتزيل الهموم
وانت لكل الكون صديق
**

أدبك يا هادى .. كان نجوم
مرسومه دايم فى السما
ريحت روحنا م الهموم
ووهبت لينا أوسمه
**

دفينى .. لو زادت رياح
هينى .. لو طال الشقا
يا طه .. جيت وياك صباح
علشان قلوب متشوقه
**

يا رب .. لو لحظه أغيب
رجعنى تانى جنتك
المصطفى .. يصبح طبيب
يشفينى من نور حضرتك
**

هارجع إليك .. علشان أتوب
يا رب .. يا أصل النعم
لما هاتنده ع القلوب
الدنيا هاتقولك نعم
**

ندايا عليك .. تجلى
يا طه .. يا أمين
واقف وياك أصلى
وأقول بعدك : آمين
**

ألقاك معايا دايم
النور .. والإنشراح
لو أى ليله أحزن
علشانى تجيب صباح
**

دايب معاك فى " سوره "
بتخلى القلب يسجد
إنت أصل " المشوره "
و " الذكر " فى كل مسجد
**

يا هادى .. راضى قلبى
بصلاة الروح عليك
يا ريتك تبقى جنبى
أمشى على نور عينك
**

هاجيلك المدينه
مهما يزيد الزحام
الروح كانت حزينه
إتهنت بالسلام
**

نِسمى بِاسمِ قادر
يفتح لنا البِيبان
قلبك يا طه نادر
يا رسالة الإيمان

إنت الأمين علينا
وانت لنا الرسول
لو طالت سكه بينا
هنينا بالقبول

دوبنا بنور كلامك
خلينا نكون نسيم
الله على ابتسامك
يا أحمد .. يا كريم

يا طه كون معانا
فى زحمة الحياه
إحمينا م الخيانه
قربنا م الإله

ها رجع بقلبي بيتك
واندم على اللى فات
أقرى فى كتاب آياتك
الله على الآيات

نهر الإيمان .. للقلب بان
لما سجدنا ع الشطوط
الآيه ساكنه فى الكيان
والحب .. فى كل البيوت

أرجع إليك .. أطلب حماك
يا رب .. يا عالم بنا
نجم الحنان .. جوه سماك
علشان قلوبنا المؤمنه

دارى بروحى المخلصه
شايف دموعى فى الزحام
الروح معاك .. جوه المسا
جوه الصباح .. جوه الكلام

يا رب .. كون لى سند
واحرس خطايا ع الطريق
نور الكتاب .. يصبح مدد
والمصطفى .. أظهر صديق

هانده على المختار بصوت
مليان محبه .. وشوق .. ونور
يا نور على كل البيوت
طه زرع فى الروح زهور

نرضى يا طه بالقليل
نشكر فى رب العالمين
إنت عشان الروح دليل
وكتاب أصيل .. للمؤمنين

أقرى معاك .. كل الآيات
وأصلى فوق أرض الصفا
أنسى اللى كان .. أنسى اللى فات
آجى إليك .. يا مصطفى

دائما أصلى عليك بشوق
تنزل دموعى ع المقام
ماشى معاك .. طالع لفوق
يا طه .. يا أصل الونام

يا رب .. جيت لحماك أدوب
فى حب أصحاب الرسول
إنت اللى عالم بالقلوب
خلى اللى صان عهدك ينول

هانسى اللى كان واللى مضى
وابداً يا طه طريق جديد
فى كل لحظه هاقول رضا
وهاقول : زيارتك .. لى عيد

نبنى بيوت النور .. نكون
سجاده لاجل الساجدين
يظهر أدان .. جو السكون
ونصلى ع الهادى الأمين

آجى يا رب الكون إليك
والذنب جوه الروح طوفان
أسجد بلهفه بين إيديك
وأصلى .. من قبل الأدان

داوى قلوبنا يا إله
خلى الدروب .. تفرح بنا
خلى الحياه .. لينا نجاه
ويا النفوس المؤمنه

يا رب .. قلبى ناداك بشوق
دخل الضيّا .. جوه المكان
بعد الضلام .. ظهر الشروق
بعد السكوت .. كان الأدان

هم القلوب .. بيزول معاك
الله على أعظم كتاب
المؤمنين .. عايزين لقاءك
إرحم عبادك م العذاب

نادى يا قلبى ع الشفيع
خلى القمر .. يظهر لنا
الى نسى .. فرضه يضيع
الله فى روحنا المؤمنه

الله معانا ع الدروب
حارس خُطانا م الضلام
لما تزيد .. فينا الذنوب
يشفع لنا .. سيد الأنام

دقيت على باب القبول
إتفتحت كل البيان
كل البيوت .. فيها الرسول
كل النفوس .. فيها الأدان

يا رب .. خلى الكون سجود
علشان ننول منك رضا
لازم إليك الروح تعود
إقبلها يا رب الهدى

هارجع أتوب من كل شئ
واسكن فى بيتك يا رءوف
بيك الجبين .. دايمامضى
ومفيش فى قلب العبد خوف

نده الفؤاد .. لما رآك
جوه المقام .. شلال ضيّا
قلبى الى سيبته هناك .. معاك
وياك .. يا سيد الأنبيا

أسبق خطايا .. آجى ليك
والقلب فيه شلال أنين
لما القلوب .. صلت عليك
رديت عليها يا أمين

دايم فى روح المؤمنين
يا طه .. يا أظهر سحاب
تدعى .. وروحنا تقول آمين
تفتح عشاننا .. أعلى باب

يا رب .. خدنى للمقام
دايم عشان مليون حنين
إوعدنى عنده بالسلام
مع قلب كل التائبين

هارضى بحكمك مهما كان
يا رب .. يا باصص لنا
ساند قلوبنا من زمان
وحامينا من شوك الضنا

نايم .. وصاحي .. أذكرك
يا رب .. يا أصل الوجود
فى كل لحظه أشكرك
تنزل دموعى فى السجود

أنده ضياك .. جوه المسا
تبعثلى نورك ليل نهار
الهادى .. لينا مدرسه
ورسالته .. ميت مليون منار

دفيت قلوبنا بالآيات
وبعت لينا .. رسول عظيم
فى كلمته .. كل الصفات
إنسان .. لكل الناس كريم

يا رب .. قرآنك دليل
لى فى ليل مليان جفا
لما شراع قلبى يميل
يظهر حبيبى المصطفى

هاجى إليك .. خجلان .. عشان
الذنب باين فى العيون
إسقينى من نهر الإيمان
إحمينى من نار الظنون

نجرى على شط الرجوع
نوصل لبيتك يا حبيبى
الجرح باين فى الضلوع
يا طه .. يا أعظم طبيب

أنا جيت إليك .. قلبى حزين
ورجعت طاير م الفرح
لما يزيد .. فى الحنين
ألقى الفؤاد .. وياك سرح

دار الفضيله .. بألف باب
إدخل يا قلبى ع الشفيع
إطلع معاه .. فوق السحاب
خلى التراب .. يصبح ربيع

يا رب .. خلى المصطفى
يصبح إمامنا .. ليل نهار
نتوضى من نهر الوفا
واحميننا شر الإنكسار

هو اللى خدنى إليك فى يوم
قادر يخلينى أعود
أرتاح يا طه م الهموم
والسكه تتحول ورود

نبح المحبه والصفاء
بينادى دايماء الى تاب
وحبيب حياتنا المصطفى
فاتح لروحنا .. ألف باب
**

أسمع نداءك .. جوه السكون
أقرى معاك سورة ياسين
إنت اللى ساكن فى العيون
يا مصطفى الهادى الأمين
**

دوبنى دايماء فى ضياك
خلينى أعرف سكتى
أنا روحى يا مختار معاك
يا نور عنيّه .. ودنيتى
**

يا رب .. لما القلب غاب
جوه خطاوى مضلمه
المصطفى علشانه جاب
نجمة هدايه م السما
**

هادخل عليك .. ويا الزحام
أرتاح من الحزن الدفين
أرمى عليك مليون سلام
واسجد لربى .. يا أمين
**

نمشى معاك .. فوق الصراط
نسجد جماعه ع الدروب
إنت رسول المعجزات
وانت اللى ساكن فى القلوب
**

أنده عليك .. فى كل حين
وليلاتى ازورك فى الخيال
نورك وصلنا يا أمين
لما سمعنا أذان بلال
**

داب الجميع .. فى لقاءك يا نور
مالى بشوق .. كل الجهات
الشوك صبح .. فى إيدك زهور
ساعة ما جيت .. ومعاك آيات
**

يا رب .. يا خالق لنا
كل الصفات الطيبه
سكك المحبه حنينه
إوهبنا أظهر مركبه
**

أنده ضياك .. جوه الجموع
وترد ع القلب الجريح
سجاداتى فى الروضه دموع
حتى النسيم عندك مريح
**

نده الأدان .. للقلب .. قام
علشان يصلى للإله
ع المصطفى .. أعظم سلام
الهادى .. قنديل الحياه

الله .. يا نور .. لاجل البشر
القلب دايب فى الرسول
العمر ده .. رحلة سفر
فى طريق طويل .. محتاج أصول

داريت دموعى .. وجيت حماك
ومعايا قنديل الصفا
قلبى طلع .. وياك سماك
شاف الحبيب المصطفى

يا رب .. يا نور الوجود
قدرنى دايم ع الفروض
نهر الإيمان .. مالهوش حدود
ولا ريح قويه .. ولا سدود

هارجع إليك .. يا ذا الجلال
أطلب رضاك علشان أفوق
لما نده لينا بلال
ويا صلاتنا .. طلعلنا فوق

نادى الفؤاد .. يا أحمد
إغفر للمسلمين
من بدء الكون بنسجد
يا حبيبنا .. يا أمين

أبدا .. إزاي هابيع
يا خالق العباد
الشوك .. صبح ربيع
والموت .. صبح ميلاد

دليلى .. كان رسولك
علمنى إزاي أكون
أتوضى ف نهر نيك
يا رب .. وليك أصون

يا هادى لينا دايم
نادى بشوق علينا
لو لحظه القلب يحزن
خليه يبجى المدينه

هم القلوب فى لحظه
يزول ويا الصلاه
عاشين معاك فى عزه
إسترنا يا إله

نرتاح .. لو قولنا : طه
وتضيق جراح قلوبنا
السكه يبان ضياها
ويدق الرزق بابنا

أسلم قلبي ليك
واشتاق .. بعد الفراق
روحي .. وعمرى فيك
يا شمس .. غار حراء

داخل بيتك بشوق
و " الفاتحه " ع اللسان
فى الضلمه .. بان شروق
يا خالد فى الكيان

يا رب .. وانت عارف
قلبي .. ودارى بيه
عمرى ما كنت خايف
طول ما انت يا رب فيه

هارتاح فى قلب بيتك
وانسى كل اللى فات
عمر الفؤاد ما فاتك
يا رب المعجزات

نهدى .. لو نقرى آيه
ونصلى ع الرسول
نمشى فى طريق هدايه
تحت نجوم الأصول

أملى الورق حروف
تصبح للناس أمل
حسناتك يا رءوف
بتكثر بالعمل

دايب فى محبتك
يا رمز للخلود
جمعتنا سكتك
يا رحمه بدون حدود

يا رب .. جيت لنيلك
أتوضى .. تهدى روى
ساعة ما القلب جالك
زالت جميع جراحي

هارضى بكل حُكمك
يا عالم بالبرايا
فى قلب قلبي إسمك
فى روى .. كل آيه

نَجِيكَ .. لو نَجِيكَ
ترتاح كل القلوب
فى نن العين نشيلك
جوه الآيات ندوب

أقرى الكتاب .. يزول
همى .. واقول حكم
أصلى ع الرسول
لحديثه .. أقول نعم

دارت أيام .. وجيت
وسجدت فى الخلا
عند الرسول .. لقيت
الراحه فى الصلا

يا رب .. كون ندايا
فى سكة السفر
خليلى كل آيه
فى طريق الليل قمر

هاسقى الفؤاد محبه
واصاحب الجميع
تتجمع الأحبه
فى زيارة الشفيق

يا رب يا عالم بنا
خلينا خطوه مقدسه
الهادى جوه قلبنا
طه إمام المدرسه

يا ذا الجلال جينا إليك
والروح بتنده ع الرسول
إحنا سجدنا مبين إيديك
ووصلنا لبداية الوصول

خلينا فوق السكه نور
وزهور بتنده للى غاب
إحمينا من ليل الغرور
وافتح لروحنا ألف باب

يا رب .. كون لنا المدد
واسند خطانا ع الدروب
خلى الكتاب لنا سند
يا للى انت عالم بالقلوب

أنا جيت إليك خالى الوفاض
إقبلنى ويا التائبين
إحمينى من ليل السهاد
واقبل صلاتى على الأمين

بأنده عليك فوق الطريق
وباصلى ع الهادى الشفيح
خلى الرسول لى صديق
خلى الخريف فى ربيع

يا رب والقلب اللى هام
فى ضياك ما زال عايش معاك
ع المصطفى مليون سلام
إشفيننا من شلال ضياك

الله على الحسن اللى بان
جوه المدينه الطيبه
الحب أصبح شمعدان
والسجده صبحت مركبه

يا رب خلى حياتنا خير
وصلاه على خير العباد
إزرع فى قلب الروح ضمير
واوعدنا بنجوم الميلاد

قدام مقام سيدنا الإمام
نزلت دموعى ع الخدود
رديت عليه مليون سلام
كانت نجوم الشوق شهود

نخل المبادئ .. ع الطريق
مكتوب عليه .. اسم النبى
آيتك .. عشان روحى صديق
والتقوى .. هى مركبى

آجى .. وانا ملهوف عليك
يا طه .. يا قمر السما
قبل الدخول .. سميت عليك
وناديت على حامى الحما

دار السلام .. لاجل الأنام
مفتوحه للعبد اللى تاب
ع المصطفى .. أعظم سلام
راجع إليه .. بعد الغياب

يا رب .. وانت النور هناك
يا حبيبى .. وانت الخير هنا
إتهنى قلب الكون معاك
صبحت قلوبنا مؤمنه

همى .. نسيته بالركوع
بصلاتي دايم ع الشفيح
جوه المقام .. نزلت دموع
إرحم دموعنا يا سميع

نلت الأمانى ف سكتك
يا طه .. يا خير العباد
" الوحي " .. هو كلمتك
يا حبيبى .. يا فجر الميلاد
**

أشكى لربى من هموم
فى القلب .. مش راضيه تزول
يصبح ضلام الليل نجوم
ساعة ما اصى ع الرسول
**

دمعى نزل .. فوق الخدود
ساعة دخولى لحضرتك
جوه الزحام .. طال السجود
وسمعنا تانى ندهتك
**

يا رب .. مين غيرك يكون
الخالق .. الباقي .. الأحد
الآيه .. تدخل ع السكون
تصبح عشان الكون .. سند
**

هايم مع طه الأمين
دايم يا رب العالمين
بتنادى .. ييجى القلب ليك
ينطق مع التايبين: آمين
**

نجوم طريقك يا رسول
خلت ليالى الخوف ضيّا
علمتنا .. معنى الأصول
يا إمام لكل الأنبيا
**

آجى المدينه إليك بشوق
أدخل مقامك باحترام
الروح معاك .. تطلع لفوق
وابعت إليك .. مليون سلام
**

دفينى .. يا رب العباد
بحديث حبيبى المصطفى
خلى الكتاب .. للقلب زاد
خلى الحديث .. لى شفا
**

يا رب .. خلى الروح تعود
لحماك .. وتتهنى معاك
ألقى خلاصى فى السجود
ألقى حياتى .. فى نور غلاك
**

هارمى حمولتى ع المجير
واسجد بقلبى ع الدروب
الهادى .. خلى الشوك حرير
خلى القلوب .. تقدر تتوب
**

نهر المحبه .. نزلت فيه
أتوضى .. واشرب .. لاجل اطيب
أنا شفت اسم الله عليه
سميت على سيدنا الحبيب

أنده عليك فى كل حين
إقبلنى يا رب الأنام
بالمصطفى الهادى الأمين
ريحنى دايمًا بالسلام

دوّبت روحى فى الصلاه
وفتحت قلبى للآيات
لما ناديتك يا إله
أنا شفت كل المعجزات

يا رب .. مين غيرك نصير
يحمينى من شر العباد
أنده .. تكون لىّ المجير
وتخلّى لىّ الموت .. ميلاد

هارب من الأرض السراب
باصص بروحى ع السما
راجع إليك .. بعد الغياب
إقبلنى يا حامى الحما

ندمى على العمر اللى فات
خلانى دايب فى الكتاب
القلب عايش فى الآيات
والنور و " آل البيت " صحاب

ألقاك يا رب .. فى كل شئ
يهدينى دايمًا للصواب
المصطفى .. للروح صديق
فاتح لنا .. للجنه باب

دايمًا أنادى لىك بشوق
يا رب فى وقت المحن
بعد الغروب .. جانى الشروق
يحمينى من نار الشجن

يا خالق الكون الفسيح
إهدينى للجنه البراح
قلبى فى قلب الليل جريح
إحميه يا رب من الجراح

هادى العباد يا مصطفى
بكتاب بيهدى المسلمين
خلينا فوق جبل الصفا
نهمس لرب الكون: أمين

نورت كل حته
فى مكه .. والمدينه
الهادى .. هو إنت
يا طه .. يا نبينا

أقوم علشان أصلى
للو احد .. المجيب
نور الصلا .. يخلّى
قلب المجروح يطيب

دليلى .. هو نورك
وحديتك .. والكتاب
فى كل خطوه .. خيرك
يفتح للجنه باب

يا ساكن بين عيونى
يا حبيبى .. يا " محمد "
لو ليله تزيد ظنونى
ضياك للقلب يسعد

هلال الحب باين
فى مدينة المحبه
الشوك .. صبح جنابن
يا طه .. للأحبه

ندا يا عليك يا هادى
بيوصل للنجوم
مصحف شريف .. فى إيدى
يطفى نار الهموم

أنده عليك يا طه
الخير يوصل سيول
أرضك .. نورك ماليها
والحب .. يا رسول

داب الفؤاد .. فى حُبك
وحديتك بين عينا
الكون بقلبه حُبك
يا ساكن المدينه

يا رب .. خلى قلبى
يهدى جوه المقام
إغفر بالحب ذنبى
واقبل منى السلام

هادى العباد بنورك
يا " أحمد " .. يا شفيع
مين يا حبيبى غيرك
يناديننا .. لو نضيع

نورك .. يا طه فى مهجتي
قايد طريقى بالآيات
جوه المدينه بهجتي
الله يا بحر المعجزات
**

ألقاك فى كل مكان حديث
بينادى ع القلب اللى ضاع
بنتوه .. تكون لينا ونيس
فى البحر .. نور قلبك شراع
**

دايب فى حبك ليل نهار
ألقاك فى كل مكان إمام
شرفت يا طه الديار
وبقيت فى روح الكون سلام
**

يا طه .. يا أعظم شفيح
لينا .. إذا آن الأوان
إزاي معاك الروح تضيع
يا اللى هواك .. جوه الكيان
**

هادى .. تنادى ع القلوب
والقلب راضى بدنيتك
خليت جميع الكون يدوب
فى هواك يا طه .. وطلعتك
**

نامت عيونى .. وقلبي نام
يسجد على أرض الرسول
أنا تهت فى قلب الزحام
ورجعت تانى .. للأصول
**

ألقاك فى دمعى اللى ابتدى
ينزل على أرض الحياه
راجع .. وروحي محيط هدى
والأمر .. أمرك يا إله
**

دايب فى حب المصطفى
يا روى .. دوى كمان .. كمان
إرسى على شط الشفا
بسفينه .. ليها شراع إيمان
**

يا رب .. كون لى الدليل
جوه الضلام .. كون المدد
إسندنى لو حان الرحيل
فى ليل طويل .. كون السند
**

هادى عبادك ليل نهار
بالآيه .. ومعها الحديث
تصبح قلوب الناس منار
ويكون رسول الله جليس
**

نورك .. فى قلب الكون شعاع
يا طه .. يا شمس الزمن
لو يوم طريق القلب ضاع
تصبح عشان الروح وطن
**

أسهر مع القرآن .. معاك
وابكى على أرض السجود
الله خلق .. للكون ضياك
خلاك يا نور الله .. خلود
**

دقيت على بابك .. وجيت
قلبى سبقتى ع المكان
صليت .. صبح دمعى محيط
وصحيت .. على صوت الأذان
**

يا مصطفى .. قلبى ارتوى
من ضىّ نورك ع الحياه
واحنا سوا .. كنت الدوا
والآيه .. للقلب اللى تاه
**

همى .. نسيته بالآيات
وارتحت من طول السفر
وياك .. نسيت كل اللى فات
يا هديه من عند القدر
**

توّرت قلبنى بالآيات
طهرت روحى بالحديث
جانا رسول المعجزات
علشان يكون للروح جليس
**

أدبت روحى بالكتاب
علمتنى معنى الأصول
رجعتنى .. بعد الغياب
للكعبه تانى .. والرسول
**

دين المحبه والسلام
هو طريقى فى الحياه
دمعى نزل فوق المقام
لما ناديتك يا إله
**

يا رب .. توبت إليك وجيت
أشكى .. وأشكر نعمتك
بيت الرسول .. أصبحلى بيت
ومشيت معاه .. فى سكتك
**

هاجى إليك رغم الذنوب
أطلب حمايتك م الضلام
إنت اللى عالم بالقلوب
وانت الرءوف .. وانت السلام
**

نام الوجود .. والقلب قام
علشان يصلى ويشكرك
دخل المقام .. شاف الزحام
إرتاح وهو ببيذكرك

أحمد شفيعى فى الرجوع
الله على أجمل دفا
لما العيون .. تصبح دموع
بتشوف حبيبها المصطفى

دايبه يا روحى فى النجوم
ساجده لرب العالمين
لما تفيض بى الهموم
تنده دموعى ع الأمين

يا رب ضلّل ع الغريب
واهديه على أعظم طريق
يبقى الحديث .. للروح طيب
يبقى الرسول .. أقرب صديق

هى الحياه .. إيه غير إيمان
غير " رحمه " تملئ قلبنا
يا رب .. خلى النور بيان
خلى نفوسنا مؤمنه

نَدَه الأدان .. على قلبنا
يا طه .. لبينا النداء
" أبو بكر " .. ماشى جنبنا
جوه عنيه .. شلال هدى

أنده على كل اللي تاه
واقرى آياتك ع الملاء
يا رب .. يا سر الحياه
الى سجد لضياك .. سبق

دمعه على خد الجميع
فى كل لحظه بتذكرك
بتنادى دايم ع الشفيع
وعلى الشفاعه .. تشكرك

يا رب .. إهدى كل روح
وصلها لنجوم السما
خليها للقرآن تروح
تصبح بنورك مُسلمه

هادى القلوب .. مهما تضيع
جوه خطاوى مضلمه
خلى خريف الروح ربيع
واحميها يا حامى الحما

ندمى على الذنب الذى فات
خلانى دايمًا أذكرك
واما اعيش .. ويا الآيات
فى كل آيه .. أشكرك
**

إحمى الذى تاب .. بمحبتك
وافتحله أبواب القبول
يوصل بعمله لجنتك
واشفع لروحه بالرسول
**

دايم يا رب العالمين
رازق قلوبنا بدون حساب
باعث لنا .. طه الأمين
يفتح لروحنا ألف باب
**

يا رب .. مين يقدر يشيل
هم القلوب .. إلا ضياك
إرضينا دايمًا بالقليل
خلينا نترجى لقاك
**

هديت فى بيت المعصيات
وبنيت فى بيت لاجل الذى تاب
لما قرينا فى الآيات
وصلت نفوسنا للسحاب
**

ندم الذنوب .. خلانى اتوب
وارجع إليك .. يا ذا الجلال
إنت الذى عالم بالقلوب
إهدينا للسكه الحلال
**

إهدى الذى تاه جوه الزحام
خليه يكون شلال ضيًّا
لو طال عليه ليل الضلام
إشفيه بسيد الأنبيا
**

دمعى نزل .. لما ابتديت
أقرى كتابك يا رءوف
لما دخلت البيت .. لقيت
بابك بينده للضيوف
**

يا رب .. خلى النور يسود
يصبح سلام .. بين البشر
تغفر ذنوبنا .. بالسجود
تناديننا .. لو بان الخطر
**

همى نسيته بالكتاب
يا خالق الكون البراح
يا الذى فتحت عشانى باب
إن كنت لحظه نسيت .. سماح
**

ناوى أزورك يا حبيب
يا اللى لقاك .. أعظم شفا
الجرح .. لو شافك يطيب
ما انت الطبيب .. يا مصطفى

أنده عليك صبح ومسا
واشتاق إليك من غير حدود
طه .. يا أعظم مدرسه
خليتنا .. للرحمن نعود

دايما أجيلك فى الميعاد
فى الروضه .. أسجد للإله
ما اقدرش لحظه ع البعاد
يا طه .. يا قمر الحياه

يا رب .. يا سند الضعيف
يا هادى فى كل القلوب
العبد .. فوق الأرض ضيف
قبل الميعاد .. خليه يتوب

هايم فى حبك يا رسول
يا هديه من رحمن .. رءوف
الخير نزل زى السيول
لما العباد .. صبحوا صفوف

نورت روحنا بالحديث
ومليت حياتنا بالعبر
الآيه .. للمؤمن جليس
تحميه .. إذا بان الخطر

أسبق خطايا للمقام
واوصل إليك قبل الميعاد
على روحى بترد السلام
تنادينى لو طال البعاد

دايبه يا روحى فى الرسول
فى "الروضه" .. عارفه قبلتك
الله على قمر الأصول
لما ينور سكتك

يا رب .. حُزنى لما زاد
خدنى كتابك للضيّا
آيه .. هدايه .. لروحى زاد
جابه ختام الأنبيا

هادى .. تنادى ع الجموع
ما انت ختام الأنبياء
عرفتنا .. إن الخضوع
لله .. يا بحر الكبرياء

نور المقام .. جوه القلوب

خلانا نسجد للاه

جينا يا طه .. عشان نتوب

وتدوب نفوسنا .. فى نور ضياه

إحمينى من ليل العدم

وداوينى من كل الجراح

قلبى يقول لنداك نعم

يندم على كل اللى راح

دورى يا روحى ع المقام

بين الجموع المسلمه

الدعوه .. وصلت فى الزحام

يا حبيبى .. لسحاب السما

يا رب .. لما اليأس زاد

خدنى كتاك م الهموم

ما اقدرش أصبر ع البعاد

نفسى إيمان روحى يدوم

هارب يا قلبى م الضلام

داخل آيات الله بشوق

للمصطفى .. أهدى سلام

ألقانى ويا صاحبه فوق

نامت عيونى ع المقام

سجدت فى ساحه بدون حدود

على قلبى .. رديت السلام

نزلت دموعى ع الخدود

إندهنى يا أعظم رسول

واشفعلى فى يوم الزحام

نزلت دموع العين سيول

وارتحنا من ليل الآلام

دَمَعْتُ لما لمحت نور

جوه العيون المؤمنه

لو أرض بور .. تطرح زهور

بحديث .. حروفه حنيه

يا رب .. قنديل الهدى

قايد فى روحنا ليل نهار

صبح الأذان لينا ندا

والآيه صبحت ضوء منار

هادخل مقامك يا حبيب

علشان جراح الروح تطيب

مهما أغيب .. لازم أعود

ما انت الطبيب .. وانت القريب

نادى على المصطفى

الله على أجمل ندا

كل القلوب .. متشرفه

بالحب .. وبحور الهدى

أجى إليك .. لما الحنين

يصبح دموع .. جوه العيون

والمصطفى الهادى الأمين

ألقاه عشان القلب عون

دارى دموع العين يا ليل

القلب ساجد للاله

الرزق عمره ما كان قليل

طول ما الحياه .. فيها صلاه

يا رب .. يا سند الضعيف

إسندنا لو طال الطريق

العبد .. فوق الأرض ضيف

محتاج لقرآنك صديق

هليت علينا يا كتاب

شرفت روحنا بالآيات

الروضه .. فتحت لنا باب

شُفنا رسول المعجزات

ندهه شريفه للقلوب

م المصطفى الهادى الأمين

فى الدعوه كل الكون يدوب

كل الوجود .. يهمس آمين

أنا يا رسول الله لقيت

الراحه .. قدام المقام

فى مسجدك .. أنا لى بيت

مفروش بسجادة سلام

دايب فى حبك يا شفيق

ويا نفوس كل البشر

ليل الخريف .. يصبح ربيع

و " العتمه " تتحول قمر

يا رب .. نور المؤمنين

فى كل " سنتى " م الحياه

فى لحظه وحده نقول: " آمين "

بعد الصلاه .. يرضى الإله

هاجى إليك .. يا مصطفى

أشكى همومى للرءوف

أفتح كتاب المعرفه

علشان معاه .. للنور أشوف

نادم يا رب .. على اللى ضاع
من عمرى فى ليل الجفا
أنقذنى من شوك الضياع
والصمت .. سيدنا المصطفى

آجى يا طه إليك حزين
أنسى همومى بالحديث
الله عليك .. هادى أمين
للمؤمنين .. أعظم جليس

دَوَّبْتُ قلبى فى الآيات
وسجدت فى ساحة صفا
أفتح كتاب المعجزات
القلب يشعُر بالدفاء

يا رب .. كون لنا النصير
واسند خُطانا فى السفر
إنت الكريم .. وانت المُجير
وانت حامينا م الخطر

هادى .. ولا لنا سواك
يا حبيبى .. يا أصل النجاه
لما ظهر لنا ضياك
إحنا ابتدينا فى الصلاه

نورك يا رب الكون ظهر
فى كل حته .. م الوجود
بالمصطفى .. زال الخطر
وارتحنا جدا بالسجود

ألقاك على طول المدى
رحمن .. رحيم .. قادر .. رءوف
تملى حياتى بالهدى
للمعجزات .. أقدر أشوف

دين الهدايه والهدى
دين الإيمان .. دين الأصول
الدنيا نور .. للى إهدتى
ودخل فى بيت .. أعظم رسول

يا رب .. علمنا الكتاب
نفضل نجوم .. فوق الدروب
طه فتح للدنيا باب
خلى القلوب .. تقدر تتوب

هايم فى أنوار الصفا
دايم يا رب الكون لنا
فى يوم ميلاد المصطفى
الدنيا صبحت مؤمنه

نام الوجود .. على كل شئ
وسهرت وحدى أسبحك
لو روى تاهت ع الطريق
إغفر لها .. باستسمحك

أسجد على أرض الصفا
أزرع ورود طه الحبيب
دايب فى نور المصطفى
الهادى .. خلى الروح تطيب

دايب يا قلبى فى الضياء
رحمن .. رحيم .. ببصبرك
وهبك ختام الأنبيا
وعلى العباد .. قدرك

يا رب .. يا نور الحياه
قدرنا دائما ع الصلا
إنت دليل قلبى اللى تاه
وانت اللى خالد فى العُلا

هادى العباد .. جوه الزحام
جوه الزحام .. هادى العباد
ع المصطفى .. مليون سلام
يا نور سكن .. جوه الفؤاد

نور الرسول .. خدنى إليك
أتوضى من نهر الشفا
ساجد يا رب ما بين إيديك
طالب شفاة المصطفى

أسجد على أرض الإيمان
وانده عليك .. يا ذا النعم
الحب يدخل فى الكيان
والقلب يهمس لك : نعم

دوبتى يا روى فى الرسول
دوبى كمان .. وقت الصلا
دا اللى يصلى عليه يثول
بالحب .. يوصل للعُلا

يا رب .. فى قلب الكتاب
السوره .. جنب السوره نور
إفتح لروحي كل باب
خلى الفؤاد .. دائما صبور

هادى الأنام .. هادى البشر
جوه حديثه كل شئ
لو بان فى يوم ليل الخطر
فجره بيظهر ع الطريق

نادى الفؤاد على طلعتك
يا مصطفى الهادى الأمين
الجنه .. باينه فى سكتك
بتنادى كل المؤمنين

ألقاك على طول المدى
رحمن رحيم قادر رءوف
تملى حياتى بالهدى
للمعجزات .. أقدر أشوف

دايم .. مالك أبدا شريك
ولا لك شبيه .. ولا لك ولد
لما وصل قلبى إليك
كنت المدد .. كنت السند

يا رب .. خلى المصطفى
هو شفيعى فى الحساب
الهادى .. أنهار الدفا
بينادى ع القلب اللى غاب

هادى النفوس .. فوق الدروب
بتعيدنا من بعد الممات
على سكتك .. ساجده القلوب
فاتحه كتاب المعجزات

نورك ظهر .. جوه القلوب
الله على أصل الأصول
جينا المدينة .. عشان نتوب
يا حبيبنا .. يا أعظم رسول

أنده بقلبى يا حبيب
على نور يكون لى صديق
ألقاك عشان الروح قريب
ألقاك عشان قلبى طريق

دايب فى أنوارك هنا
عمرى ما هانسى كلمتك
هادى القلوب المؤمنه
والشمس قايده سكتك

يا طه .. قلبى ما زال معاك
نسمة محبه طيبه
جوه الخطر .. ألمح ضياك
يا حبيبى .. أعظم مركبه

همى يضيع .. لو يوم قرئت
آيه .. ووياها حديث
إنت عشان القلب بيت
وانت عشان الروح ونيس

ناوى أعود لك يا رسول
أرتاح بقلبي م الهموم
يا نهر صافى للأصول
يا بحر دافى للعلوم

أنده عليك .. لما الدموع
تنزل يا طه ع الخدود
الله على نور الخشوع
لما بيظهر فى السجود

دايب فى حبك ليل نهار
صلبت عليك .. صبح ومسا
السجده .. تتحول منار
جوه قلوبنا المخلصه

يا هادى .. كنت على الطريق
شمس الهدايه .. والهدى
إنت الحبيب .. وانت الصديق
وانت الإيمان .. مالهوش مدى

هليت يا طه للحياه
علشان تكون لنا إمام
قمر المدينه .. بان ضياه
ريح قلوبنا بالسلام

نفسى أعود لك يا حبيب
ألمس بروحى فى المقام
إنت عشان الناس طبيب
وانت عشان الروح سلام

أسبق خطايا يا شفيع
جوه المدينه الطيبه
آجى إليك .. تصبح ربيع
ترتاح قلوبنا المتعبه

دارى بقلبي اللي انجرح
عالم بروحى المؤمنه
الحزن .. يتحول فرح
والشوك بيصبح سوسنه

يا رب .. والعمر ابتدى
ويا الرسول .. فى رحلته
رحلة خلود .. طول المدى
دخلت قلوبنا كلمته

هل الربيع .. ويا الرسول
ويا الرسول .. هل الربيع
إسلام زرع .. شجر الأصول
قمر الوصول .. هو الشفيع

نزلت دموع العين تقول
إنك حبيبنا يا شفيح
وانك لكل الناس رسول
واللى معاك .. إزاي يضيع

ألقاك فى كل مكان هدى
وهدايه من رب العباد
نور الطريق .. بيبك ابتدى
يا طه .. يا أعظم ميلاد

دستور حياتك يا رسول
العطف ع القلب الحزين
إنت المبادئ والأصول
والهادى دايما .. والأمين

يا رب .. سلمنا القلوب
لك يا حبيب كل البشر
القلب لو يقدر يتوب
يصبح ضلام الروح قمر

هاقرى حديثك للجموع
تنزل دموعى ع الورق
سجدة إيمان .. فيها خشوع
خلت هلال الضوء برق

نور الإيمان .. مالى الوجود
جوه قلوبنا المؤمنه
تنزل دموعنا فى السجود
السكه تبقى حنيه

أنده .. يعود لى النداء
راحه .. فى ساحه مقدسه
الدمع .. يتحول ندى
جوه عيوننا المخلصه

دعوه ما زالت فى الحياه
هى الأساس .. لاجل البشر
أدى رسول الله .. ضياه
حامى بيوتنا .. م الخطر

يا رب .. يا أعظم معين
لينا على جبل الوصول
لما قرئت .. سورة ياسين
صليت على أعظم رسول

هادى القلوب .. يا ربنا
يا أصل خالد للنعم
لو يوم تنادى قلبنا
الروح تقول لنداك : نعم

نايم وصاحى .. أذكرك
يا خالق الكون البراح
ويا حبايبك .. أشكرك
يا حامى روحنا م الجراح

أنده على نور الرسول
ألمح نجومه ع الدروب
أسجد بروحى .. ع السهول
ويا قلوب .. عايزه تتوب

دايم يا رب الكون لنا
حامى النفوس .. لو يوم تتؤه
وتفوت سنه .. بعد السنه
الجنه تظهر فى الوجوه

يا رب .. كان الليل شحيح
قبل الحبيب المصطفى
بعد الحبيب .. صبح الجريح
عايم فى أنهار الشفا

هليت بقلبك ع الجموع
بالآيه من عند الإله
الكون صبح وياك خشوع
حتى الحياه .. صبحت حياه

ناوى أجيلك فى الميعاد
يا اللى لُقاك .. لى شفا
ما اقدرش تانى ع البعاد
يا نجوم وفا .. يا مصطفى

الله عليك .. خارج لنا
شمس الحقيقه للوجود
كل القلوب المؤمنه
شكرت إلها فى السجود

دوّبت روحى فى الصلا
وشربت من " زمزم " أمان
قلبى سجد جوه الخلا
يا رب .. من قبل الأدان

يا رب .. قلبنى خلاص عرف
إن الحياه .. جسر الوصول
علمتنا معنى الشرف
والحب .. يا أعظم رسول

هاقرى كتابك .. ليل نهار
الشوك .. هايتحول زهور
قلبنى زرعته ع المنار
آيه .. وألف حديث ونور

نورك على كل الدروب

هادى عبادك بالآيات

يا رب .. يا نور القلوب

إحمينا شر المعصيات

أستنى فى قدوم الأذان

تهدى عنيه المتعبه

واقفه على كل البيان

كل القلوب الطيبه

دارى بقلبي يا إله

جارى كتابك ليل نهار

لو يوم تضيق بى الحياه

يصبح حديث طه منار

يا رب .. جينا فى الميعاد

بالحب .. والحق المبين

نتوضى من نهر الوداد

نسجد على أرض الحنين

هامشى على هدى الرسول

واوصل حماك .. يا ذا الحما

فى الأرض .. خلّيت الأصول

تطلع بنورك للسما

نادم على عُمر انقضى

يا رب .. فى قلب الزحام

إوعدنى دايمًا بالهدى

وارزق حياتى بالسلام

ألقي آياتك فى الكيان

نسمة محبه معطره

المصطفى .. جوه المكان

هو الإيمان .. والمقدرة

دوّبت قلبي فى الصلاه

صبح السجود لى هدف

الجنه .. أعظم م الحياه

إزاي فى لحظه تتوصف

يا رب .. يا روح الجميع

إستر عيوبنا فى الزحام

جينا نزور .. أعظم شفيع

والقلب بادئ بالسلام

هارب بقلبي م الذنوب

شارب بروحى محبتك

أسجد مع الأصحاب .. أدوب

وازرع زهور .. فى سكتك

نادى الفؤاد .. فى سكتك
يا رب .. يا هادى الجميع
إوهبنا دايما رحمتك
واشفع لروحنا .. بالشفيع

أنده عليك .. فى كل حين
واسجد على دمع الإيمان
إنت الكريم .. وانت المعين
وانت اللى ساكن فى الكيان

دايب وتايب يا إله
عايش فى فضلك ليل نهار
الآيه سكه للى تاه
وهدايه طاهره .. ونور فانار

يا رب .. يا سند القلوب
إحمينى م الليل الطويل
قلبى يا علام الغيوب
من غير ضياك .. يصبح عليل

هاجى إليك .. علشان أتوب
وأدوب فى ضيِّك .. يا رءوف
الله .. يا ستير العيوب
خلينى جوه الليل أشوف

نادى يا قلبى .. ع الحبيب
وارتاح على شط الإيمان
المصطفى .. هو الطبيب
والراحه دايما للكيان

آجى المدينه عشان أشوف
نورك .. يا شمس الأنبياء
تبعث سلامك .. للضيوف
يا أصل أصل الكبرياء

دوبى يا نفسى فى الرسول
المصطفى .. هادى البشر
كونى مناره للأصول
تحمى العباد .. لو فيه خطر

يا رب .. يا باعت لنا
أحمد .. عشان يصبح هدى
كل النفوس المؤمنه
فتحت قلوبها للندى

هادى .. تنادى ع الجميع
تصبح شمس فوق الدروب
الدنيا بيك .. تصبح ربيع
يا رمز خالد فى القلوب

نامت عيون كل البشر
وصحيت بقلبي .. أذكرك
الدنيا دى .. سكة سفر
ماشى عليها .. أشكرك

أرتاح فى بيتك يا إله
واحلم ليلاتى بجنتك
المصطفى .. فى الروح ضياه
ساجد معنا .. فى سكتك

دايم يا رب الكون لنا
والقلب هايم بالآيات
لو ليل .. دخل فى قلبنا
الفجر ييجى بالثبات

يا رب .. لو ضاع الطريق
من روحى .. بتكون المعين
يظهر فى ليل الكون بريق
يندهلنا الهادى الأمين

هادى جميع الكائنات
يا ضىّ طاهر فى العيون
بالنور .. هجرنا السيئات
وانا يا إلهى: "كن .. أكون"

نور الرسول .. فاض ع الوجود
ريّح قلوبنا المؤمنه
إرتحنا جدا بالسجود
صبحت نفوسنا حنينه

آجى إليك .. يا مصطفى
أشرب من النبع الحلال
ألقاك عشان الكون شفا
حامى حياتنا م الضلال

دوّبت قلبى فى الآيات
وسجدت ويا الساجدين
نادم يا رب على اللى فات
إشفعلى بالهادى الأمين

يا رب .. يا سَنَد العباد
يا هادى فى قلوب البشر
خلّى الممات .. لينا ميلاد
واحميننا من ليل الخطر

هادى القلوب .. إنت الحما
وانت الأحد .. وانت الصمد
كل الوجوه .. متبسمه
لما وصل ليها المدد

نادم يا ربى .. ع اللى فات
جايلك بروحى عشان أتوب
إغفر لى كل السيئات
واحمينى من غدر القلوب

ألقاك فى قلبى ليل نهار
أقرى آياتك بالدموع
طه عشان الروح منار
علمنا نسجد فى خشوع

دايب فى حبك يا إله
يا هادى كل الساجدين
عرفتنا إن الحياه
هى طريق المؤمنين

يا رب .. يا غافر لنا
وصل قلوبنا برحمتك
خلى النفوس المؤمنه
تدخل بفرحه لجنتك

هليت مع نور الكتاب
ووصلت لنا يا ضياء
الجنه فاتحه عشاننا باب
وشفيغنا .. سيد الأنبياء

نور الرسول .. جوه العيون
مالى قلوبنا باليقين
إحمى نفوسنا م الظنون
بشفاعة الهادى الأمين

أحمد .. ولا لينا سواك
يا اللى الإله .. بعك لنا
جايب كتاب الله معاك
خليت قلوبنا مؤمنه

دايب فى أنوار المقام
باتده عليك يا مصطفى
مش دارى حتى بالزحام
يا اللى لُقاك لينا شفا

يا رب .. مين يقدر فى يوم
يرزقنا بالرزق الحلال
إرحمنا من نار الهموم
واحميننا من شر الضلال

هارب يا رب .. من الآثام
من كل ليله مضلمه
لما عيون الكون تنام
قلبى بيوصل للسما

نادى بلال .. لبیت نداء
ووصلت تانى للمقام
الله وهب .. لعينك ضياه
يا طه .. لك م الكون سلام

أسهر .. يجينى الفجر نور
أسجد بقلبي م الجموع
الشوك بيتحول زهور
لما سقيته بالدموع

دوبنى نورك .. خدنى فوق
خلانى أسكن فى السحاب
ليل العذاب .. أصبح شروق
والجنه فتحت لى باب

يا رب ريح قلبنا
بالحب .. وبحور الإيمان
تفضل بنورك جنبنا
تفتح لنا .. كل الببان

هليت يا قمر المصطفى
نورت فى كل الجهات
خليت نجوم المعرفه
تقرى معانا فى الآيات

نور الكتاب .. أصبح طريق
بينادى ع القلب اللى تاه
المصطفى .. هو الصديق
خدنا معاه .. عند الإله

أقرى آياتك يا رءوف
الراحه تصبح سكتى
إحنا على الدنيا ضيوف
يا رب .. إقبل شكوتى

داخل على أشرف مقام
ودموعى طاهره ع الخدود
القلب .. دقاته سلام
والوقفه .. تشبه للسجود

يا رب .. يا هادى البشر
إهدينا فوق جبل الحياه
خلينا جوه الليل قمر
جايب لكل الناس ضياه

هارب من الدنيا السراب
لاجئ إليك يا ذا النعم
إفتح بعطفك لى باب
واحمينى من شر الندم

يا رب .. فى السكه الحلال
أنا ماشى والدنيا ضيا
سامع بقلبى أذان بلال
وحديث إمام الأنبيا

إهدينى دايمًا بالصراط
وارحمنى م الليل الطويل
أنا راحتى فى كل الآيات
والفرحه بالرزق القليل

صليت على الهادى الحبيب
وسجدت لىك فوق الدروب
نجمة حنانك لا تغيب
يا راحه فى كل القلوب

يا رب كون لىّ الدليل
فى طريق طويل مالهوش مدى
أنا دمعى فوق الخد نيل
يا حبيبى يا أصل الهدى

سلمت لك قلبى اللى قال
إنك إله العالمين
حققت بىك كل المحال
وقريت بشوق سورة ياسين
